



V. 4




3/4.B. 41.

~~14-14.6~~ 3

C. 65. c.











S P O N G I A
 Q V A
 ABSTERGUNTUR
 CONVITIA ET
 MALEDICTA
 EQVITIS POLONI
 CONTRA
 IESVITAS.



Cornelio

Francisci



GRACOVIAE. A. M. D. XC.

Recusa NEAPOLI,
 Apud Iosephum Cacchium. M. D. XCII.

Thyris D. mao d; Cacchi S. Senexina
Auctor

S P O N G I A
 Q V A
 ABSTERGENTIA
 CONVITIA ET
 MALEDICTA
 EVITIS POLONI
 CONTRA
 LESVITAS.



Commissio

GRACONIA A. C. A. D. E.

PONTIFEX
 APOLLO...
 THEATRO...

MISI ad vos, omnes seruos meos Prophetas, de nocte consurgens; mittensq;
 & dicens. Nolite facere verbum abomina-
 tionis eiusmodi, quam audiui.

I. CORIN. I.

FIDELIS Deus. per quem vocati
 estis in SOCIETATEM filij eius;
 Iesu Christi Domini nostri.



I. IOAN. I.

QUOD vidimus, & audiuius, anun-
 ciamus vobis, ut & vos SOCIE-
 TATEM habeatis nobiscum; &
 Societas nostra sit cum Patre, & cum Filio eius
 Iesu Christo.

SENECA.

NIL, in rerum natura, tam sacrum est:
 quod sacrilegum non inueniat.

MY dear friend,
I have just received your letter of the 10th inst. and am
glad to hear from you. I am well and hope these few lines
will find you the same.

I remain, dear friend,

FIDELIS
SOCIET. T. H. H. H.
The Society of Friends.

I am, dear friend,

QUOD ERANT, ET ANIMANT, TUA
CUM SOCIET. T. H. H. H.
THE SOCIETY OF FRIENDS
Your most affectionate friend,
John C. Smith.

2

NI
I am, dear friend,
Your most affectionate friend,
John C. Smith.

SPONGIA

QVA

ABSTERGUNTUR CONVITIA.

ET MALEDICTA,

EQVITIS POLONI.

CONTRA IESVITAS.



THEVS, S-I-S, an Iudeus; Ha-
reticus, an Schismaticus; ater, an
albus? Iesumastyx procacissime,
ignoro. Catholicum esse non cre-
do: Christianum vix puto; Iuue-
nem, quem simulas, cumq; leuif-
simum, nugacissimum, maledicentissimum, vento-
sissimum concedo. & hoc ipso nomine non verbo-
rum, sed virgarum flagellis dignissimum statuo. ita
nil maturum, nil meditarum, nil sobrium, nil inge-
nuo dignum, nil veritati consentaneum; sed omnia
singulari stultitia, & inhumanitate oblita, conuitijs
& maledictis farta; nec solum vestigia; sed ipsa fal-
sitatis, rebellionis, & seditionis cubilia, in ea, quam

A

contra

contra Iesuitas suscepisti actione perspicio. In qua
si quā voluptatem maledicendo concepisti; dabo
operam, ut verum audiendo amittas. Sed tuam, ò pa-
tria charissima, miserrimam faciem prius deplora-
bo, in qua C H R I S T I iste nescio quis perduel-
lis, audacia pro sapientia armatus, libertateq; tua,
& indulgentia abusus, iuuenilem suam ferociam,
videri vult consilium, & tanquam è cœlo delapsus,
in subsellia Senatorum inuolat: consulendi decer-
nendiq; partes usurpat: manum amatorijs leuitati-
bus fœdatam, ad Reipub. moderationem admouet:
& qui tacere nunquam adhuc didicit, loqui in con-
spectu Magnatum, legesq; Draconicas, libertati no-
stre repugnantes figere, tanquam in Megeræ pyxide
calamum intingens, non crubescit. Homo; quem
ob ætatis imbecillitatem, censoriam istam virgulā,
eorum quos docendos & mouendos suscepit, intel-
ligentissimorum Senatorum auctoritati submittere,
& in Academico adhuc puluere, aut in Grammati-
corum scholis, sub magistri ferula sedere, vapula-
re; oportebat. Quam adolescentis audaciam cum
plenam fraudis, plenam periculi, plenam temerita-
tis, summa cum patriæ turpitudine coniunctam, &
omnium in vtraque Repub. sententijs damnatam
atque reprobam ostendero; vim ingentem men-
daciorum, quæ iste ad insaniam effudit, calumnia-
rumq; acerbicatem, quibus actionem suam infar-
sit,

3
fit, breuiffima oratione refutabo . Non tamen agā
fummo iure, nec omnibus veltigijs, omnes huius
nugatoris calumniās persequar : eligam ea quę ma-
ximè excellunt, & in quibus videre poffitis omnes
iftius inefle culpas maximas; Hærefis, perfidiæ, de-
mentia, contumelię, feditionis, rebellionis, summi
in Deum, in Reges, in Leges, & in omnes bonos cō-
temptus . Nam fi adolefcentem vobis denudarem
à pectore, cicatrices proculdubio afpiceretis non ab
hoftibus Reipub. fed in mulierum contubernijs fu-
fceptas; nec effer quisquam in patria, qui illum mo-
ri fatis effe putaret . Illud autem in primis mirari
fatis nequeo, quòd Actorem hunc, iſta Muſę, qua-
rum amator videri vult, nec intelligentiorem, nec
manfuetiorem reddiderunt . Nam fi fe hominem
eſſe meminiflet, rationem bono ſibi conſilio à Deo
immortali datam, in fraudem bonorum non con-
uerteret: viciffim autem niſi fe iuuenem oblitus ef-
ſet, tacendi, non loquendi; diſcendi, non docendi;
obtemperandi, non imperandi partes uſurparet: &
veſtram præterea ſapientiſſimi Senatores authorita-
tem, & prudentiam non contemneret; niſi veterem
illam dignitatem & ſeueritatem vos amiſſiſſe puta-
ret. quod certè putat, cū in omnia omniū veſtrū,
munera & officia furenter & licentioſè inuolat: re-
genda Reipub. artificium ſibi arrogat: ſe vnum in
illius videndis vulneribus lynceum, reliquos om-

4
nes talpas putat: quasi hoc esset proprium Equitis
Poloni officium (huius enim vocabuli splendore
aures vestras reddere sitientes desiderat) rerum om-
nium ordinem sursum deorsum agere, flammās vn-
dis miscere, imma summis paria facere. cum tamē
scientis sit (ait Plato) non diuitis; de quacūq; re be-
nē consulere. Nam vt Aemōn ille huius nostri dissi-
milimus adolescens in Antigone loquitur.

Quicumque se solos sapere, linguaq; vi-

Vel pectoris pollere, quam alij non habent,

Existimant; isti resecti, sepius

Comperiti inanes sunt.

Equidem apparet Tyronem istum nunquam il-
lud Ecclesiastici sapientis praeceptum auribus vsur-
passē: In medio Magnatum non praesumas: & vbi
sunt senes non multum loquaris. Nec illud; Ado-
lescens, loquere in tua causa vix: si bis interrogatus
fueris, habeat caput responsum tuum. in multis
esto quasi inscius, & quasi tacens simul & quarens.
Nec illud etiam; Cum Roboam reprobato senum
consilio, iuuenum sententiam secutus Regnū Israe-
lis amisit.

Illud stupeo, quod ne in Cicerone quidem lege-
rit; Adolescentiae incuntes, maximam inesse imbe-
cillitatem consilij. Multa (ait ille) in nostro colle-
gio praeclara sunt, sed hoc in primis, quod vt quisq;
aetate antecellit, ita sententiae principatum tenet.

quodq;

quoddq; illud in Diuino Platone non obseruaueris,
Tacere debent coram senibus iuniores, cedere illis
locum atque assurgere, & ut parentes colere. O fili
(ait Atheniensis ad Cliniam) iuuenis adhuc es, nec
dubito quin progressio temporis faciat, ut de mul-
tis aliter, quam nunc sentias: expecta igitur oro, ut
tunc de rebus maximis iudices. Homerus quoque;

Αἰεὶ δ' ὁ πλοῦτων ἀνδρῶν φρενὶς ἠεὶ ῥέθοντα
Οἷς δ' ὁ γέρον μετέησιν, ἅμα πρόσθω καὶ ὀπίσσω
Λυσσα, ὅπως ὅχ' ἄριστα μετ' ἀμφιτέροισι γένηται.

Idest. Semper vero iuniorum virorum mentes pendunt

*Quibus vero senex interfuerit simul praesentem et future
Prospicit, ut valde optime cum viri/q; agatur.*

Sed apparet profectò Actorem istū nullas istius-
modi sobrias cogitationes habuisse, cum scriberet.
Verisimilius est ea, quæ sunt iuuenum, mente & ani-
mo pertractasse; quo vestis genere, quo calcei colo-
re, qua forma pilei, ad conuiuia accedendum? quis
tonsuræ modus seruandus? & quemadmodū in mu-
liebri cōfessu, coronam vnā in capite, alteram in
collo, reticulumq; ad nares sibi apponeret plenum
rosæ? Sed verba mittamus, ignem quæ habeant.

Posteaquā ergò visum est homini ventosa sua
loquentia praesidenti de eodem, quod aiunt, oleo &
opera, & Pontificis Romani authoritatem cōtume-
liæ aculeis pungere: & Regū Christianorum ma-
iestatem carpere: & regni Senatores cæcos & mu-

tos facere, & Dei seruos lacerare: rebusq; clarissimis tetras tenebras obducere; (videte quæso Senatores quàm multa sunt in vno istius calamo vulnera) C H R I S T I nos vicissim cogit charitas, vt veritatis propugnatione suscepta, Pontificem contumelia, Reges inuidia, Senatores iniuria, Dei seruos calumnia liberemus; rebusq; omnibus lucem afferamus. Non quòd existimemus, tutiorem vitam nostro præsidio victuros in patria Iesuitas, (quid enim ab adolescentis garrulitate periculi?) Sed vt exemplum sequamur humanitatis & officij: vt contagionem istius impudentiæ imitandæ præcludamus: vt ne labor quoque noster ijs defuisse viris videatur; quorum labore fit, vt religio christiana minus in patria nostra, quàm ante laboret. Nusquam est tutius calamum stringere, nusquam irasci, & excandescere, nusquam etiam errare tolerabilius, quàm cum in amore nimio (vt loquitur B. Augustinus) veritatis, & in reiectione nimia falsitatis excandescimus. Qui enim non satiatur amore erga I E S V M (ait B. Chrysostomus) hic nec vnquàm satiabitur pugna aduersus eos suscepta, I E S V M qui oderunt. Gregorius verò Nazianzenus; Nequaquam, ait, cū feruorem damnare debemus, absque quo nihil fieri præclare, siue pietatem, siue virtutes cæteras spectes, potest. Et B. Basilius; In alijs modesti sumus, inquit, & omnibus reliquis humiliores; vbi verò Dei

negotium periclitatur, cunctis alijs contemptis, ad Deum solum respicimus. ita ut gladij, bestiar, ungues carnem dissecantes, potius delicia nobis sint; quam tormenta. Deum precor ut mihi iubeat ex alto, sicut Poëta loquitur πομπῶν ἐλθεῖν ἔρον. i. deductorium venire ventum. Te igitur appello, fili tenebrarum. Ais. *Omnibus quidem charissimam esse patriam; illos tamen propter iniquitatem temporū, in hanc causam multis odiosam non audere descendere; ne illorum oratio, multorum varias voces ad invidiam & odium excitaret.* Ego verò patrię charissimę etiam atq; etiā gratulor, neminem in ea inuentum esse præter vniū te, ita impudentem, qui niuem auderet atram dicere, aut arma nefaria pro falsitatis propugnatione, contra vim veritatis assumere. Suadeo tibi ut circumspicias, quàm recto cōsilio sapientissimis Regni Senatoribus maculam hanc aspergis: aut quo tuo commodò reliquorum ciuium præstantiam laceras; cū ita cæcos omnes putas, ut præsentem patrię pestem non videant: ita verò mutos & inuidię metu consternatos; ut ad equissimę causę propugnationem descendere, proq; ciuium capite verba facere nemo audeat. Quam tuam audaciam, quibus legum vinculis, vtrum eculeo, an exilio refrenare volet, Amplissimus Senatus, ipse viderit; nos tibi vitam non inuidemus; mentem optamus meliorem: non enim hominem, sed hominis erro-

rorem

rorem odisse didicimus, & quò magis amamus hominem; hoc magis perire cupimus errorem. At vide, quàm tui oblitus es. Animi tui angustia, ne perorantium quidem consuetudinem, aut Rhetoricarum præceptionum ordinem capiunt. Quorùm enim tibi beneuolentiam cōciliare debebas initio, eos in ipso actionis tuæ vestibulo, pungis illicò, & omniū intemperantissimè in Auditores tuos, grauitate (vt ais) doctrina, & rerum gestarum gloria præstantes, iuuenilis amētiæ tuæ crapulam exhalas; cum ereptam illis affirmas hominum potentia, iniquitate, crudelitate, non solùm dicendi facultatem, sed etiam sentiendi libertatem. Absit huic tuo verbo veritas: auertat à patriæ capite infaustum omen hoc Deus: Non cadat in Nobilissimos animos ista abiectio. An tu Equites omnes mortuos putas? Id enim est Equiti Polono liberum esse, quod viuere: & viuere, quod liberum esse. Rumparis necesse est *μίσθις*. Equitem Polonum in Regno, nisi vel liberum, vel mortuum, non videbis. ita, vt non ob aliud affirmare te voluisse putemus, ereptam Polonis, nescio quorum hominum potentia, sentiendi libertatem; quàm vt isto quoque loco notas maximas, immò sedem, inimò cubilia mendaciorum tuorum videamus. Sed, in rebus notissimis non moremur. Illud tibi non possum non gratulari, quod perorante te non acciderit, quod olim Sexti-

69
dio Enæ Poëtæ pingue quiddam, & peregrinum,
in suo carmine more Cordubensi sonanti. Is pro-
scriptionem Ciceronis in domo Messalæ Coruini
recitaturus, Pollionem Asinium aduocauit, ac ita
cœpit;

Deslendus Cicero est, Latiaq; silentia lingue.

Id verò audiens Pollio, vir disertissimus, iniquo
prorsus animo tulit, Latinā Linguā ex vrbe Roma,
cū Cicerone in exiliū actā, audire. Cōsurrexit itaq;,
& è media concione abiit, dicens. Ego istum audi-
turus non sum, cui mutus videor. Sic tu magnam
profectò debes gratiā auditoribus tuis, quòd quos
in Repub. tanquam cœcos, & mutos accusasti, te
audire garrientē perrexerint; surdos propterea for-
tasse non dixisti, ne infanus haberere; si surdis, de
Rēpub. loqui perrexisses;

*Quod Repub. vulnera memoras, Veterem comitiorum
consuetudinem abrogatam, nouam introductam, pristinum
Electoris morem mutatum, barbaros milites, exercitus nu-
merosos, rapinas, cædes, incendia, pericula, minas, clamo-
res, contumelias, lachrimas, depopulatos agros, Nobiles eie-
ctos, virgines abreptas, Cracouiam obsidione pressam, cæde
& incendijs vastatam.*

Vtinam in istiusmodi tēpora patria charissima
nunquam incidisset; sed istius cladis origo, nota a-
pud omnes & peruulgata est. Nos non bellorum
& seditionum, sed veritatis defensionem suscepim

mus. Optima (ait ille) ciuilis belli defensio, obliuio est. Si ab illis quoq; consilijs, tui similes iuuenes abfuisent, quos, & tu nosti, & ego prætereo; nō tantis tempestatibus pulsata Rempub. uidissemus. Sed abiit huius tempus querelæ. Caput actionis & accusationis tuæ videamus. Ais: *Ego Romana Ecclesie propemodum alumnus, dico hanc vnam monachorum familiam, quæ à I E S V saluatore nomen habet, ad perniciem miliarum Rerumpub. esse institutam.*

-11 Si dixisse, vicisse est, herbam vt victori, porrigo. At quàm abs te facile dicitur, tam à me facile negatur. Crimen audio sine teste, sententiam sine consilio; damnationem sine defensione. Tu quidem quod dicis, Aiæis clypeum putas: ego Iouis scandalium statuo: neq; illi ipsi Aiæi flagellifero per omnia similem esse volo, qui cum Vlyssæ de Achillis armis in Græcorum iudicio contendebat: à quibus cum esset abiudicatus, præ iracundiæ impetu in furorem actus, gregem pecorum inuasit, existimans se Græcos omnes trucidare. Arietem autem qui cæteris eximia magnitudine eminebat, cum Vlyssæm putasset, ligatum flagellauit. Ita tu de statu mentis ob odium veritatis deturbatus, cum cupias Catholicos omnes vna ceruicem habere quam præcideres, Iesuras potissimū, quasi coniuratos Euangelicorum hostes, verborū flagellis emendare, decreuisti. Quid si verò ego, huic tuo clypeo clypeum, vmbonē vmboni

boni, hastā hastæ, galeā galeæ, viro virū opposuero? manu tanges ipse tua, quā sit potēs veritas, quāq; sit difficilis eius expugnatio. Veritas enim falsitatem, non falsitas debet expugnare veritatem.

Dico itaq; :Ego Romanæ Ecclesiæ nō propemodum ut tu, (vox hæc non nisi Euangelicorum est) sed per omnem modum, ut ij sunt, qui se Christianos esse meminerunt, alumnus; hanc vnam familiam, quæ à I E S V saluatore nomen accepit, ad salutem Christianæ Reipub. esse institutam. Tibi certè Ecclesiæ Romanæ propemodum alumno, propemodum; mihi verò per omnem modum alumno, per omnem modum erit fides adhibenda. Nonne rectè dixi initio, quòd te Christianum non puto. An licet quemquam hominem lynceum vocare, qui propemodū cæcus est? An esse sanus quisquam potest, qui propemodū mortuus est? An sapientem vocabis, qui propemodū insanus est? Si propemodū Ecclesiæ alumnus es, alumnus non es. Si propemodum vir bonus es, vir bonus non es. Profectò scitum est vetus illud verbum:facilius esse decem Elephantes sub vna veste, quā vnum Cynedum occultare. Tu quod impij faciunt in circuitu ambulas. Sed ipsa veritas quæ nihil timet, nisi taceri, per tuum iugulum, inuito te, erumpit. Tertulianus certe Hæreticos omnes infideles appellare nō dubitat; propterea quòd adhuc de fide disputant. Qui enim

disputat, ait ille, nondum credit; qui nondum credit, nondum Christianus est. Quid diceret si te propemodum alumnus Ecclesię audiret? Profecto paganus propemodum, & infidelę statueret. Sed hec mittamus. Nil mirum est cōsiliū intelligendi, adolescenti loquaculo, isto quoq; loco defuisse. Nondum forte per etatem audiuerat: nō est bonitas, esse pessimis meliorem? Verū tu causas & rationes moliris, cur ita de hominibus istis sentias; quas equidem recte putas, perarduum tibi fore demonstrare. Audiamus. Ais *Iesuitas à vestris Theologis pestē esse pronuntiatos, cum in primario templo Lublinensi, tum in summo templo Cracouiensi.*

Si vestros Theologos illos animarum piratas intelligis, quos verbi vocatis Ministros, falsum est pestes illas in summis vtriusq; vrbis templis, verba ad populum pro concione habuisse. Christus enim in illis templis ex Maria Virgine in Bethleem natus, non Antichristus Islebiensis Luterus, ex tetro incubo satus, non Calvinus stygmaticus, non Beza Sodomiticus, non Volanus, non Gregorius, non Biesaga, non Paklepka, non Vardega hæreticus, prædicatur. CHRISTI Dei viuentis, non Ochini, aut Blandratę verbum, è superiore loco annūciatur. Si cum sis angelus Sathanæ, transfiguras te in Angelū lucis, & vestros Theologos intelligi vis Ecclesię Catholicę Romanę doctores, & concionatores; ne sic
quidem

quidem vicisti. Meminisse oportet, inter duodecim Apostolos Iudam, inter septem Diaconos Nicolaū extitisse; inter decem à lepra mundatos, vnum solū regressum debitas Deo gratias pro reddita sanitate reddidisse. Fūgos aliquos esse oportuit (si modo verum est quod ais) aut intelligentium virbrum carcerum nomata; (non enim quenquam nominas) qui non ponere, sed proijcere verba didicerunt; nec esse nefas putāt resorbere, quod vomuerunt. Iniuriam infert cæteris, qui vnus in omnibus sententiam sequitur. Lippis quoq; oculis, lumen solis molestum est; & omnis agrotanti amara est medicina; idq; etiam te ipsum animaduertisse argumento est. Paulò post enim ad summorum virorum auctoritatem recurris: ut uelut hedera suspensa, sententiam tuam facias vendibiliorem. Illius fortasse memor, quod Hecuba ad Vlyssē apud Euripidem:

λόγος γὰρ ἐκ ἀδεξόντων ἰών
 καὶ ἐκ τῶν δεξόντων αὐτὸς οὐ ταύτῳ γένηται.

*Nam ab inestimatis proficiens oratio,
 Et ab estimatis haud quaquam tantundem valet.*

Ego uerò fatebor quod res est. Video isto loco intelligendi consilium tibi non defuisse; summos enim patrie nostræ Heroas memoras, qui totas etates in Reip. negotijs contriuerunt: qui si à partibus tuis starent, ex stulto infanū te facerent præ gaudio. At ingenij tui imbecillitas altitudinem consilij nō

capit

capit, quo isti abundant. Sic enim in patria nostra in omni laudis genere vixerunt; sic clauum Reipu. moderati sunt; sic omnia consilia ad salutem explicata semper habuerunt; ut nefas sit existimare, quā tu patrię pestem putas, eam ipsos fuisse in patrię visceribus toleraturos, pestem si putassent. Lynceis sunt oculis; longissimè omnia prospiciunt; emunctas nares habent, facillimè omnia odorantur: patriam uero sic amāt, ut præ illius salute omnia quæ Sol iste aspicit, inferiora ducant. Isti pestem non viderent? isti pestem non intelligerent? isti pestem non auerterent? Nimis iniquus es in tam laudatos viros, mastigia; si tam acres, & generosos animos hominum iniquitate cogi posse existimas, ut arden-
ti patrię flammas iniectas negent.

Triā sunt, ait Nazianzenus, quibus instructum esse consiliarium bonum oportet: rerum experientia, amore publici boni, & oris libertate. Tu si quidquam eorum tantis viris adimis, Senatores eos, Regniq; consiliarios neques necesse est: quo tuo bono, dies te docebit. Si illum ipsum quem nominas Zamoisium, exercitus Ducem, aliquādo legisses, ceteros dignitatis & honorum gradus prætereo, virtutes enim Zamoisij magis suspiciendę sunt, quàm honores; illum esse verum Senatorem, in eius de Senātu libello didicisses; qui ita semper vixerit, ut omnia consilia, atq; facta ad solam honestatem re-

ferat

rat: non sibi sed patriæ se natum putet: nec vlla in
potestate, auaritiæ prædam; aut libidinum fructus,
sed instrumenta adiumentaq; moris maiorum, di-
sciplina, ac æquitatis tuendæ, & conservandæ, que-
renda arbitretur: nullasq; sollicitudines, nullos la-
bores iuuandæ patriæ causæ, recuset: nulla cupidita-
te, nullis voluptatum illecebris, nulla commodorū
spe, nullo periculorum metu, animum suum non
modo flecti, sed ne tentari quidem patiatur. Ita pro-
fecto res habet. Senator ardens amorē patriæ, non
quid passurus, sed quid acturus sit, aspicit. Mori po-
test, de studio & consilio iuuandi, potentia vlla, ini-
quitate, crudelitate deduci non potest; vultu, fron-
te, oculis, voce, manu, consilio, re prodesse Reipu-
non desinet: siquid obstiterit, remouebit: si quis fau-
ces oppresserit, etiam tacendo iuuabit. Fingas quæ
voles, mendaciorum architecte, sapientissimi Se-
natoris Miscouij Episcopi Cracouiensis. verba da-
bis Illustrissimo Præsuli, huius quoq; calumniæ ra-
tionem. res enim longè aliter se habet quam narras.
Accipe, quod si negare voles, non video cur te ho-
minem putem. Miscouius Nolscoio in Episcopatu
Plocensi prius accessit, postea successit. Collegij
Pultouiensis fundamenta iacta intuenit, auxit, fœuit
locupletauit, promouit: paterno semper animo, vul-
tu, fronte, oculis, omni hilaritate, Iesuitas omnes
complexus est; & vniuersum Collegij studijq; Pul-
toui-

couienſis progreſſum, Ieſuitarūq; op̄as non ſolum
 non impediuit, ſed etiā promouit. Ad Craeouiē-
 ſem uerò trāſſatus, Ep̄ſcopali ſua autoritate, & tem-
 plum S. Barbaræ, & Eccleſiam S. Stephani, Parochia-
 lem vocant, eiſdem attribuit. An ut in eis Eccleſiæ
 Romane dogmata euertant? An ut ſeditionum in-
 cendia excitent? An ut omnium in Repub. mores
 bonos, & omnium comprobatione inſtitutos peſ-
 fundent? Hoc tu ſi putas, idem eſt ac ſi putares Mi-
 ſcouium nec Ep̄ſcopum eſſe, nec bonū patrię ſuæ
 ciuē. Non verborū, ò iuuenis vlmeæ, ſed virga-
 rum flagellis tibi iſta erunt expianda. Zamoiſcium
 uerò Cancellarium Ducemq; fortiffimum, optimū
 ut Iſocratis verbis utamur, Regis, ac Regni theſau-
 rum, quod tecum ſentire ſingis; toto, quod aiunt, ce-
 lo, erras. Non diſſentit ille; ſed conſentit cum Ieſui-
 tis. Ea quippe illis miniſteria in templis, cœteriſq;
 Eccleſiaſticis officijs & muneribus concedit, quę ip-
 ſi ſponte ſua, in ſe, pro gloria Saluatoris ſuſceperūt.
 Hoc nullo pacto ferri oportere iudicat, quod & ipſi
 fugiunt, & quantum in ipſis eſt, detrectant; ut ſcili-
 cet ad Reipub. negotia ſe ingerant. Ac ne ſis ne-
 ſciens, narro tibi ò Ieſum aſſix, quod mihi credas
 velim, Mortis inſtar Chriſti ſeruis accidere conſue-
 uiſſe, quoties à ſermone Dei (ſiue enim orant, Deo
 loquuntur; ſiue legunt, Deus illis loquitur;) ad con-
 ſuetudinem ſeculi pertrahuntur. Sepe accidiſſe au-
 diui-

diuimus, vt nonnulli Germaniæ, Galliæ, Poloniæ
 quoq; noſtræ Principes, datis ad Generales Iefuita-
 rum præpoſitos litteris, diligentiffimè poſtularent,
 vt aliquot è Societate & è ſuis contubernijs, in co-
 rum aulis viuere paterentur? ad quorum aſpectum
 & correctionem aularum aſſectæ erubeſcerent, atq;
 ad officium reuocarentur. Scio quoq; ſapiffimè ne-
 gaſſe Præpoſitos quod petebatur: cauentes ne ſocij
 quæ ſemel repudiarunt, ſecularibus ſeſe viciffim ne
 gotijs immiſcerent. Principes autem ad ipſum Ro-
 manum Pontificem Præpoſitorum Præpoſitum, lit-
 teras dediſſe; rogantes, vt autoritate ſua generali
 præciperet, quod ita valdè poſtulabant. Scio hos ip-
 ſos Generales in genua prouolutos ſupplicaffe vi-
 ciſſim Pontifici, vt ne rem inuidiæ periculiq; ple-
 nam præciperet, nec vllos extra Societatem & con-
 tubernia viuere ſocios pateretur; ſed repulſam eſ-
 ſe paſſos: ſeriaq; mandata accepiffe, vt Principum
 petitioni gratificarentur. Hæc tu vera eſſe credas
 oportet. Non enim iſto loco Alcinoi Apologum,
 aut Aſini mortis recitare decreuimus. Edam & Prin-
 cipum nomina: teq; rerum teſtimonijs, etiam ſi re-
 lucteris, opprimam. Talis fuit in Germania ſupe-
 riore Archiepiſcopus Moguntinus & Treuerenſis,
 S. Romani Imperij electores: Talis Epifcopus Bâ-
 bergenſis, Baſilienſis, Herbipolenſis, Paſauienſis,
 Archiepiſcopus Salsburgenſis, Abbas Fuldentiſis.

Tales Serenissimi Archiduces Austria: Tales Serenissimi Bauarię Duces, Albertus & Vilhelmus: Talis fuit in Germania inferiore Princeps Illustrissimus Ioannes ab Austria; & qui illi in gubernandi munere successit Farnesius Dux Parmensis. Talis fuit in Gallia Dux & Cardinalis Lotaringię: Tales in Hispania & Lusitania, omnes ferè Principes & Episcopi. Stephanus porro Rex Polonię Serenissimus, de cuius laudibus nulla vnquam ætas conticeſcet, nonne ex intima Italia virum doctissimum, Toletum, Belarminum, Gregorium de Valeria, euocare, ad aulam suam conatus est? Nonne qui felicissimè regnat Sigismundus tertius, accersito in arcem Cracouiensem viro venerabili Ioanne Paulo Campano Prouinciali, diligentissimè postulauit, vt ad aulę suę comitatum, Petrum Scargam verbo & opere potentem adiungeret? non commemorabo Principes Illustrissimos Radziuilos, qui in aulis suis præcipua quædam ornamenta desiderari interpretantur, si nullos in comitatu suo habeant Iesuitas. Viuūt itaq; in aulis Iesuitę, sed coacti: loquuntur de Repub. sed interrogati. Iste inquam ipse, quem nobis opponis, sapientissimus Regni Cancellarius, tum à Nuncio Apostolico, tum à Prouinciali Regni Polonię, semel & iterum postulauit, vt sibi in intimam Russiam proficiscenti, aliquos è Societate comites adiungeret, quorum opera tum in
refutandis

refutandis Schismaticis, tum in conuincendis Hæreticis, quoties se daret occasio, vteretur. Sepè etiam Knissinium, & in alia loca, priuatę pietatis gratiā, euocauit: eorumq; potissimum opera in reuocanda ad Ecclesię societatem Illustrissima coniuge sua Radziuila felicissimè vsus est. Pestes ergo Zamoiscius in Patrię perniciem aluit: pestes ad suam consuetudinem, pestes ad mensam, pestes ad consiliū adhibuit: Non cadit hæc immanitas in Heroicum illum animum. Facilius quisquis ista tua legerit, te mendacem esse perspiciet, quàm hostē patrię Cancellarium. Sed quęro te. An vnquam audiuisti terrę fili, tam esse necessariam in aulis Principum viri boni præsentiam, quam est necessaria in Repub. lex bona. Aspectu enim, visu, vultu, nutu, incessu, fronte, oculis vir bonus vbiq; prodest. & est aliquid in quo vel iacentem, somnōq; sepultum tibi proponas imitandū. Quare id? quia qui pura mente Deo quotidie seruiunt,lympidiorem rerum omnium cognitionem assecuti existimantur; ob eius cui seruiunt, & in cuius conspectu & præsentia quotidie, mente, & animo obuersantur, familiaritatem. Nam cum homo facit quod vult Deus, facit vicissim Deus, quod vult homo. Audi Scripturam. Voluntatem timentium se faciet, & deprecationem eorū exaudiet. Summi quiq; & intelligentissimi Principes, summos quoq; & intelligentissimos viros ad

latus suum aluisse, inq; summo honore habuisse, atq; ad consilium adhibuisse, perhibentur. Cresus Anacharsim, Antiochus Phormionem, Dionysius Platonem, Alexander Aristotelem, Reges Ægypti Menandrum, Antoninus Frontanum, Traianus Prusseum, Vespasianus Bassum, Rex Vngariæ Matthias Volateranum, Rex Poloniae Sigismundus I. Mechouitam, Sigismundus II. Hosium & Crome- rum, Stephanus Socolouium, Muretum verò, Sigo- uium, Bellarminum vt haberet, laborauit; & qui nobis hodie fœlicissimè imperat Sigismundus Ter- tius, Scargam aulae suæ ornamentū, & quasi quod- dam morum frænum, disciplinaq; domesticę re- gulam putat. Ita maiores nostri optimi & sapien- tissimi viri, primos honorum & dignitatis gradus, tum in Senatu, tum in omni Repub. seruis Dei Sa- cerdotibus, & Episcopis deberi censuerunt. Scitum est illud quod Theodosius cuidam interroganti re- spondit, Quibusnam artibus assequi Principes pos- sit, vt & optimus & sapientissimus euadat, Si inquit, & foris & in Conclauis, & in cœna, & in ambulatione, & in pace & in bello, bonorum & intelligentiū consuetudine delectabitur, cum ijsq; quotidie vi- uat. Omnium verò pulcherrimè Diuinus ille Chri- sostomus. Quod si quis, ait, existit, qui admire- tur laudetq; Sacerdotem eum, qui sibi ipse viuens domi se contineat; ac multorum consuetudinem vsumq;

vsumq; auerſetur, equidem hoc patientiæ ſpeci-
 men aliquod eſſe dixerim, non tamen idoneum ar-
 gumentum virtutis omnis eius, quæ illius animo
 ineſſe debet, affirmauerim. Neq; enim ſi cùm ob-
 dormirem, non deliqui; neq; ſi cū non colluctarer,
 nō cecidi; neq; ſi cū non depugnarem, nō percuſ-
 ſus ſum, mirari oportet. Quamobrem etiam terre-
 ſtres illi Angeli, Dei contubernales, ex intima pro-
 dibant ſolitudine, inq; medias vrbes in ipſorum
 aulas Imperatorum penetrabant, cū vim Chriſti,
 vim Eccleſiæ, vim fieri ſeruis eius cognoſcerent. Ex-
 probrabat olim Valens Imperator Arianus Aphra-
 ati Monacho, quòd in ciuitatem ex ſolitudine ve-
 nerit. At admirabilis Aphraates. Si pax, inquit,
 Chriſti ouibus eſſet, domi manerem, ibiq; quietè
 confidens pro Imperio tuo orarem. Sed cū mul-
 ta infantiæ caligo loca omnia occupauerit, & maxi-
 mus vbiq; ſubrepat timor, ne à feris oues dilanien-
 tur, neceſſitas mihi quoq; incumbit, vt vigilem,
 omnemq; funem moueam, ne quod grex Chriſti
 capiat detrimentum. Sic laudatus ille Iulianus, ocio
 & ſolitudine relictæ, venit Antiochiam, vt aduerſa-
 riorum redargueret mendacium, & veræ fidei do-
 ctrinam deprædicaret. Ita fecit Flauianus Diodo-
 rus, & Secundus poſt Ioannem Eremicola Antoni-
 us eiusdem Conſtantis temporibus.

Ita res habet ò bone, Sacerdos velut pædagogus
 huma-

humani generis existimatur. qui quantò magis Dei summi gloriam, proximiq; salutem amauerit, tantò propius, velut pius & misericors medicus ad lectulos agrotantium sese adiunget, & læsas erroribus conscientias, quasi venam tangens, salutifera remedia, non solum monstrabit, sed etiam ad-mouebit. Sollicitus assidens, ad suspecta tempora occurrens; nullum illi ministerium oneri, nullæ cuiusquã viculæ aut calumniæ graues erunt: dummodo ciuium suorum vulnera, plagæq; sanentur. Et licet passim omnibus operam suam præstare paratus sit, libentius tamen eius oculum curauerit, qui multis prospicit, excubatq; pro multis; libentius manum eius sanauerit, quæ pro patria, quàm quæ in taberna gladium stringit, sicut & naupe-gus, qui homo probus sit, cupidius clauum fabri-caturus est, si cum Imperatoris nauë orbem Christ. defendentis, quam si piscatoris scapham gubernaturum cognouerit. & faber lignarius alacrius mensam, in qua Rex leges scripturus sit, quàm ara-trum vel plaustrum compinget: ita & Philoso-phus, aut quilibet vir bonus faciet, etiam si omnes in vniuersum bona præditos esse mente velit: Prin-cipibus tamen viris se se libentius adiunget. quo-rum munus est bonas ferre, sceleratas leges abro-gare: probos, præmijs; improbos; pœnis afficere: Statumquæ ciuitatis vniuersum tranquillum, & æquabilem

æquabilem conseruare. Tales enim præcipuè expedit sapientes, tales iustos, tales fortes, tales esse moderatos; per quos, reliqui omnes iusti, intelligentes, & moderati sint euasuri. Sic Anaxagoras, ad Periclem se adiunxit. Sic Plato, cum Dione vixit. Sic Pythagoras, cum optimatibus Italiæ. Sic Cato, ex castris ad Athenodorum nauigauit. Sic Scipio Panætium accersuit. Nam qui cum priuatis agunt, ait Plutarchus, quem te non legisse video, ipsos solos efficiunt iustos, lenes, moderatos. At qui Principis mores prauos, vel iniquam abstergit sententiam; dirigitq; ad officium: hic quasi omnes in officio continet, quasi totam in vno corrigit, moderaturq; Rempublicam. Per vnum prodest omnibus. Idq; te scire volui: ne deinceps tam improbè oscites, cum Iesuitas, cum Sacerdotes, & alios viros religiosos in Repub. versari, aut ad latus Principum viuere, florereq; conspexeris. Pico Medico viro doctissimo quæ tribuis, agnosco. Scio quòd plurimis in patria vitam dedit: tibi verò si iam dudum Elleborum porrexisset, non tot insani capitis excrementa in pagellas vomuisses.

Voces hominum, viduarumq; querimonias memoras: easq; arte & ingenio Iesuitarum Vasis argenteis & omnibus ornamentis aureis spoliatas, ais.

Nos contra asseueramus: Nullius nos vnquam hominis lachrymas, & eiulatus audiuisse; nullum

vas argenteum & aureum in omnibus eorum contubernijs, & cœnaculis aspexisse, quod ereptum dicatur. Diligunt illi quidem cum Propheta decorem domus Domini : idq; summopere laborant quod Paulus præcipit, ut ea quæ Dei sunt, omni adhibito ordine, summa qua fieri potest dignitate & cæremonia, Deo reddantur. Inde porro fit, ut audientium & intuentium animi vehementius excitentur ad cultum Diuinum, aureis & argenteis ornamentis illustrandum. quæ equidem non dubito; quin vestras Evangelicas cupiditates, illam inquam rapiendi clependiq; consuetudinem magnopere irriterent: cum in templis & altaribus exposita quandoq; vasa videatis, quæ vestra esse cuperetur. Mihi profectò cõtigit adhuc videre neminem, qui quidpiam apud Iesuitas inuenerit, quod suum dicere possit. Lepidè quidam de Ministris & Apostolis Evangelicis dixisse perhibetur: Oculis eorum nil gratius occurrit, quàm mulier. Lingua nil loquitur expeditius, quàm maledicta in Papistas. Aures nil libentius audiunt, quàm rape, clepe, harpaga. Nares nil odorantur suauius, quàm exustorum Templorum & Monasteriorum nidorem. Tactus solo tantum sanguine Christianorum delectatur. Nimis autem in patriam iniquus es iudex, nimis trux in eos quos appellas Senatores, cum in tanta rapiendi consuetudine, tantam in Senatoribus & subel-

lijs,

lijs, indulgentiam prosteris, & suum cuiq; ius reddi negas. Syluam tu vt video latrocinijs infestam, patriam tuam putas; non Regnum legibus descriptum. in quo sanè impudentissimè tricaris. quo nomine crede mihi, miniatum suo tempore funiculum non effugies. Tales olim gentiliū philosophos extitisse Eunapius memorat, qui cultoribus idolorum persuaferant; Christianos in occultis antris, & intimis montium recessibus, vim ingentem auri & argenti asseruare consueuisse. At posteaquam data esset militibus omnia scrutandi euertendiq; potestas, pro celatis vasis, innumeras sanctissimorum virorum reliquias, quas idem Eunapius vocat, salita damnatorum capita; pro veste picta; horrida cilicia; pro cœnaculorum ornamentis, sacros libros, pro reliqua suppellectili, nodosos funiculos, ferratosq; cingulos inuenerunt. Nil quippe Sanctorum contubernia preciosius habent quàm paupertatem; nec inter illos quicquam carius videtur, quàm ipsi. De Rossensi Episcopo sanctissimo Christi martyre vtrum aliquid vnquam inaudieris; ignoro. Is cùm esset Henrici octauī Anglię Regis iussu in tetrum carcerem compingendus; Euangelici quidam Equites, tui similes, aurea & argentea Episcopi vasa spē deuorauerant. Cùm autem in eius conclaue furenter inuasissent ac ferre-

D

am ci-

am cistulam reuulsissent, pro nummis aureis cilicium vestem, valde horridam; & aliquot funiculos nodosos sanguine imbutos, quibus corpus suum castigare consueuerat, inuenerunt. Simile quiddam in exigua Hosij Cardinalis hæreditate repertum fuisse, memoratur.

Quod ais: *Clamantur hæc in templis, in conspectu Trinitatis, ante imaginem Christi, omnium Sanctorum & Sanctarum, ad commouendos Sanctos & Sanctas ab his qui religionibus Sanctorum & Sanctarum præsumunt.*

Flosculi isti, ô elegantissime orator, loquendiq; moduli, non nisi Euangelicorum sunt, è loculis communioribus Philippi, aut è Caluini institutunculis excepti: At olim in Iuliani capite meditati, & in schola Luciani vsurpati; quibus tunc, æquè ut nunc, vobis Euangelicis, ludus, iocusq; erat templa Dei, vocare lupanaria; Trinitatem, cerberum tripitem; Christi imaginem, idolum Moloch; Sanctos & Sanctas, opprobrium hominum; eorumq; reliquias Dijs inuisas hominibusq;. Quàm egregiè porro Amasiam idoli Bethel sacerdotem exprimis, qui & ipse Amos Prophete, verbum Domini ex ore Domini loquenti, rebellionem obijciebat: cum ipse Deo & mandatis eius apertissimè rebellaret. Sed ô fœlices Iesuitas, quòd à vobis Euangelicis vituperantur, qui nihil vnquam nisi grande aliquod bonum, vituperare consueuistis. Maximum inno-

centiæ argumentum statuo, accusari ab Evangelicis. Non potest pietatis, non potest reus agi religionis; quem condemnat hereticus.

Quod dolere te simulas plurimas scholas à Iesuitis dissipatas esse; & Academiam Cracouiensem celeberrimam, solitudine fœdam atq; squalidam; quæ literatorum iuuenû quatuor millia aliquando numerabat, nulla antiqua ornamenta retinere.

Vtinam retineret. Sed quis istam fœdam solitudinem inuexit? Quis squalidam fecit? Quis antiqua ornamenta eripuit? Id quidem tu improbè dissimulas, sed ego præfultoris munere fungar. Florebat Academia Cracouiensis, quando patria vniuersa Euangelicos tuos ignorabat: quando in sinu & gremio tetri Cacodemonis Euangelicorum magistri & ministri latitabant: quando nulli erant in patria nostra Lutheristæ, Caluinistæ, Anabaptistæ, Burdneistæ, Volanistæ, Biesagistæ, sed omnes vno eodemq; nomine & erant, & vocabantur Christiani; vel, vt uos vocatis, Papistæ. At posteaquam eiusmodi sectas, in patriæ perniciem cœpistis introducere, secta quoq; ac dissipata est illa quam prædicas Academię integritas, sectæ sunt leges, secta sunt iudicia, secta comitia, secta subsellia; omnia in patria secta, dissecta, dissiecta, dissipata videmus.

Quid enim mali non videmus? Vos cœpistis, vos primi cœpistis, templum contra templum, cathedram

dram contra cathedram; altare contra altare erigere. consequens erat, ut scholæ quoque; contra scholas suscitarentur, & Academię Cracouiensis maiestas, & illa quam prædicas frequentia, minueretur. Qui sunt autem, qui scholas contra scholas erexerunt? Vos inquam Evangelici; teterri mi legum & regum eueriores. Repete memoria, si quam habes, scholas Evangelicorum, Pinczouiensem, scholam Volensem, scholam Leuarcouiensem; scholam Chmielnicensem, Brogensensem, scholam Grodziscensem, scholam Posnaniensem; & id genus alias; in quibus ætas imbecilla, ad omne audaciæ blasphemiamque; genus instituebatur. Illæ inquam fuerunt, quæ squallidam solitudinem in Academiam Cracouiensem inuexerunt. Nam si quas scholas regendas Iesuitæ susceperunt, pro schola; non contra scholam Cracouiensem, instituerunt: cum schola Cracouiensi in cultu veri Dei, & in orthodoxa veritatis conseruatione conueniunt: cum schola Cracouiensi præceptores & scriptores Hæreticos reiiciunt: Philippos, Sturmios, Spangebergios, Erasmos, & istiusmodi alios. cum schola Cracouiensi, vitam pro religione profundere parati sunt. Vis rerum testimonia adiungam? Vestræ scholæ & Synagogæ præceptores; vestri patroni & fautores; vestri magistri & ministri, autores & in-

cētores fuerunt, vt schola Cracouiensis dissi-
 tur. Quid insignes plerēq; Regni familie, Euange-
 lico seu Lutherano spiritu de statu mentis motē, (ē
 quibus hodie, tāquam ē spinis, rosas processisse vi-
 demus & gaudemus) contra Cracouiensem Acade-
 miam egerint, obscurum non est. Vos acerbis &
 capitales sententias, sēpē in particularibus, quan-
 doq; in generalibus Regni comitijs, in homines
 innocentissimos Academię Cracouiensis Professō-
 res, pronuntiastis. Vos ē priuatis oppidorum scho-
 lis Magistros & Baccalaureos Cracouienses extur-
 bastis: & in eorum locum externos homines, terre
 filios ex Italia profugos, Geneuā, Basileę, Tiguri ob-
 vim flagitiorum virgis cāsos, naribus auribusq;
 truncatos, scelerum stygmata manu carnificis im-
 pressa circumferentes, substituiſtis. Vos Artium
 & Philosophię Magistrū Volscium, nobilissimum
 scholę Cracouiensis membrum indignissimē ene-
 castis. Vos exulem Stancarum in scholam Pinczo-
 uienſem recepistis: vos in ciuium locum externos
 homines nescio quos Synagonistas, Theodori Be-
 zę symmistas recepistis: vos illum ministrum ob
 adulterium, quod in despectum Papę (sic enim fa-
 cinus excusabat) commiserat, auricula mutila-
 tum, vt angelum ē cœlis delapsū, in vestrum co-
 mitatum recepistis, eiq; liberos vestros erudien-
 dos tradidistis. Vos igitur estis, & vestri Euan-
 gelici

gelici magistri, & ministri, qui Academię Cracouiensis solitudinem attulistis: & eam, quam deplo-
ras, illius faciem reddidistis; nec adhuc ynquam le-
gibus illius, & institutis, interitum machinari de-
stitistis: quod tu, aut concede; aut abi; & ad Anty-
ciras nauiga.

*Quod ais habuisse Poloniam nostrā ante istos, Iesuiticos
monachos, viros eruditissimos, oratores vehementissimos,
Philosophos acutissimos, Iureconsultos prudentissimos, The-
ologos omni dicendi grauitate, copia atq; ornatu instructis-
simos.*

Verē ais: sed addere debuisti, quod ne nūc qui-
dem habere desijt; & habebit per Dei gratiam plu-
res etiam; nisi vos cursum bonarum literarum toti-
usq; pietatis progressionem retardaueritis: aut Re-
gnum, quod absit vniuersum seditiosissimis consi-
lijs ad extrema pericula adduxeritis. Non omnia,
ait Tacitus, apud priores meliora; sed nostra quoq;
ætas, multa laudis & artium imitanda posteris, tulit.
Quædam, ait Seneca, initium ab alijs trahunt, &
tamen initijs suis maiora sunt. Principia enim sua,
semper sequens magnitudo obruit.

De Luca & Leopolda Concionatoribus tu for-
tasse auditione accepisti: ego sepe vtrunq; pro con-
cione differentem audiui: & vtriusq; consuetudine
sum olim vsus familiarissimè: quorum sermone si
dignus esses, reprehenderent te proculdubio ex ip-

sis bea-

sis beatorum sedibus, quòd cum illis omnes in patria concionatores mortuos putas.

De Hosio verò nunquam satis laudato Cardinale, quem rectè quispiam ob doctrinæ sublimitatem vt Arcopagitam Chrysostomus *πεταρόν τῆς ἑκκλησίας*, id est volucrem cœli dixerit; deq; Cromerocius successore videri tu quidem vis, quasi eos summo loco habeas. Sed si magnus apud te esset Hosius, non magnus apud te esset Fricius. Si Hosium Ecclesiæ Romanæ lumen verè putares: Fricium Anathema, Maranatha, iudicares. Non me tenebo, quin tibi Hosiani nominis amplitudinem explicem, quid de eo viro Itali, Galli, Germani, Hispani, Angli, Hungari, Scoti, Lusitani, Hiberni; quid in Asia, quid in Africa, quid in ipsa quoq; patria nostra, clarissimi & sapientissimi viri senserūt; atq; ad vniuersę posteritatis memoriam scriptum reliquerūt; vt si talem voles credere, qualem isti faciunt, in illius quoq; de Iesuitis iudicio, quod commemorbō, acquiescas. Alij columnam Ecclesiæ vocant; alij ornamentum Collégij Cardinalium; alij splendorem curiæ Romanæ; alij Phœnicem Cardinalium; alij Polonicum Patriarcham; alij senem verè Abrahamicum; alij malleum hæreticorum; alij nostri temporis Augustinum; alij alterum Poloniæ Stanislauum; nouum Bessarionem; Melchisedechicum sacerdotem; nunquam satis laudatum Ecclesiæ de-

fiæ defensorem; rectæ fidei custodem vigilantissimum; orbis miraculum; patrem patratum; Romani Senatus ornamentum; Apostolicæ sedis propugnaculum; Christi fortissimum Athletam, formidabilem hæreticorum aduersarium; senem suauiloquentem; alterum Numam; micans Latij lumen; alij sinceræ pietatis magistrum; Dei interpretem; alteram Pauli manum; alij alijs laudibus celebrant & vsq; ad sydera tollunt. Idq; te scire volui, ne tam deinceps, vt nunc fecisti, ieiunè tam commemorabilis viri nomen vsurpes. de quo tu quidem vereris ne ex commemoratione illarum uirtutû & eruditionis recrudescant vulnera, ex istorum hominum morte accepta. Ego uerò etsi Hosium immortalem si fieri potuisset; esse uoluisset; sit tamen nescio, quo modo, ut illi uitam ereptam minus doleam; ne Volanum, ne Czechouicium, ne Budneum, ne ceteras quisquillas, ne te, ne tui similes alios; in Senatu, & ad Senatum de Repub. loquētes, & garrientes audiat. Mortem ille quidem timuit nunquam, sed optasset etiam, si te tuiq; similes, clauum Reipub. moderaturos cognouisset.

Producis etiam Bembum, Sadoleum, Contarenum Polum, viros omni exceptione maiores. & infers: Quid horum simile habent Iesuitæ?

Non es uersatus in libris Theologicis, calumniator. Fuit magnus Bembus, sed nec parvus Toletus

letus. Fuit elegans Sadoletus; sed nec infans Maphæus. Fuit doctus Contarenus; sed nec Canisius indoctus. Fuit Polus eloquens; sed nec Perpinianus mutus est. Fuit Nouicampianus solidus; sed nec Gregorius de Valentia vagus est. Fuit Melchior vehemens; sed nec Scarga remissus est. Fuit Zelans Lindanus, sed nec Belarminus tepidus est. Fuit Canus disertus; sed nec Bentius indisertus. Quo loco Turrianum, quo Maldonatum, quo Schererium, quo Pererium, quo Vuiécum, quo Grodicium habeas? faciliè iam animaduerto. sed citius tu, orbis Christiani iudicio, & infans habebis, & improbus, quam isti non magni.

Ais, lucubrationes eorum ita refutatas ab Hæreticis, & ita profligatas, ut luculentam quoq; plagam tota Ecclesia nostra Romana acceperit.

Ita profligatas? ita refutatas? Pudet me victoriæ vestræ, Evangelici: sic profligastis Iesuitas, ut reuerti in certamen possint: sic refutastis, ut tacere non possint. Velim impudentiæ tuæ, pudentiorum exitum quæsiuisses. Omnis quidem arrogantia odiosa est: sed illa de multarum rerû cognitione multò molestissima. Languens es ineptissime Iesumastyx, circa quæstiones verborum, & nihil sciens. Ecclesia Romana luculentam plagam à Iesuitis accepit? Hic ego te profectò mentitum dicerem, nisi vereretur ne putares (ita enim stupidus es)

E me

me dicere te mente tota constare. Id quidem verum esse vellent Euangelici, vt Romanam Ecclesiam oppugnarent: Iesuite: sed interim ipsi eorum magistri & ministri, editis in vulgus libellis, & pictis propositis tabellis, in oculis omnium gentium confitentur; nutantem in Septemtrione Ecclesiam Romanam, Iesuitarum studio, labore, diligentia, ope omnium rerum sustineri. quas tu profecto oculis ipse tuis vsurpare in Euangelicorum Bibliotecis potuisses; si in lucem aliquando è tenebris & puluere Leuartouienſi prodijſſes. Sed tu, vt video, non solum es, sed etiam videri uis infans ineptissimus. Videris autem, quàm tibi rectè cum Volano tuo Zuingliocaluinista, conueniat; illo scilicet in Lituania succiplenæ cœnæ structore. Is enim Iesuitas ait, tam obstinatè doctrinam Ecclesiæ Romanæ defendere, vt nullum in ea prorsus, licet corruptissimum, neuum agnoscant.

Quod ais. *Ecclesia nostra Romana*. Vereor ne tibi inuito verbum hoc exciderit.

Aut ars Vulcanum, (ait ille) aut forceps ignara sefellit.

supinum voluit cudere, cudit è, 17.

Sic tu vestra voluisti, nostra Romana dixisti: nisi fortè eo sensu voces nostram, quo pedem & nostrum dicimus, & lecti & scamni & carminis: quo canem & venaticum, & marinum, & sydus appellamus. Sed potesne tu esse Ecclesiæ Romanæ membrum

brum, qui tantum Heretico Fricio tribuis, à Romana Ecclesia reprobato, ut hominem bob⁹ stabulandis, stercorandisq; agris deditum, propterea quod de Repub. nescio quid garriat, Hosio & Cromero simile facias: qui ex nomine Sanctissime Trinitatis & è Crucifixi imagine, Sanctorumq; & Sanctarum memorijs delicias tibi facis? Potesne tu esse Ecclesie Romanae filius, qui religiosorum virorum statum, quos vulgo Monachos vocamus, tam vilia mancipia putas, ut Iesuitas, ignominiae causa Monachos voces? Omnium est communis inimicus, qui hostis suorum, est. Nemo, crede mihi, sapiens proditori suorum vnquam credendum putauit. Eadem itaq; fide abs te dictum putabo, id quod fateris; qua illud, quod negas.

Facis disputationis Lublinensis mentionem inter Catholicos & Antitrinitarios, & Anabaptistas. Infantem te dixeram, nunc mendacem conuincio. Habita est ea disputatio in Ecclesia Lublinensi Societatis Iesu. Progressus in medium Czechouicius, Archiflammè illud Anabaptisticae doctrinae, sesquipedalibus verbis professus est, se non contentionis studio, sed inueniendae veritatis desiderio in arenam descendere, Deumq; precari; ut quicumq; opprimendae veritatis studio, & cupiditate inflammatus verba mendacij loqueretur, illico prorsus obmutesceret. Quid autem consecutum est? Audi & iniurato crede, nec

quenquam tuis fabulis fallas. Cùm multa illa sua Proſopopœia contra Deum, Eccleſiam, contra primum Romani Pontificis, & Petri clauſes hinc & inde acta eſſent; nec acquieſcere veritati clamoſus Czéchouicius vellet; ea protinus percuſſus eſt maledictione, quam erat comminatus veritatem oppugnanti. Subito enim hominem vox defecit: nec ullum amplius contra Ieſuitam potuit verbum fundere: ita vt à ſuis è media diſputatione languens abduceretur. cùm interim nil aliud ſentiret incommodi, quàm vocis defectionem. In eius locum ſueceſſit Niemoſeuius, quem tu ais verbera ſenſiſſe: ego neſcio; aut, ſi ſenſit, ſcio virum nobilem nō libenter pugnos edere, multò minùs Ieſuiticos. Faciliùs ego tibi oſtendam ediſſe Petrum Scargam pugnos Euangelicos, cuiuſdam Oczunoui. nec ſatis hoc. Calumniſe etiam appetitum probabo, quaſi pro concione docuerit, omnes obuioſ Euangelicos in faciem conſpuendos: ſed nondum huius venit tempus ſermonis.

Quod libellum doctiſſimi viri Poſſeuini faciem vocas ad excitandum incendium, eumq; , ais, omiſſis eruditionis ſua armis doctriſneq; inſtrumentis, ad barbaricam crudelitatem & feritatem decurrere.

Si eam Epistolam intelligis, quam vir ille zelantiſſimus Sereniſſimo Regi Stephano aduerſus Volanum inſcripſit, vbi ait, Hereticos ab antiquiſſimis

Syno-

Synodis anathemate plexos, atq; vt putrida membra ab Ecclesię corpore resectos. Non Possuinum (ô cari lime) reprehendas necesse est; sed eos, quorum id quod dicit, decretis & autoritate confirmat, Theodosium, Valentinianum, Martianum, Carolum Magnum, Ludouicum Gallię Regem: sed omnes orthodoxos Reges & Principes. Quid Reges? ipsum vas electionis Paulum, qui iubet eos abscindi, qui fratres conturbant. Quid Paulum? imò Pauli Dominum, & Preceptorem Christum, qui vt Ethnicum & publicanum, habendum pronunciat, Ecclesiam qui non audierit. Nolles, sat scio (leges enim vt laqueos oderunt Euangelici) sanctissimi illius Korcinenſis Decreti in Generali Parlamento, sub anno Domini 1438. contra Hæreticos promulgati, vllam isto loco fieri mentionem, Sed nec illius Constitutionis, quam in oppido Viennensi Vladislaus Iagello promulgauit. cuius verba sic habent. Quicumq; in Regno Polonię nostro & terris nobis subiectis, hæreticus, aut hæresi infectus, vel suspectus de eadem, fautor eorum vel director repertus fuerit; per nostros Capitaneos, Consules ciuitatum, & alios officiales, ac quoslibet subditos nostros, siue in officijs siue extra viuentes velut Regiæ Maiestatis offensor capiat, & iuxta exigentiam excessus sui puniatur. Hęc inquam tu omnia sempiterna sepulta obliuione cuperes, ne

te non

te non solùm Cæsareis; sed Regum quoq; tuorum legibus & decretis reprobaturum damnatumq; audiamus. Sed veritas nihil aliud timet quàm taceri. Expedit tibi audire, quod auditū nō possis damnare. Obstringit sese illo Corczinenſi decreto Rex, & ordines omnes Regni, sub fide & honore, quòd insurgere vellent cōtra omnes ad corū destructionem (hæc enim sunt legis verba) quicūq; in Regno errores hereticales, tenere, fouere, promouere, manu tenere vellent. ex cuius tu legis laqueis, nunquam euades profectò, quam diu propemodum eris Ecclesiæ Romanæ alumnus. nisi forte ita impudens esse perseueres, vt sicut Posseuini libellum, sic hoc ipsum Regis & Regni sapientissimum decretum, facem vocare libeat, ad excitandum incendium. idq; sine dubio verbum vomuisses, si Decreti huius fieri mentionem aliquando audiuiſſes.

Ais deinde: *Quamobrem Concilium non conuocatur? Cur publica disputatio non instituitur?*

Quò longius progrederis, in plures te laqueos induis, quorum ex nullo (crede mihi) te vnquam expedies. Si coactum Concilium Tridentinum cognouisti, cui illud ipsum patriæ nostræ lumen pulcherrimum, quem paulo ante dilaudasti, Hosius Cardinalis præfuit; cur, quæso te, de industria in odium offensionemq; veritatis incurris? si per ætatis imbecillitatem, perq; occupationes adolescen-

tiæ

tiæ, nihil audiuiſti, ex me audias. Noli, quaſo te, turpe ducere, quod diu non didiciſti, diſcere. Si cum Romana Eccleſia ſentires; ſi, quod fingis, matrem eam tuam putares: cōuocatum, coactum, publicatum, celebratum, perfectum, abſolutum, executioni mandatū Conciliū Tridētinū nō ignorares. Sed vos rectē quidam Æſopo & Marcholſo ſimiles facit, qui arborem inuenire nullam potuit, in qua ſibi vitam vellet iniecto laqueo eripere. Euangelicorum proprij ſunt iſti fremitus. Fiat Concilium: libera cogatur Synodus. Poſtquam coacta eſt; aiunt non eſſe liberam: poſtquā libera decreta eſt; aiunt ad Cæſarem, non ad Pontificem, ius congregandi pertinere. Poſtquam congregatum tamen eſt; armis illud hoſtilem in modum diſſipant, & Concilium nationale, in intima Germania eſſagitant. nec ſatis hoc. Colloquium publicum & diſputationem in Comitijſ Imperij decernunt. Vidimus, legimus, Comitiorum reſeſſus; vbi iſta, quę dicimus, per Euangelicos Principes, ab optimo Cæſare, & ab Ordinibus Imperij, Regalibus adiunctis minis, eſſagitantur. Vidimus & leges Ratiſbonę deſcriptas, è quorum ſententia Vormatienſis diſputatio, inſtitui debebat: ex ea porro pacem toti Germanię redditam iri ſperabant Euangelici; ſed natus eſt ridiculus muſ. Nam cū illi ipſi Euangelici Doſtores, & Rabini, aſſeſſores, Iudices

dices & Notarij, conuenire inter se non possent; nullo facto operepretio, è medio cursu disputationis abierunt. Lepidè itaque facis, quòd Concilium congregatum ignorare te simulas: quod ni faceres; te Hæreseos conuictum, vt Hæreticum damnatum, Anathemate percussum, Sathanæ traditum nescire non posses. Fugis videlicet, vt ante diximus, illud audire, quod auditum non posses damnare. Molesta quippe est lippis oculis, solis claritas: dura sunt improbis animis, præcepta pietatis. Legeres quoq; in illo ipso Concilio, de ea quam sceleratè laceras religione Clericorū Societatis Iesu, deq; pio eorum instituto à sancta Sede Apostolica approbato. Sed parcam stultitiæ tuæ, nec diutius in isto sermonis genere immorabor, ne nobis illud magistri tui occinas: Quid nobis & tibi? venisti huc ante tempus torquere nos.

Ais deinde: *Iuuentutem numerosam habent suis in scholis; quibus artibus eam colligant & retineant, metuo, ne serò admodum animaduertamus, & tum demum velimus ei malo remedium adhibere, cum non poterimus.*

Non miror quòd non videas, quibus artibus iuuentutem & colligant & retineant Iesuitæ. neq; enim præ iracundia, vel officij tui, uel periculi, vel pietatis, vel humanitatis, uel veritatis rationem habes vllam. At viderunt viri Dei, illa orbis Christiani lumina, Hosius & Cromerus; quorum alter
Socie-

Societatem primus omnium in Poloniam introduxit: alter etiam fouit. Vidit optimus Episcopus & Senator Noscouius, qui Pultouienſe; Vidit Episcopus Poſnaniensis Konarski, qui Poſnaniense; Vidit Episcopus Valerianus, qui Vilnenſe Collegium, exadificauit: vt Nobiliſſima Regni iuuentutem, ab his, quos tu odiſti, ſocijs & præceptoribus regenda & gubernanda ſuſciperunt. Vidit, poſt iſtos omnes, ſapientiſſimus Rex Stephanus, cuius inuiſta virtus ſola pietate ſuperata eſt, qui Polocenſe, Rigenſe, Derpatenſe, Claudiopolitanum, Albauiſienſe, Varadinenſe Collegium excitauit; in quo iuuenum animos, ad omne officij munus Societas erudiret. Vidit, & videt Illuſtriſſimus Archiepiſcopus Gneznęſis Karnkouius, qui maximo ſuo ſumptu ſcholę Califiſienſem excitauit. Vidit, & videt Comes Róſrazouius Vladilauienſis Episcopus vigilantiffimus, qui ſœliciſſima Nouenſis Collegij in Pomerania iecit fundamenta. Vidit, & videt Illuſtriſſ. Princeps Olicę Dux, Nicol: Chriſtoph: Radziuilus, qui Nieſueſenſe Collegium crexit. Vidit ad extremum is, qui nobis ſœliciter imperat, Sigifmundus tertius piētiſſimus Rex. Vidit ſapientiſſ. Regni Senatus. Vidit ordo Equęſtris vniuerſus, qui illud ipſum Ieſuitarum Nieſueſenſe Collegium, & attributos illi redditus in Regni Comitijſ publico Senatuſcōſul-

to, approbavit; esseq; Iesuitis in Regno perpetuos voluit. Hos, si non vidisse, non intellexisse, non animo & cogitatione percepisse, dixeris; quibus artibus iuventutem numerosam ad suas scholas colligant Iesuitæ, quibusq; retineant: dignus profecto es, qui in eas oras deporteris; ubi viuos homines mortuū incurfant boues. Congruit veritati ridere, ait Tetull. quia læta est: de emulis suis ludere; quia secura est. Multa ridendo possunt reuinci, ne grauitate adorentur.

Vis audire quibus artibus iuventutem numerosam ad suas scholas colligant Iesuitæ? Nil in discipulis præter discipulos amant. Quidquid docent; faciunt. (Æstimari autem præceptoris magnitudo non potest, vita qui docet) Doctos facere discipulos, sed magis bonos contendunt. Ad vsum vitæ, non ad consuetudinem scholæ loquuntur. Nouè multa, sed noua nulla docent. Nil habent melius quod optent, quàm vt discipuli Deū & proximum diligant; & hoc solum auditoribus suis, ex omnibus quas profitentur litteris proponendum putant, quod virum bonum faciat. Vitæ in eo fructum statuunt; si quotidie studiosi Adolefcētes, cœlum magis, mundum minus diligant: si amorem pecunię mentis bonæ venenum putent: Si diuitias ibi seruent, ubi perire non possunt. Si honorum studium fugiant: vel si inde petât, ubi nemo indignus hono-

honoretur si laudis, si ambitionis, si potestatis immodicam cupiditatē fugiant: si suos putent omnes, quibus præsunt: si superbos minus curent; minimē sint: Si uitam inde petunt, ubi nulla morte finitur. Si salutē ibi quērunt, ubi partē nil timetur. Si in omni loco & tempore, in omni uitæ genere amicos aut habeant, aut habere laborent; si inimicitias uident cautissimē, ferant equissimē, finiant citissimē: Si non peccatores, sed peccata abominentur: Si opem ferendam indigētibus putent, etiam qui leserunt, etiam qui ledere uoluerunt: Si falsos doceant; fallaces caueant; si bonam mētē tota mente quērunt; si tam suis, quā Sociorum studijs progressum et tranquillitatem optent. Si non tum se Beatos reputent, cū auri, quod sitiunt, ponderibus abundant; cū luce, quas possident gemmarum, delectantur: cū illis in altero feritur, in altero metitur orbe: cū esuriēte stomacho, aridisq; faucibus ad fontem abundantem, cœnam instructam, niuelq; circumpositas reperiunt; cū siue coniugum, siue amicarum corpora pro libito amplexantur; cū aures cantu, tibiarumue strepitu oblectant; cū inter rosas & vnguenta Arabica iaceant; cum intempestiuis ludis & iocis immodesto ornatu corporis; cum ocio somno; inertia pigritiaq; abundant. Si cū præsunt, & vicia vindicant, ne nimium sit, labo-

rant; ne parùm, cùm ignoscunt. Summa est, si quod sibi nolunt, alteri ne faciant.

Ista illi praecepta in obsequentes animas; quasi è tabulis aeternae legis transcribunt: modò non ad pedes abiecti; quotidie discipulis supplicantes. Si quid nobis amoris, si quid officij, si quid deberis, necessitudinis: si intelligitis, quantum vos diligamus; quanti faciamus; quantum nos curam morum vestrorum exagitet; si nostra studia; nostrae vigiliae nostra ieiunia, nostri vos mouent labores. Si isti quos quotidie in prelectionibus videtis sudores, & clamores. Si deniq; (Deo teste) non mentimur, nil nos optare nobis, plusquam vobis; referte gratiam, rependite praeium. Si nos Patres, magistros & Praeceptores vocare non dubitatis, reddite mercedem; Boni esote. Ista porro quotidie occinentes, non contenti sunt viam ad pietatem quasi protenso digito monstrare, manum admouent; ducunt, trahunt, dirigunt, comitantur, adiuuant. Non sicut medici inter aegros, quos perambulant, sine vllò affectu venam tangunt; & abeuntes, remedia disponunt; sed sicut amici propria & peculiari cura, & studio, dignum discipulum putant. In singulos, dum docent, animum & cogitationem dirigunt; vt quae pro lectione proponuntur, non quasi in medium proiecta manibus excipiant, sed quasi singulis porrecta in animum demittant. Ope-

ram

ran enim quam præstant, non tantum ipsis præ-
 stant; sed tanquam ipsis. Nemo potest dicere; nul-
 lam habet cogitationem mei: non in sinu meo po-
 nit; sed in medium projicit verba. In turba enim
 multorum, præcipuam de singulis curam habent.
 non tanquam publici partem, sed tanquam pro-
 prium cuiq; dantes beneficium. Laborem in do-
 cendo, & molestum illud tedium, quod oscitan-
 tes discipuli pariunt, sine supercilio deuorant: hor-
 tando, bonam indolem erigunt: laudando, ani-
 mum addunt; monendo, desidiam discutiunt: in-
 genium latens & pigrum, iniecta manu extrahunt:
 nolentibus, timorem adhibent, nec ideo discipu-
 lis profunt, vt prosint & sibi; aut eos faciant vtili-
 tatis suæ instrumenta; sed omne laboris sui premi-
 um, in eorum profectu statuunt; ad suspecta tem-
 pora occurrunt: nullum illis ministerium oneri,
 nullum fastidio est. Profectum discipuli, vitam:
 mortem, inertiam putant. Præceptores profiten-
 tur; amicos agunt. Et quod in omnibus eorum
 studijs eximium est; cum sciant paucis opus esse ad
 bonam mentem litteris, omnem simul sapientiam
 in compendio tradunt; **TIMERE DOMINVM.**
 Illud quotidie sine modo, & sine fine discipulis oc-
 cinentes, in quo vno omnes disputationes, om-
 nes litteras quorumlibet Philosophorum: omnes
 leges quarumlibet ciuitatum: omnia præcepta Mo-
 sis &

sis & Prophetarum: omniumq; diuinarum & humanarum disciplinarum summam contineri, dicit Augustinus; diliges Dominum Deum tuum, ex toto corde tuo, ex tota mente tua, & proximum vt teipsum. Huc Grammaticam dirigunt: ostendētes minus ridēdos, minusq; reprehendēdos discipulos, cūm hominis vocabulū, cōtra pręcepta Grāmatices sine aspiratione scripsissent: quā cūm hominem contra Dei pręcepta sine cessatione odissent. Vel cūm per linguę errorem dicerent, inter hominibus, quā per mentis furorē, hominem tollerent ex hominibus. Huc Phisicam dirigunt; quoniam omnes omnium naturarum causę in Deo creatore sunt. Huc Ethicam; quoniam vita bona & honesta, non aliunde formatur, quā cūm ea quę diligenda sunt, quemadmodum diligēda sunt, diliguntur; hoc est Deus, & proximus. Huc Logicam, quoniam veritas lumenq; animę rationalis, non nisi Deus est. Huc Poeticam; huc ipsas illius fabulas conferunt; quibus antiquitati sublimiora quęq; ingenia delicatissimē ingeniosissimēq; mentiebantur, ostendentes; (vt vnum saltē exemplū; etiam ab Augustino notatum afferamus) in fœdis Pyrami & Tysbes amoribus, quāta sit vis puri synceriq; amoris; quo animę disciplinis dotatę, virtuteq; formosę copulantur intellectui, per Philosophiam; docentem esse vana omnia, quę sub isto sole videntur, &

noxia

noxia, cùm amantur; ita vt non solùm mortem pro Christo & veritate non timeant, sed & optent. In laboribus etiam Herculis docentes, & ostédentes, fortes quosq; viros laborem, sudorem, sanguinem virum, militiam, olere: eoq; ire debere; vbi celsa magni (vt Boetius loquitur) ducit exempli via, Superata quippe fortiter tellus, sydera donat. In Fabula quoq; Circes, virum fortem & stabilem, etiam lacerato, etiam mutato corpore, sui esse debere similem, ostendunt; leuemq; esse nimum quamlibet magni hominis manum.

Nec potentia gramina

Membra que valeant licet

Corda vertere non valent

Intus est hominum vigor

Arce conditus abdita.

Ita Nimphas, ita Syrenes, ita Vulcani retia, ita Martis dolia, ita Parcas, Gorgonas, Prometheos, Gigis annulos, ita quandoq; istius modi fabulas, proponunt; vt auditores suos etiam per ficta exempla noxia detestari; & salutaria consilia suscipere; vel, vt melius nostræ scripturæ loquuntur, diuertere à malo & facere bonum, doceant. Non enim in eo discipuli profectum statuunt, quod certè nostri olim præceptores virgis armati laborabant, vt Deorum Genealogias memoriter recitent; aut Herculis labores in di-

gitis

gitis numerent; aut Argonautas recenseant; aut
 Parcarum, vel Nereidum nomina statim edant;
 aut errores Æneæ cantitēt; aut Didonis mortē de-
 plorent; aut quam manū Veneris Dyomedes lau-
 ciauerit, explitent; aut sitim Tantalī; aut iecur Ti-
 tij; aut quā rectē Roscius Hæcubam in scenā re-
 præsentauerit, aut quā rectē Pamphilus Hērī sui
 libidini ancillauerit, illicò recitent. Aut vtrūm Pa-
 lamedes litterarum & numerorum, vtrūm semen-
 tis Triptolemus, vtrūm Apiarij Corax primus au-
 thor & inuentor fuerit. aut Ægyptiorum Deos an-
 guipedes, canicipites, serpenticipites, Asinicipi-
 tes, aut ipsum Iouem Ammonem ve ruccino capi-
 te, vt testatur Athanasius, vel cantent memoriter,
 vel effingant describantq; dulciter. Aut istos Ægy-
 ptiorum; illos fuisse Phænicum Deos. Ista Persa-
 rum, illa Syrorum; ista Indorum, illa fuisse Ara-
 bum numina recenseant; Istis canes, illis homines;
 illis pecudes, istis serpētes; Thura illis, istis mola
 falsa, litata immolataq; extitisse. Quod tamē si prio-
 ris sæculi præceptores in patria docuerūt; si & isti ad
 huc docerēt, ausim dicere: minus reputari posse no-
 centes Poetarum fabulas, de Dædalo volante, de
 Aiace furente, de Parca fila ducente, de Tantalō
 sitiente, quā Euangelicorum ministrorum Dei
 Verbo cerussatas phaleratasq; conciones; de sola fi-
 de iustificante, de vna Eucharistiæ speciē, homi-
 nem

nem ad inferna damnante; de cultu imaginum, idololatriam redolente. & id genus, quæ blaterant. Huc etiam Rempub. referunt. Neq; enim conditur & custoditur optima ciuitas, nisi fundamento & vinculo fidei, firmeq; concordix. cum bonum commune diligitur, quod summum ac verissimum Deus est, atq; in illo inuicem syncerissimè se diligunt homines; cum propter illum se diligunt; cui, quo animo diligant, occultare non possunt. Ad quem certè finem nisi omnis omnium artium & disciplinarum, omnium Doctorum & Præceptorum cursus dirigatur; scientia quari potest, inueniri non potest. Hæ sunt artes, (ô bone) quibus animos capiunt. Hæc vestigia, quibus incedunt. Hæc ossa, quam obijciunt. Hi sunt hami, quos inferunt. Hic viscus, cui discipuli inhereſcunt. Tales se planè Doctores isti noui & Præceptores, Iesuitæ, exhibent, quales esse iubet doctissimus Lirinenſis cum ait; O sacerdos, ô tractator, ô doctor, Si te diuinum munus idoneum fecerit, ingenio: exercitatione, doctrina; esto spiritualis tabernaculi Beseleel: pretiosas diuini dogmatis gemmas exsculpe; fideliter coapta, adorna sapienter, adijce splendorem, gratiam, venustatem. Intelligatur te exponente illustrius, quod antea obscurius credebatur. Per te posteritas intellectum gratuletur, quod ante vetustas non intellectum gratulabatur:

eadem tamen quę didicisti, ita doce; vt cūm dicas nouē, non dicas noua. Fas est etenim, dicit paulò post, vt prisca illa cœlestis Philosophię dogmata processu temporis exornentur, poliantur, li-
mentur: sed nefas est vt commutentur; nefas vt detruncantur; nefas vt mutilentur. Accipiant licet euidentiā, lucem, distinctionem; sed retineant necesse est, plenitudinem, integritatem, proprietatem. Vos porrò, o Triobolarij Doctores, quid vestros Sectatores, quid docetis discipulos? Dicam vno uerbo, quod olim Corax Atheniensis. Omnibus quibus vellent disputādo aduersari: & omnibus quibus vellent, dicendo adulari.

Exclamas deinde: *Putassne, Senatores, disciplina Monachorum; iuuentutem, ad res rectē gerendas erudiri posse?*

Et hoc impotentis animi signum est, omnibus in vniuersum sine fine irasci. Sed tu de industria in Regum & Legum offensionem incurris. Tecumnē es? O quā verē Paulus, nil scientem Hæreticum appellauit. Hic ego te non verbis ē Donato; sed legibus, sed Decretis, sed statutis, sed grauissimis Senatusconsultis ē Regni Statuto cōuincam. in quo lex illa Sigismundi Regis laudatissimi legitur, quę Regni Polonię Abbates omnes obstringit, vt Nobilium filios in suis monasterijs ad oē officij munus, instituēdos & erudiendos suscipiant. Verba legis

legis sic habent; Tenebuntur Abbates certum numerum puerorum Nobilium fouere in Monasterijs, & illos inibi hominibus doctis artibus liberalibus dare instituendos. iuxta quod vnicuiq; Abbat, Domini Episcopi illorum locorum consignabunt & nominabunt. De inde verò meminisse debebas Cazimirum Primum in Cluniacensi Benedictinorum Monachorum sodalitate educatum, & institutum, tanta cum pietatis & fortitudinis laude Regni Poloniae clauū tenuisse; vt Maslaum Masouiorum tyrannum deleret; rebelles Prussos reprimeret; acerrimos Iazuingas penitus extingueret: pacem Regno redderet: Dei cultum augeret: Domicilia multa Christi seruorum erigeret: & nomen ad extremum Instauratoris Pacifici cōsecutus esset. Stephanus quoq; Rex laudatissimus, ille inquam Rex, cuius virtutem hostes, misericordiam victi, fidem & prudentiam ceteri omnes perspexerunt, inter eos quos ex Italia in Poloniam euocabat, vt in optimis litteris Regni iuuentutem erudirent, Patrem etiam Aquarium Dominicani instituti religiosum esse voluit, præmiumq; non vulgare promisit. Camillum quoq; Tachietum Frāsciscanum concionatorem suū aulicum: & Annibalem Rosfelli Bernardinum, in illa ipsa Academia Cracouiensi, cuius causam te agere simulas, tum Philosophicas tum Theologicas litteras profiteri voluit.

Iudicet lector, vtrum tibi garrulo adolescenti; an Regi sapienti, de Monachorum disciplina fidem velit adiungere.

Qua tibi de moribus Italicis, Gallicis, Hispanicis in patriam inuictis garrere libuit; hac quoq; prateris, si vnquam illud audiuisles, Regis ad exemplum totus componitur orbis. Reges enim & Principes externi, quos patria nostra intra hoc paucos annos ex Gallia, Germania, Vngaria, ad Regni gubernacula euocauit; non quatuor aut quinq; Religiosi in patriam inuexerunt; quicquid de maiorũ nostrorum simplicitate & integritate detractum est. Facilius est si dicere fas est, ait Cassiodorus, errare naturam; quàm dissimilem sui Princeps possit formare Rempub. Sed non placet tibi scholas euerti. Bene est, aliter enim si diceres, verbis ego tuis lumbos defractus optarem. Placet autem veterem potius reuocare disciplinam, & patrium morem, præmia magistris & præceptoribus proponi, eos gratitudinis, & vtilitatis spe, ad scholasticum laborem suscipiendum excitari; Assentior. Age itaq; exoptatissime reformator, tabulas arripe, legem scribe, pœnam transgressori statue: iube tuos Evangelicos census retentos dissoluere: ereptos redditus reddere: decimas interuersas representare: agros ademptos referre: pensiones descriptas comportare: assignata à maioribus præmia illico dependere;

mox

mox videbis, crede mihi, Academię Cracouiensis Magistros & præceptores, ad scholasticū laborem suscipiendum, magis etiam atq; magis excitari. Sed vereor, vt tui similes clependi rapiendiq; consuetudinem relinquant. mallent illi quicquid adhuc superest, de viulo deirahere; quā erepta reddere: idq; sine freno timoris & pudoris, vbicunq; possunt, impię crudeliterq; exequuntur.

Ais deinde: *Sed lesunarum opera studio & diligentia effectum est, vt Africa, Asia, America, Persia, Romania Ecclesię instructa & placua amplectantur.*

Id quidem tu, fat scio, verum esse nolles, sed cū rerum testimonia ipsa tua videat cōscientia, etiam ipsa tua per se erubescit ratio, deficit interpretatio, obmutescit oratio: lege Surium, Maffium: lege epistolas Indicas, lege Ribadeneiram, lege quocunq; de rebus Indicis scripserunt, & linguę tuę modestię frenos impone.

Quæris deinde: *Quinam sunt illi viri? quæ est ista pietas? quæ prudentia? quæ vitæ sanctimonia? vt tantum bonum orbi Christiano importauerit.*

Auscultra, & mea dicta deuora. Proprius est hic gentis nostrę mos; consilia sua, non præcedente sapientia, sed consequente experientia, moderari. Doleo quòd ita sis & tui & rerum planè omnium oblitus, vt ea ignores, quæ Gallia, Germania, Hispania, Lusitania, Vngaria, ipse quoq; nouus orbis, &

bis, & yltimarum sola terrarum non ignorant.
 At si tibi Senatoris & Consiliarij munus suscipere
 libuit, non discere ista debebas, sed didicisse. In
 omnibus, ô puer, (libet te Platonis verbis appella-
 re) vnicum principium ijs qui benè consulere vo-
 lunt, est intelligere, quid illud sit; de quo consul-
 ratur: vel omninò ab errare necesse. pleròq; verò
 latet, quod nesciant rei substantiam. Tanquam
 igitur scientes in dispositionis principio non de-
 clarant, procedentes verò, quod par est, consequi-
 tur, vt nec sibi nec alijs consentanea loquantur.
 Ne sis ergo nesciens, aut in Repub. Christiana pe-
 regrinus; narro tibi qui sint isti viri. Si Deum no-
 stis; si cum Platone Geometrem agere omniaq; cõ-
 uenienter proportionatè & legitimè definire;
 si saltem illi res mortalium curę esse credis; inficias
 ire non poteris, etiam si sis impudentissimus, ap-
 ta cum & conuenientia remedia, singularum æta-
 tum, & temporum, morbis atq; incommodis ad-
 hibere consueuisse. Cogunt (ait Augustinus) mul-
 tas inuenire medicinas, multorum experimenta
 malorum. Magnis olim erroribus Chaldaeorum
 populi tenebantur, cùm rerum causas, ad motum
 syderum; non autem ad Dei potentiam, & volun-
 tatem referebant. Sed misericors Dominus ferre
 non potuit, vt in errore turpissimo consumaren-
 tur. Suscitauit enim opportunissimo illo tempore,
 admi-

admirabilem illum Patriarcham Abrahamum, qui fuit illis quasi via rectę fidei, creatoris omnipotentiam ostendens, & à cultu & veneratione rerum creatarum auertens. Ægyptij mirum in modum erāt pręstigiatorum artibus, & incantationibus, de statu mentis deturbati. Sed Dominus amicum suum illum magnum Moysen exhibuit, qui demonum fraudes detegeret; & Domini potentiam & gloriam per verba & miracula prædicaret. Israelitarum rationes valde erant in aliquo tempore cõturbatę. nullum enim certũ Magistratum habebant, cuius imperio tenerentur. ecce subitò Samuel diuinus affulsit, qui magnum præsidium inclinatis rebus attulit; & sub vnus imperium, Dei iussu, subiunxit. Achab ille Rex impius, Deum Patrum suorum dereliquit, & diuinum cultum manufactis simulachris adhibuit; sed Dominus Eliam Thesbiten suscitauit, qui Regis impotentiam frangeret, atq; ad vnus veri Dei cultum reuocaret. Procedente tempore suscitauit Satanas in Asia Mamalucos: suscitauit Dominus Templarios. Suscitauit Sathanas Saracenos Ptolomeidem oppugnantes: suscitauit Dominus sex viros Lubecenses & Braunscēses primos eius ordinis autores, quem Theutonicos appellant, strenuos terrę sanctę defensores. Suscitauit Satanas Turcas Asiam infestantes: suscitauit Dominus nobilissimum ordinem Equitum

Hiero-

Hierosolymitanorum illis obfistentes. Saraceni Belgicam occupauerant; magnaq; premebant feruitute: fufcitauit Dominus in Lufitania Equites Iefu Chrifti; qui vim immanem barbarorū profligarent, & fuos libertate donarent.

Magna fuit olim Chriftianorum vis in captiuitatem abducta; & ftatim Dominus ordinem S. Mariæ redemptionis captiuorum, duce & auctore Iacobo Aragoniæ Rege excitauit. Sed longum efllet omnia, omnium ordinum & religionum genera opportuniffimis humano generi temporibus à Dei benignitate fufcitata, memorare. Ipfa S. Francifci & S. Dominici familia, quàm opportuno Reipub. Chriftianæ tempore initium acceperit, obfcure non efl.

Sic exiftimare debes fufcitata fuiſſe à Domino, iſto noſtro ſeculo, eam quam iniquo odio tam acerbè oppugnās I E S V Societatem, tanquam Antidotum quoddam earum peſtium, quas Luterus in orbem Chriftianum introduxit. Ex omni namq; parte (ait Athanaſius) Omnia ſemper remedia Deus prouidit & prouidet; vt homines ad finē ad quem creati ſunt perueniant. Ipſe quoq; dies & longioris æui diligentia, multa quotidie in lucem extrahit de tenebris. Non pauca quippe natura poſteris referanda reliquit; nec tota ſeſe adhuc prioribus ſeculis aperuit. Gracia non niſi poſt multa ſecula ſtellis nu-

lis numeros & nomina fecit. Vtrum emergeret Iup-
 piter (ait Seneca) an occideret, an retrogradus esset?
 ante paucos annos didicimus. Quæ sint quinq; stel-
 larum stationes, quâdo in rectu ferantur; quare a-
 gantur retro, qui matutini, quiq; sint eorû vesper-
 tini ortus? modo cepimus scire. id scilicet ipsa agē-
 te natura; vt aliquid veritati, posterius quoq; nostri cō-
 ferant. Adeo enim non omnia simul animus pro-
 spicit, adeo non omnia simul inuenit, vt adhuc ip-
 se se quærat. Pax & tranquillitas, qua Ecclesia Dei
 longo tempore fruebatur, partim extinxerat, par-
 tim debilitauerat feruorem illum pietatis; quo ma-
 iorum voluntates inflammate videbantur. Inter-
 missus erat frequentior Sacramentorum vsus: ob-
 torpuerat Confessionis & Pœnitentiæ studium: lan-
 guere cœperat conscientiarum examen; contem-
 plationum assiduitas, meditationum desiderium.
 remissa videbatur hospitalium cura; Catechume-
 norum instructio: xenodochiorum sollicitudo:
 captiuorum redemptio; fraterna correctio, Con-
 cionû assiduitas; Sacrificij frequentatio: ciliciorum
 & macerationum vsus. dormire quodammodo in
 summa Ecclesiæ Dei pace videbantur homines; vi-
 uebant vitam habentem, vt Pindarus loquitur, *μελι-
 τόισσας ἡσυχίαν*, mellitâ tranquillitatem, contenti præ-
 sentibus. Interim venit inimicus homo & super-
 seminauit zizania, earû Hæresum & pestium; qui-

bus orbem Christianum afflictum videmus, & dolemus. Sacram scripturam corripit; Symbolum violauit: Sacramenta minuit: Trinitatem blasphemauit: Patres & Concilia contempsit; Imperia perturbauit; viam ad Atheismum aperuit. Quid autem mali non fecit? Has animarum ruinas, non ferens misericors & miserator Dominus: suscitauit admirabiles illos Ecclesię suę *ἄγιοι καὶ ἡλκήντες ἄνθρωποι* verbo & opere potentes, quorum ora, vos Euangelici, vestra vos remordente conscientia; in illa die tremenda nō feretis, Eckios, Roffenses, Moros, Polos, Taperos, Hesselios, Sotos, Hosios, Cromeros, Sanderos, Socolouios; Pouodouios, Gorscios, Nouicampianos, & mille alios. qui cū egregiē suo munere, suaq; legatione functi, pro Christo fuissent; & pleriq; etiam vsq; ad sanguinem restitissent; quos vos igne, ferro, laqueo, equuleo, omni suppliciorum & crudelitatum genere laceratos obrūcastis; & his præterea calumnijs onerastis: quasi quam profitebantur fidem, eam non ob amorem Christi, aut veritatis studium; sed ob Papæ metum, ob censuum, reddituum, Episcopatum, & id genus, amorem tuerētur; Visum est vicissim Domino, novos homines suscitare, sine re, sine sede, sine Episcopatibus, sine Abbatijis, sine pera, & gladio: inermes, incomitatos; viles in oculis seculi: nil timentes, nisi Deum; nil sperantes, nisi à Deo: qui

qui mortē pro Christo, lucrum putarēt: occidi possent, uinci nō possent: quorū societas esset, vt Ioannes in sua Epistola loquitur, cum Patre & Filio eius IESV CHRISTO: eosq; , ceu quasdam auxiliares copias, in medias Euāgelicorū acies, in ipsa vestra viscere immittere. quē, vos in omnib⁹ orbis Christiani partib, quas veneno vestro infecistis, Germania, Gallia, Anglia, Scotia, Polonia, Bohemia, Vngaria, Suetia, telis verbi Dei cōficerēt: veritatis spicula intorquerent; in vestris ciuitatib⁹, in oculis vestris vobiscum viuerent: ubiq; uobis etiam inuitis, & nolentibus occurrerent: nec solū uoce & calamo, sed etiam aspectu silentioq; suo, uestre uos perduellionis, & rebellionis admonerent. & illud quotidie, quod olim uestri similibus hæreticis Augustinus, occinerent; quod Dominus in cathedra unitatis, posuit doctrinam ueritatis. Cathedram autem unitatis in ea collocatam ostenderent, quē caput est orbis, urbe Roma: cuius fidem, Apostolica uoce laudatam esse scimus; in qua perpetuò conseruatam eam fuisse, quē est ab Apostolis, traditionem, refert Irenæus: cui totam doctrinam Apostolos unā cum sanguine suo profudisse, Tertullianus asserit. ad quam accessum habere perfidiam nunquam potuisse, testatur Cyprianus. quam ita semper incorruptæ Patrum doctrinæ fuisse tenacem; ut quoties Romana fides diceretur, Catholica intelli-

geretur, ex his, quæ scripserunt Hieronymus & Ambrosius, didicimus. In qua semper Apostolicæ cathedræ uiguisse Principatum, narrat Augustinus. quàm hæretici fœtoris semper expertem permansisse, nec unquam in ea, qui contrarium sentiret, sedisse; quin potius Apostolicam gratiam inuiolatam custodiuisse, testatur Theodoretus. ad quam propterea de fidei causis iam inde ab ipsis Apostolorum temporibus, nunquam non relatum fuisse; qui sæculis aliquot fuit posterior, Bernardus asserit. quod ibi potissimum sarcitū iri damna fidei spes foret, ubi fides non posset sentire defectum. Idq; etiam inuitis & reluctantibus uobis, ipsis inferni portis frementibus, tanto cum fructu utilitateq; faciunt; ut omnis iste, quæ fabricare orsi estis, Satanismus: in patria præsertim nostra, animam agere; & extremam partem deficientis Spiritus retinere uideatur. Dicentibus Heluetijs; Fides Lutheri iam ultra Rhenum perijt: dicentibus Anglis, & ultra mare. Gallis, & ultra Alpes: Polonis, & ultra Istulam: Vngaris, & ultra Danubium. Dicentibus Italis, non transijt montes: dicentibus Hispanis, nec Pireneos. Calvinismus enim velut nouus Iupiter successit, & garrulum Luterum, velut vetulum Saturnum explosit: sed & ipse iam nutat, & Trideismus exulat. His porro omnibus extremam mortiferam plagam Atheismus intentat.

Illud

Illud Cyclopicum, modo non totidem verbis occi-
 nentibus eius magistris, & ministris; *ἰδοὺ τὸν κύκλωπον ἰδὼν ἑκάς &c.*
 Id est, *Stultus es hospes, aut procūl aduenisti,*
Qui me Deos iubet, aut timere, aut obseruare.
Non enim Cyclopes bouem à capra nutritiū curant.
Neq; Deos Beatos. *ἰδοὺ τὸν κύκλωπον ἰδὼν ἑκάς &c.*
 Aude negare, rerum te testimonijs non solum
 conuincam, sed etiam obruam. quas si negaueris
 homo non eris. E vestra schola, liber ille prodijt,
 de tribus mundi Impostoribus, Mose, Christo (sed
 horresco referens) & Machometo. E vestra scho-
 la personati illi emerferunt, qui viuum infantem,
 recens è matris utero egressum, necdum baptiza-
 tum, in spectate matre, in ardentem rogam iniece-
 runt; Bacchoq; Parisijs sacrificauerunt. E vestra
 schola fuerunt 150. illi Diaboliste in Gallia, libro
 Parisiensi teste, duce Genomano Destaleo, qui li-
 bellum Societatis suæ nomine A. 1578. euulga-
 runt, in quo Solènes eiuradæ Christianæ fidei ritus,
 & blasphemias descripserunt; & Baccho, Veneriq;
 vno aut altero ab vrbe miliari, thure in igne iniecto
 sacrificauerunt. Sub uestra ferula didicerunt; qui
 Deum Hebreorum Iehoua; Iouem Saturni filium
 intelligi debere docuerunt. In uestra schola didi-
 cit Ochinus in dubium vocare; An aliquis sit ado-
 randus Deus? & an illi curæ sint res mortalium?

Eve-

E vestra schola, Puritanus ille ante annos aliquot in Anglia prodijt, nomine Rett, è prouincia Noruegenſi, qui Chriſtum in rerum natura fuiſſe negabat: & ſi daretur, eiufmodi Chriſtum fuiſſe, qualis in Euangelio docetur, neceſſariò credenda eſſe omnia & ſingula, quę docentur à Papiſtis. E veſtra ſchola, Vallecus ille fuit publicus Atheiſmi patronus. E veſtra ſchola fuit Heildelbergenſis ille miniſter Neuſerus, qui effraeto ob Arrianiſmum carcere, Conſtantinopolim fugiens Mamalucus factus eſt ex Arriano. Ex veſtra ſchola Concionatores illi fuerunt ſub Electore Palatino, qui datis acceptiſq; vltro citroq; à Deruiſis & Cadis Turciciſ litteriſ; Machometi doctrinã & cęremonias diſcere, ſeminareq; occeperāt. E veſtra ſchola fuit ille Poſtelius, quem Henricus Stephani dicētem ſe audiuiſſe teſtatur; Fidem Chriſti meras eſſe nugas aniles. Sed aliam fingere formareq; religionem oportere è Moſaica, Chriſtiana, & Alcorana doctrina; eamq; fore omnium abſolutiſſimam? Ipſi Scotiæ miniſtri Caluinicola, teſtantur in Prefatione ſuæ Bibliæ, multos in illo Regno è Caluiniſtis factos eſſe Atheiſtas, nouumq; ſibi nomen ſumpſiſſe rei conſentaneum, vocariq; Gottles; id eſt, ſine Deo, Deo vacuos. Quid illud conſilium in quadam Rupellana ſynodo, ab infano miniſtro datum? Si inquit Papatum cupimus extirpare penitus, omne quod

quod dicitur Deus, negemus. Nam si talem Deum crediderimus, qualem fingunt Papistę, Creatorem, Omnipotentem, principio carentem, scelerata opera vindicantem, bona remunerantem, quicquid præterea somniant Papistę, tali dato Deo; consequetur.

Nostra videamus. Visę sunt in Lithuania Theses sine nomine Autoris, euulgate A. 1568: asserentes animas hominum vnā cum corporibus interire. Hanc doctrinam Domanovſki quidam minister Cacangelicus publicē contra Iesuitas defendit Polocię 1589. Interfuit & Budnaus, qui hac de re sententiam rogatus à Patribus Societatis: respondit, rem adhuc apud suos esse dubiam, & sub lite pendere. E vestro pulvere Leuan ille minister prodijt in Lithuania, ex Iudeo, Christianus: ex Christiano, Zuinglianus: è Zuingliano, Atheus. Tędet omnes memorare. Eant iam ministri & se gloriantur esse christianos: Aut sunt, aut erunt omnes Atheistę. si non ore, certē quidem corde. Vnde apparet (vos appello ministri misera Lutheri Caluiniq; mancipia) Christum non esse vobis propitium, qui ne defensus quidem à vobis, vos à vestris hostibus Tricheistis, & Atheistis defendit; imò potius multos ad Papatum quotidie horum, quos persequimini, opera studioq; Patrū reducit. Quę rerum vestrarū inclinatio, sine pietate & prudentia

dentia Antagonistarum, & sine singulari uita sanctimonia expectari certè, sperariq; non poterat. De quibus quia quæris, quænam sint ista, ut tantum bonum orbi Christiano importauerint: Respondebo tibi. Paternus affectus laborem non metuit.

Scias uelim Societatis huius primum ac præcipuum esse institutum. Hæreticos, ab erroribus: Catholicos, à malis moribus; Gentiles, à falsis de Deo opinionibus reuocare: atq; ad unius ueri Dei cultum, pietatisq; studium ardentius complectendum adducere. Id autem ut efficacius præstent, uerbò se prius uiteq; exēplis in suis contubernijs instruunt. diligenter enim prius omnia discunt, antequam doceant: immo propterea discunt, ut doceant. Nulla enim res eos delectat, licet eximia sit, quam soli tantum scire uellent. Quippe nullius boni possessio iucunda sine sotio est: Prodesse uero cui potes, magnæ mentis, alti animi argumentum est. Vitæ porro sordes omnes lachrymis quotidie & oratione eluunt: carnis cupiditates comprimere, atq; sub rationis imperium subiungere contendunt; ieiunio, cilicio, humi cubatione, Dyamastygosi, & id genus alijs carni repugnantibus exercitijs. Sciens quod qui prius in arcem ueritatis & diuinorum Secretorum adyta penetrare contendit, quam uitæ maculas anima q; tabem sanauerit; ita illa luce

reuer-

reuerberantur veritatis, vt non solum pro ea laborandum non putent; sed etiam nomen ab ea veritatis abiudicent. & cum quadam libidine. & voluptate miserabili in suas tenebras, vt loquitur Augustinus, medicine maledicentes, refugiant. Vnde etiam quotidie occinunt. Cor mundum crea in me, Deus, & Spiritum rectum innoua in visceribus meis. Spiritus quippe rectus is est. quo fit, vt anima in veritate quaerenda deuiare, atq; errare non possit. Ipse porro non prius in eam ingreditur, nisi prius cor mundum fuerit. hoc est; nisi prius ipsa cogitatio ab omni cupiditate ac fœcè rerum mortalium sese cohibuerit, & eliquauerit. Anima porro ad eum modum perpurgata; totos sese ad rerum diuinarum contemplationem transferunt. in qua quò magis exercentur; eò magis hæc quæ videntur omnia, opes, honores, vitæ commoditates, vt fumi umbram, vel sicut Paulus loquitur, vt stercora reputant. Quò magis autem, omnia istiusmodi contemnunt; hoc magis in solius Dei amore exardescunt; hoc libètiùs meditationibus vacant. quas rectè quispiam conflictum esse dixerit, sine sanguine. Quem autem quis amat, omninò cauet ne vlla vnquam ratione offendant. Inde fit; vt in custodia sui ipsius vigilantissimi sint, horasq; omnes auarissimè seruent. Manè, diuina in se, & in genus humanum beneficia recognoscunt. Meridie,

& vesperi exactissimam, cum animo suo rationem ineunt, quid horis singulis egerint; omnibus vestigijs accuratissimè scrutantes, si quæ illicita desideria mentem inuaserunt: si diutius hæserunt; si consensum extorserunt: si etiam voluptatem attulerunt. Ipsam deinde linguam ad iudicium aduocant, si quid loqui pro Dei gloria omisit; si quò verbo proximum læsit; si quempiam calumnia oppresit; si tacenda dixit, aut dicenda tacuit; Hinc manus & opera excutiuntur. Porro si quæ macula deprehenditur, dum paruula est, ad petram alliditur; lachrymarum balneo eluitur, Cataplasma confessionis applicatur, & vix in alteram horam medicina refertur. Ad eum modum disposita vitæ ratione, compressisq; carnis cupiditatibus, animi culturam adhibent: seq; in diuinorum librorum, Sacra scilicet scriptura, Sanctorumq; Patrum lectione, & meditatione penè incredibile studio, & contentione exercent; volentes esse parati, iuxta Pauli præceptum, rationem reddere omni poscenti, de ea quæ in illis est, fide. Postquam autem caro rationi, ratio Deo subesse atq; obtemperare didicerit, postq; nil timere nisi Deum, nil iperare nisi à Deo consecuerit: postq; in seipsis experti fuerint quibus modis & attribus efficiatur in anima puritas; quibus in eadē retineatur; quibus inquinata redintegretur; quibus redintegrata conseruetur; nec vnq; deinceps inquit

netur

netur tum primū ab his qui præsunt, in vineam Domini emittuntur; atq; ad operas distribuuntur. Non enim in sola contemplatione; nec in sola actione vitę summam sitam putant: Sed quo Dei gloria, quo salus proximi, quo vocat Ecclesię necessitas; siue horum alterum, siue etiam vtrunq; adhibent. Alius itaq; confessionibus pœnitentium excipiendis vacat; alius Sacramentis distribuendis; alius egrotorum & debilium cura destinetur; alius in agone positos consolatur; alius in xenodochio languentes curat; alius è carcere vinctos liberat; diffidentes conciliat; vagantes per vrbium vicos ad templa congregat; per exiguas villulas & deuia oppidula Catechismum & doctrinam Christianam prædicat; egentes opulentis commendat. Alij sunt vicissim qui refutandis hæreticis operam nauant, in medias sese Hæreticorum acies projiciunt; & omnia simul & faciunt & patiuntur; vt Christi Dei nostri nomen glorificetur, concionando, scribendo, disputando. quales fuerant ante paucos annos in Anglia Campianus, Fordus, Briantus, Ceruinus, Perfonius & mille alij. Alijs non satis est orbis iste his nostris oculis obiectus, & his calcatus vestigijs; Oceanum uniuersum emetiuntur, nouas gentes, ignota orbi nostro Regna & Imperia, in ultimis terrarum partibus scrutantur, quibus Deū uerum annuncient. Qualis fuit Xavier, Criminalis, Con-

saluus, Aquauiuā, eius, qui totius Societatis preposi-
tum agit hoc tempore Generalem, Frater, non cor-
pore magis, quā uitæ puritate germanus. ✓
Nulla deniq; est orbis uniuersi ora, sedes, locus,
inter Christianos, Machometanos, Hereticos,
Ethnicos, quo nō fuerit sonus Iesuitarum, CHRIS-
TI nomen prædicantium, exauditus. Non remo-
ratur eos Tyrannus, non impedit Oceanus, (& qui
maior Oceano murus?) persecutor non deterret,
percussor nō frangit, quominus ubiq; Dei annun-
cient uoluntatem. Quam tu, fat scio, pertinaciam,
& zelum non secundum scientiam appellabis. Sed
si tibi Dominus aliquando Spiritum humilitatis,
quo omnes destituuntur Euangelici, dederit: Da-
bit autem, si in recta fide nihil hesitans postulaue-
ris; iudicabis profectò, nil nimium esse graue; a-
amanti. Tum & illud intelliges quod ab homine
vinci nō potest, qui vitia sua vicerit. Caterum non
est difficile diuinare, quid males. Illa tu studia hym-
nis chorealibus efferres, in quibus ætatis tuæ florem
contriuisti. In illis tu mensis & occupationibus
Iesuitas videre velles, in quibus nil agitur, quod
foras proferendum sit: vbi diurnæ nocturnæq; per-
potationes, *παραγωγὴ ἀλλήλων σκυδικῆς* peraguntur,
in quibus te videre possent, vt Anacreon loquitur;

Iuuenem in scyphis valentem :

Minimè in scyphis pauentem :

Lepidum

Lepidum in scyphis choreuten :

Cytaraq; concinente

Temulenta verba fundentem .

Vbi alius inter manus è conuiuio tanquam è prælio auferatur ; alius tanquam occisus relinquitur ; alij fusi sine mente , ac sine vllo sensu iaceant . quiuis vt cum aspiceret ; non ingenuorum conuiuium , sed Orfensem aut Gruncualdensem cladem & pugnam videre arbitraretur . Sed solenne est , ijs qui in amore & voluptatibus adolescentiam suam collocarunt , hanc etiam vitam , atq; hæc studia dilaudare .

Quod ad iuuentutis institutionē attinet , quam bonis artibus & moribus imbuendam susceperūt . Si dixero ; quòd Spiritus sanctus huius consilij & cogitationis initium Societati attulit , non ero similis tibi , mendax . Maiorem quippe curam , ait Augustinus , adhibere oportet , in educatione ; quàm in procreatione liberorum . Non enim fœlicitas est habere filios , sed bonos habere . Plato quoq; nil accuratiùs admonet ; quàm optimam , ac diligentem puerorum institutionem , ex qua vna salus pendeat Rerumpub . Magistratus enim optimos haud posse fieri , nisi ciues , uiri sint optimi : ex quibus Magistratus creantur . Viros porrò nunquam fore tales , nisi adolescentes , pueriq; tales sint . Quamobrem etiam nutrices monuisse dicitur , vt ne turpes

turpes ac friuolas fabellas pueris occinant, ne illorum animos statim ab initio, stultitia, & corruptis imbuant moribus. Plutarchus etiam paterna putat appellatione indignos, qui plus studij ac temporis ponunt in comparandis pecunijs; quàm in filijs, quibus pecuniam relinquunt, ad virtutem effingendis. neq; hoc aliud esse, quàm magnam calceorum sedulitatem habere, pedem verò ipsum paruifacere. Cicero nullum munus Reipub. afferri maius posse testatur, quàm si doceamus atq; erudiamus iuventutem, ijs præsertim moribus atq; temporibus, quibus ita prolapsa est, vt omnibus opibus refrænanda, atq; coercenda videatur. Certe D. Paulus Timotheum suum hoc quoq; nomine commendat, quòd ab infantia sacras litteras didicerit. Hieronymus verò tantus Ecclesiæ doctor, non erubuit & docere, & scribere; de Pacatulæ infantulæ educatione, deq; filiæ institutione ad Letam. Facilis est enim ab improba vita, ad improbam fidem transitus. Vnde & Paulus loquitur, quòd multi repellentes bonam conscientiam, naufragauerunt à fide. Et alibi: Radix omnium malorum est cupiditas, quam quidam appetentes errauerunt à fide. Sapiens quoq; testatur, quòd in maleuolam animam non intrabit Spiritus sapientiæ, nec habitabit in corpore subdito peccatis. Spiritus enim sanctus disciplinæ effugiet fictū, & auferet se à co-

gitationibus quę sunt sine intellectu. Vnde fit, ut insignis ille orthodoxę ueritatis uindex Athanasius; uitam prauam, parentem seu anteambulonem heresis appellarit; Basilius gradum ad infidelitatem; Bonam autem conscientiam; ubi mala sedem occupauit; aut temperantiam ubi cupiditas imperium obtinuit; quàm sit difficile animis hominum inferere; tu fortasse non nosti, qui in hoc contentionis genere vestigium nullum posuisti. sed norunt hi qui quotidianum certamen cum carne; mundo, & sanguine suscipiunt. Longo tempore; ait Augustinus; magnis uiribus; diuersis artibus opus est; ut persuadeatur superbis; quanta sit uirtus humilitatis; ut persuadeatur cecis; quanta sit gratia lucis; ut persuadeatur ebrijs; quanta sit uirtus sobrietatis. Adolescens enim; ait Salomon; iuxta uiam suam ambulans; etiam cum senuerit non recedet ab ea. Et Salomone uetustior Iob. Quid; inquit; eius implebuntur uitijs adolescentie. Visum itaq; est Spiritui sancto tam pios excitare Sacerdotes; ut exemplo; tam doctos; ut & uerbo iuuentutem erudirent; talenq; animam formarent; quam inhabitare Spiritus Sapientie non dedignaretur. Prior est; ait August. In recta hominis eruditione; labor operandi; quę iusta sunt; quàm uoluptas intelligendi; quę uera sunt. Sed ea de re nulla fortasse inter me; & te controuersia est. Volui ta-

men partes earum occupationum attingere, quibus distinentur Iesuitæ; quàmquàm magna ratione adducti sunt, ut instituendę Iuuentutis in timore Domini curam susciperent. teq; eadem opera, & quinam sint isti uiri docere, & quænam sit eorum pietas, uitęq; sanctimonia, ob oculos ponere. Si mihi non credis, testes producam Romanos Pontifices. quos, si Christi vicarios putas, (id enim valde dubito) decretis eorum acquiescas necesse est.

Paulus tertius Pontifex Maximus, cùm Institutum Societatis breui formulā comprehensum legisset, vehementer illud approbavit, & in eo Spiritum Dei inesse testatus est; seq; non tenues fructus sperare, neq; exiguas ex tam exiguo tenuiq; principio vtilitates ad Dei Ecclesiam peruenturas, expectare. quamobrem etiam illud Apostolica sua auctoritate Anno 1540. approbavit.

Iulius verò tertius ipsam etiam formulam litteris suis inseruit, recepit, & approbavit. quam hic libet inferere. Quicumq; in Societate, quam IESU nomine insigniri cupimus, vult, sub crucis vexillo Deo militare, & soli Domino ac Ecclesię ipsius sponsę sub Romano Pontifice Christi in terris vicario seruire, post solenne perpetuę Castitatis, Paupertatis & Obedientię votum, proponat sibi in animo, se partem esse Societatis, ad hoc potissimum institutę, vt ad fidei defensionem & propagationē,
& pro.

& profectum animarum, in vita & doctrina Christiana per publicas prædicationes & lectiones, & aliud quodcunq; verbi Dei ministerium, ac spiritualia exercitia, puerorum ac rudium in Christianismo institutionem; Christi fidelium in Confessionibus audiendis, ac cæteris Sacramentis administrandis, Spiritualem consolationem præcipuè intendat: & nihilominus ad dissidentium reconciliationem, & eorum qui in carceribus, vel in hospitalibus inueniuntur, ministerium ac reliqua charitatis opera, prout ad Dei gloriam & commune bonum expedire visum erit, exequenda; gratis omnino, & nullo pro suo in prædictis omnibus labore, stipendio accepto, se utilem exhibeat; curetq; primo Deum, deinde huius sui Instituti rationem, quæ via quædam est ad illum, quoad vixerit ante oculos habere; & finem hunc sibi à Deo propositum totis viribus assequi. vnusquisq; tamen secundum gratiam sibi à Spiritu sancto subministratam, & uocationis suæ proprium gradum &c.

Gregorius quoq; XIII. A. 1584. apertè confitetur, non immeritò fuisse ab antecessoribus suis Romanis Pontificibus multa huic Societati concessa, ob egregias, sic enim loquitur, virtutes, & dona diuinitus elargita. cum illius finis præcipuus sit, Catholicæ Religionis defensio ac propagatio, animarumq; in Christiana vita & doctrina profe-

ctus. tùm etiã proprium esse gratiæ eius vocatio-
nis testatur, diuersa orbis terrarum loca, ex Roma-
ni Pontificis, per Præpositos générales, directione
peragrarẽ; vitamq; in quauis mûdi parte agere, vbi
saluandarum sua opera animarum copiosior pro-
uentus, ad Dei gloriam speretur. His tu profectò si
fidem non habebis, ego cur te Christianum pu-
tem? non video.

Sed adhuc quæris; *Quæ sit Iesuitarum prudentia?*
Id equidem rectius ab Euangelicorum ministris,
vel à Mexicanis & Iapponensibus Bonzijs, vel à
Turcicis vel Scyticis Caddis, & Muleāmanis, quæ-
siuisses. Dixissent illi tibi, quod consilij genus ad-
hibeant; quauẽ prudentia & solertia vtantur, Iesui-
tæ, cùm in medijs Euangelicorum & Paganorum
vrbibus; cùm in oculis & auribus infestissimorum
Principum, Christi Dei nomen intrepidè prædi-
cant: Christi crucifixi signa statuunt: cùm quos il-
li Deos colunt, esse Dæmonia ostendunt: cùm Ido-
la, cùm aras impias, euertunt: cùm templa Deo-
vienti erigunt: cùm Reges sacro Baptismate tin-
gunt: cum Bonzios, idolorum ministros, sub suaue
Christi iugum subiiciunt. Sed ad nostra veniamus.
Quære ex tuis Superintendentibus, & scholarchis,
vtrum lynceos oculos, aut emunctas nares habe-
ant Iesuitæ; cùm artes eorum omnes, dolos, frau-
des, technas, laqueos, & quas animis hominum fo-
diunt

diunt foueas, depræhendunt. Qua putas solertia opus habebât, cum Augustę Vindelicorum (quam quidam vestrum nouam vocare Bethlehem propterea non dubitat; quod in ea natum & approbatum sit quintum hoc Euangelium, quod Augustanam Confessionem vocatis) sedem figerent? cum illam ipsam Augustanam perfidiam pro concione damnarent, collegia erigerent, adolescentes instituerent, vestris Magistris & Ministris intrepidè ubiq; occurrerent? cum animo vinci nescio, ad certissimam mortem in intimam Angliam penetrarèt? cum inuicta mēte ante Præsides, & Tyrānos starent, & Christū Dei viuentis, & sponsam eius Romanam Ecclesiam, Romanumq; Pontificem Christi vicarium, ad ipsos laqueos & eculeos semiuiui & semiusti confiterentur? Qua prudentia sedem Ratisbonę fixerūt, cum Halberstadiū, Erfortum, Magdeburgam; in ipsam etiam penè deplo- ratam Scotiam, & alia permulta hērēsi inquinata loca, mucronibus infesta, & non nisi mortis contemptoribus peruia penetrarent? & Euangelicos omnes Christi inimicos, & Ecclesię Dei perduelles & libenter & liberè pronunciarent? Cum deniq; in Ægypto, in monte Sina, in ipsa vrbe Constantinopolitana, Dei summi uoluntatem, omnibus inuitis Saracenīs & Mamalucis annūciarent? & annunciant. Res tantę, Iesumastix, non casu, & for-

tuna, sed mente firma, consilio solido, diuina prudentia gubernantur: non prudentia carnis, quam tu solam sapere forte putas; sed prudentia, quam timor Domini inchoat, amor perficit.

Ais deinde: *Non tam benè refert Simia Simiam, nec ouum ouo, nec lac lactis simile est; quam Monachus Iesuita; & Iesuita Monacho.*

Profectò, si fatuo delectari uellem, nō esset mihi longius abeundum. Te riderem. Sed miratur alicubi Plato, qui fieri possit; ut aliquis in his superbè sapiat & glorietur, in quibus nondū quicquam sapit. Tu quid sit Monachus nondum sapis; & tamen de Monachi nomine tibi delicias facis. Vide ne tua infantia, non scriptorum calamis; sed pedissequorum sibilis explodatur. Nam si quicquam unquam, uel de Antonio, uel de Paulo, uel de Basilio, Augustino, Bernardo, & alijs sanctissimis Monachis auditione accepisses: si Chrysostomum de laudibus uitę monasticę, si eam Homiliã, quam de Regis, & Monachi comparatione conscripsit, & Cromerus noster è Græca Latinam fecit, saltem inspexisses; si scriptores innumeros, & Doctores, Monachos dilaudantes cognouisses; in Monachi nomine ita; ut facis, non luderes. Si tua inquam, mater esset Ecclesia Romana, quod tibi uerbum paulò ante, nescio quo modo excidit; si tu eius esses, ut uideri uis filius, Monachorum appellationem

nem probri loco non duceres. At tu præ stupore non consideras; quòd cùm Iesuitas Monachis facis similes; Paulo, Antonio, Augustino, Basilio, nolens similes facis. Vide quam sit potens veritas, & da honorem Deo. Etiam per hostium veritatis iugula, cùm ille vult, erumpit, nec magis quidquam timet, quam taceri; oditq; moras. Sed ego

Non dicta tanti ponderis tua æstimo,

Mortalis, ut perennia Deorum queas

Temerare iura, insculpta mentibus hominum.

Non hæc heri, aut sunt nuper admodum edita.

Vixere semper, quoq; tempore cæperint,

Scit nemo.

Quoniam autem conuitiorum tuorum semper incipit ex fine principium: manum tibi porrigam; ut ex isto quoq; cæno pedem extrahas. Dicam ego tibi, quid sit magis etiam inter se quàm ouum ouo, & lac lacti simile. Tu & tui Euangelici, Paganis & Machometanis longè estis similiore; quàm Monachus Iesuitæ; & Iesuita, Monacho. In hoc enim Iesuita Monacho similis est; quia Castitatem uouit, Paupertatem suscepit, Obedientiam promisit: at in habitu cultuq; corporis differunt. Ceterum Euangelicus omnis siue sit Lutherista, Calvinista, Trideista, Anabaptista; siue cuiuscunq; tandem sectæ discipulus; nulla prorsus in re, à Pagano & Machometano dissentit. Blasphematur Paganus Christus

stum Dei viuentis; blasphemat, & Trideista: Ridet ille Baptismum; ridet & Anabaptista: Fabulam reputat Eucharistiã, reputat; & Calvinista: Imagines ille reprobat; reprobat, & cõminuit Luterista. Sãctorũ inuocationẽ ridet Paganus; ridet, & Euãgelicus. Machometus sacras Imagines deleuit, & Mechensum quoq; ciuium suorum idola Aleth, & Tagot, cõminuit; & Euangelici Christi crucifixi, omniumq; Diuorum imagines aboleuerunt. Machometus nullum ferre iudicem voluit suæ doctrine; prohibet etiam ne sui discipuli, Iudeos aut Christianos iudicare de fide patiantur; idem faciunt Euangelici. Machometus diem Veneris ut diem Dominicum haberi voluit; ita Euangelici. & inter eos Lutherus; diem Dominicum Paschæ, in alium diem voluit immutari. & Carolstadius nullum aliũ diem præter Sabbatum, esse in honore uoluit. Machometani non circuncidunt, nisi septem aut octo annorum pueros; Euangelici etiam adultiores uix baptisant. Machometus Polygamiã docuit; Euangelici, Anabaptistæ liberaliter exequuntur. Hece-
 rus enim tredecim vxores habuit: & Regiomontanus quidam è Carnifice minister, septem uiuas in diuersis locis vxores aluit. Machometus ut suis, piã in speciem, uitã commendaret, negabat aliena cuiquam prodesse opera; Lutherus & cũ eo totus Euangelicorum cõtus, non modo Sancto-
 rum

rum negat opera alijs vtilia; sed nostra propria omnia, facit peccata. Machometus sacrorum & religionis suę, quasi quosdam Antistites assignauit; Muphtios, Caddeos & Talimeanos; Euangelici sacrorum curā & mysteria omnibus in uniuersum communia esse volunt. nec, vel uilissimos cerdones pelliarios, uespillones, lenones; imò nec ipsas fœminas ab ea repellunt. Machometani Christianos faciunt impios; quod Christum Deum suum ederent: Euangelici nos appellant θεοκτονας; siue Deicidas; quòd Dei filium deuoramus. Summa est. nec ouum ouo, nec lac lacti, ita simile est, vt Euangelicus Machometano: & Machometanus Euangelico.

Quod ais: *Vultum eos ad decipiendos homines habere accommodatum; os in latebris Jesuiticis compositum; oculos & totius corporis habitum, atq; ipsam rationem ad simulandum, & dissimulandum accommodatam.*

Quis malus Dæmon os tuū impudens Trheijcis compunxit notis? Deus bonę, quàm ineptus es; quàm tui ipsius amans, sine riuali. De saxo scilicet in crucem. Pudoris exitium. Iam mare haud est mare. Tu mare mendaciorum acerrimum. Omnibus, ut video, sanctitatibus bellum indixisti. quando Modestiam, Temperantiam, Gracitatem, os non garrulum, oculos non vagos, incessum mi nimè præcipitem, & orationem maturam, conu-
tio &

tio & reprehensione dignam putas. An eos esse tuis ministris Euangelicis similes malles; qui non solum esse, sed etiam videri volunt impudentissimi. Sicut à Smidelino factum in comitijs Vormationensibus legimus; vbi Lutheri verbum è loco superiore, cum fago & manica picturata, & uenatorio cultro ad latus prædicabat. Sed domum te reducam. Vilne habebatur Zuingliana Synodus ante triennium. Ibi vnus ex Synodi ministris, in platea quadam vltra pontem Bernardinorum, à lictoribus castrensibus in adulterio captus; & in alieno habitu in arcem perductus est. Vis aliquid lepidum de fratribus vestris Anglicis Euangelicis audire? Tam sunt proiecti pudoris; tam sunt amici Castitatis & continentiae; vt eos nõ pudeat mulieres pro cõcione ad libidinem deligere. Cathedras enim ascendunt, modo non meretricia veste induti, lotiq; vnguentis, comptiq; crines. & vt forma placeret; oculos illiti. nec solum ornatu, & subcripto capillo; sed impudentia quoq; mulieres imitantes, libidineq; calescentes, vagis oculis circumspiciunt; vasaq; sibi necessitatis (sic enim appellat) in ipsis templis assignant. Sed nec per vrbium vias & plateas unquam transeunt; quin illis ubiq; delecta sit ad libidinem mulier. Accipe exemplum, & iniurato crede. Lecta est ante paucos annos in tribunali Londinensi schedula per quẽdam ministrum,

strum, iudici Regio, sed per errorem porrecta;
 (aliam enim ad causam pertinentem offerre decre-
 uerat, quam in eodem sinu gestabat) in ea cuidam
 mulieri narrabat, quam ardentem in illam, dum
 concionaretur exarserit; quam libenter oculos ad
 eius formam adiecerit, & id genus amores suos pre-
 dicebat, atq; ad libidinem sollicitabat. Huius au-
 tem lasciuie vehemeter puduit Regiæ potentia ad-
 ministrorū impudentia, ut nullus esse locus animaduer-
 sionis videatur. Qui fit ergo, mi Actor, ut quam
 tui similes Evangelici in suis ministris modestiam
 & grauitatem requirunt; tu eam in Catholicis Sa-
 cerdotibus reprehendas? Sed accipe & aliud de Ve-
 neris Amasio Beza vestro, illa inquam putida, muti-
 di vessa, & digito compesce labellum non meis il-
 lum verbis depingo, sed proprii Ganotaphij testi-
 monio, conuince. Visa fuit Geneuæ castissimi Be-
 zæ statua in suo Mausolæo collocata. Ea porro qua-
 tuor columnis sustinebatur. In prima columina ex-
 culpta videbatur opere cœlato candida Beza lupa,
 cum suo pharetrato Cupidine. aberat tum scilicet
 Audebertus. In secunda, Harphya. In tertia, Bel-
 lona. In quarta Chymæra. Quatuor scilicet Beze
 vestri, virtutes Cardinales representabant. Vene-
 rem, rapinam, bellum, & fraudem. quibus hic A-
 postolus miseram mactauit Galliam. Buchananus

illa Scotia pestis nocentissima, bis à suscepta Ecclesiastica vitæ professione apostatauit : ter publicè adulterij pœnas luit : semel ab Inquisitione stigma suscepit. Poeticæ fidei professor in omni vita sua fuit. Reliquos non commemorabo.

Οὐκ ἔστιν ἀρετὴ ἢ πίστις ἢ ἔργον μὴ ἐκ τούτων
 Quibus nec ara, nec fides, nec iusiurandum manet.

Illud nō dubitāter affirmauerim. Omnes quotquot sunt, quotquot erunt, Evangelicorum ministros, tam esse faciles ad omnes errores, ad omnes impietates suscipiendas; vt non dubitarem eos & Veneris, & reliquorum Deorum fore Sacerdotes: præterquam Magnæ matris, vbi tales castrantur. Minister ille vester Minscensis, nonne propriam filiam, vxore viuente, constuprauit? Id certe vobis Evangelicis notissimum est, qui ad huius rei memoriam adhuc erubescitis. Lutherus vester, nonne matrem illam, si modo sibi remissa peccata crederet, ad cœlos abire statim in Lypsia iussit? quæ ex suo filio filiam suscepit, eamq; porro eodem in sciō & patre, & filio, foris educandum emisit. Et cum esset annorum 12. sub prætextu pietatis tanquam orphanam, fraudis ignaro filio, vicissim in vxorem dedit. idq; matrimoniū Lutherus esse legitimū vnā cū suo VVittenbergenſi Senatu, decreuit. Festis est Nasus. Finxerūt olim Poetæ Iunonem Summi Iouis & coniugem & sororem, sed finxerunt tantum.

tum. Porro si nunc viuerent, Lutherum profectò Ioue, maiorem Deum facerent, qui tam compendiosam humani propagandi generis artem calculo suo approbavit; vt vni viro vnus mulieris esse impunè liceat, & patrem, & fratrem, & coniugem.

Si igitur argumento est Iesuitas ob vultus, & vestis modestiam, & compositum in cessum, & oculos non vagos, Sycophantas esse; tu & ministri vestri, quos dixi, quosq; non dixi, qui lupas, & gladios, Cádidas, & Audebertos semper ad latus alitis: qui sub crispo capillo, picturata manica, vultu, vesteq; vtimini penè muliebri: qui de suggestu mulieres ad libidinem deligitis, fallaces, salaces, mendaces procaces, furaces, proiecti prostitutiq; pudoris homines censeamini, necesse est.

Quòd eos in Des Sanctorumq; cultu imitari dicis superbos, stultos, atq; impudicas mulieres; quæ splendidius vestiri volunt quàm honestæ matronæ. Et ea ratione oculos spectatorum in se conuertere, ac eorum cupiditates inflammare.

Mome maledicentissime, putas te crepidam Veneris Praxitelianæ damnare? Si Deum amares, si maiestatem diuini numinis, & quotidiana in genus humanum beneficia, cum animo tuo reputares; nullus vnquam tibi cultus, nullus ornatus, nullus splendor ad honorem Dei collatus, satis esse magnus videretur. Sed tua superbia ascendit semper. In co-

tum enim os tuum ponis: Deum Patrum nostrorum per latus Iesuitarum reprehendis, qui tabernaculum byssinum, vestes purpureas, templum cedrinum, vasa aurea, quadrangulum præcioso lapide distinctum, Sardio, Topazio, Smaragdo, Carbunculo, parari ad honorem suum præcepit. Dauidis quoque auctoritatem eleuas, qui sibi laudi gloriæque duxit, quod decorem domus Dei dilexerit. & Paulo notam iniustam inuris, qui omnia in Ecclesia Dei fieri vult ordinatè!

Quod Iesuitas Gabaonitas vocas. Infatiabilis est maledicendi cupiditas! Sed hinc quoque, crede mihi, causæ tuæ sanguinem mittam. Nimis infans es in rebus Evangelicorum tuorum. Dicam ego tibi ex illorum sententia, qui sunt veri Gabaonitæ, Lutherani, & Calviniani. Cum enim Trideistæ surrexissent, (quorum in patria nostra Prothomagister Gregorius Paulus Brzezinenfis, Valentini Gentilis discipulus, extitit) accusareque Lutheranos simul & Calvinianos cœpissent, quod quendam Deum Trinitatē colerent; quod *θεῶν τριῶν* adorarent; quod personas in Deo, naturas, Substantias, Hypostasies, processiones, & emanationes præter scripturam, & contra scripturam, fingerent. Illi verò ipsa nomina his ipsis verbis scripta, ostendere accusatoribus suis, in scripturis Canonicis non possent; ad Patres, Concilia, antiquitatem, vniuersitatem, receptum in omni Ecclesia sensum

ſenſum & conſenſum recurrabant; & illorum authoritate fidem Trinitatis defendebant. At Tri-
deſta; Veruſti ſunt (dicebant) iſti panni, quos vos
primi laceratiſti in alijs articulis fidei. Gabaonita-
rum ſunt iſti exoleti ſacci, utreſq; obſoleti; & lace-
rata iam dudum calciamenta.

*Quod Germania incendiū: Antuerpiæ direptionem:
Angliæ Reginam veneno & inſidijs petitam: Scotiæ Re-
ginam indigniſſimo mortis genere ſublata, Ieſuitis tribuis:
quaſi omnibus in locis morus excitauerint, claſſumq; ce-
cinerint.*

Tua ſunt hæc, mi adoleſcens, non ueritatis uer-
ba. Sed, ſoluam & hoc. Graue eſt debere cui no-
lis. Accipe. Germaniam Lutherus, & Pacimonta-
nus, perturbauit: Galliam, Caluinus, & Beza. Flan-
driam, Spangenbergius. Angliam, Martyr, & Bu-
cerus. Scotiam, Buchananus. Tranſyluaniam Blá-
drata. Poloniam Stancarus, & Sarnicius. Si iſti Ie-
ſuitæ fuerunt, & non Ieſuitarum hoſtes, & perfe-
cutores teterrimi; hoc primum erit in omni tua
actione uerum uerbum, quod dixiſti. Ferendo,
non inferendo iniurias iſta Regna peruaſerunt Ie-
ſuite. nec ſolum eam uim timuerūt nunquam, quæ
ad corpus vitamq; peruenit, ſed nec eam quæ peri-
culo mortis iniecto, animū formidine perterritum
loco ſape, & certo de ſtatu dimouet. Non eos, cre-
de mihi, rotæ vestræ, non radij, non ungulæ, non

rota-

rotabula, non lebetes, non Cataste, non Catapul-
ta, non frixoria, non digitoria, non pugillaria,
non manus ferreae, non subulae, non succensoria,
non ollae aeneae, non sartago, non cruces, non scor-
piones, non gladij, non equulei, non mille crude-
litate & acerbitate genera (nil enim in vestra per-
secutione defuit, quod uel auribus, vel oculis pos-
set terrorem incutere; quae in theatro crudelitatum
vestrarum, Liber Antuerpiensis, ostendit.) retarda-
re potuerunt; quo minus in obseruatione fixi con-
siliij perdurarent, Deiq; vobis annuntiarent volun-
tatem. Et tamen uobis vim fieri vociferamini, cum
vbiq; ita eos enecatis, non odij solum, sed etiam
ludibrij causa; ut & aere, crucibus deesse; & corpo-
ribus, cruces videantur. Crocodili sunt istae lachry-
mae. Tollat te, qui non nouit.

*Progrederis longius. & sapientissimū ac fortissimum
Regem Stephanum, iisdem Gabaonitarum (Iesuitas intelli-
git) procellis, & fluctibus, ita abreptum vociferaris; ut ni-
si postea consilium & moderationem adhibuisset; cum Ri-
ga nobis, & Rege Suetiae, aut certe Dania bellum fuisset
susceptum.*

Aiacem te mente motum dixeram, futurum pu-
tans; ut odium tuū in vniuersam Christi Ecclesiam
solis Iesuitis flagellandis exsaturares: nunc te voca-
re ad pileum uideo, etiam Reges. Fortè, sicut Ajax
inter Græcos arietem, ut Vlysem; sic tu inter ortho-
doxos,

doxos, Regem tibi Stephanum, ut magni Gregis
Duceim, calumnijs & contumelijs vexandum sus-
cepisti. Quo nomine vereor qui te non amauerit,
ne lutulentum suem: qui etiam oderit, ne Cerbe-
rum tricipitem putet. Durum quod dolet, ut non
doleat: ita tibi libet, cum omni mortalium genere
volutari; ita uolupte est ad omnia adlatrare. quamuis
non est hic latratus; sed morsus. Non queo diutius
linguæ tuæ procacitatem tolerare. Ipse quoq;

*Iuppiter, linguæ petulantis odit
Glorias.*

Quamobrem ut Homerus loquitur;

*Σοὶ δ' ἴσ' ἀρτίος ἔπαι καὶ ἱ στυπὴ χέεας ἵοικεν
Ἐπὺρ χέεας ἵοικε μέγας δ' αἰθέρι σιδήρεω.*

Tibi ego cōtrarius vado, & si igni manus similes essent:

Si igni manus similes esset, robur autem ardenti ferro.

Tu furijs abreptus, tu fluctibus obrutus, Tu pro-
cellis implicatus, Tu Megeræ facibus accensus, Tu
Cacodæmonis audacia armatus, audes notam inco-
gitantis minimeq; meditati consilij ei Regi affin-
gere; cui orbis vniuersus isto nostro sæculo primas
sapientiæ, & fortitudinis partes tribuit. Audi Soco-
louium eius Academiae, pro qua te pugnare simu-
las, olim alumnium & professorem, nunc vniuersæ
patriæ præcipuum ornamentum; de Rege Step-
hano quasi omnium ore loquentem. Fuit ille in Ec-
clesia Dei plusquam sacerdos: in Repub. plusquam

Rex

Rex: in exercitu, plusq̃ Imperator: in acie, plusquã miles; in iudicio, plusquam Iuris consultus; in dicendis sententijs, plusquam Senator: in aduersis ferendis, plusq̃ vir: in publica tuenda libertate, plusq̃ ciuis: in amicitijs colendis, plusquam amicus: in conuictu, plusq̃ familiaris: in uenatione, plusquam Leo. Si sacerdotem, procellis abreptum; si Regem, fluctibus oppressum; si Imperatorem, timidum; si Senatorem, consilij inopem; si virum, viribus carentem, Regem Stephanum putas? non contendam cum tua pertinacia. Facilius enim te, quisquis sapit, à damone obsessum iudicabit, quam Regem Stephanum, in manu & consilio fortem negabit. Vtinam autẽ in animos minus obstinatos optimi Regis conatus incidissent. *Rebellionis periculum denuncias, si sedem Iesuite Regis fixissent.* Sed quid quæso te? Iesuite Gedani fuerunt, cum Euangelici arma paricidialia in illum ipsum Regẽ & Dominum suum cœperunt? Quis ad eos Iesuita, quis Monachus facem in ciuitatem intulit? Quis Episcopus ad rebellionem armauit? Id quidem tu non solum de Sacerdote, sed ne de vlllo Catholico homine affirmare poteris, etiam si sis impudentissimus. Euangelici fuerunt, & qui suaserunt, & qui bellum susceperunt. Nec enim fieri potest, V T DEO REBELLES, REGI SINT FIDELES. Aiunt Hosium Cardinalem sepẽ dicere solitum:

Qui

Qui non est Papista; non est Regista. De hæreticis, dixit olim Martianus, non de Catholicis; quòd malè parent Regibus suis. Catholici, Petro præceptore, & bonis obedire consueverunt, & discolis. illorum bonitate ad consolationem vtuntur; istorum peruersitate ad probationem. pro utrisq; Deum deprecantur. Quis Iesuita Albertum in Prussia Principem, in Regem Sigismundum primum, armavit? Quis Archiepiscopu Rigensem, in Sigismundum secundum incendit? Nonne Evangelici Magistri, & ministri? Quis turbas Derpati suscitauit? Quis Moscos ad illius obsidionem; atq; ad totius Liouonia vastationem è proprijs sedibus, exciuit? Nonne VVittembergenfis ille pellio, scelerati Magistri Lutheri, pessimus discipulus. Non Iesuitarum illa sunt; sed Evangelicorum Epiphonemata: Euangelium sitit sanguinem. Et illud; Venit tempus, cum sacrificium Deo placatũ fiet, ex capitibus Monachorum bibere. Addam aliquid de Scotia. Ministri fuerunt Hæretici, non Iesuitæ Catholici, qui Regem & Reginam domi, consilio; foris, omnibus castris & armis oppugnarunt; qui publicè decretis eorum in foro Edemburgensi resisterunt. Vis nomina edam? Robertus Pontus, & Gualterus Baccanquelus à Iacobo Lausonio irritati. Ministri fuerunt in Flándria, toti terrarum orbi conspuendi, qui legitimæ potestati resistendum docuerunt. Mini-

M stri in

stri in Gallia, qui in cœdem Regis, & Reginae siccariorum manus armauerunt, & audaciam aluerunt. Scis quid factum de Riga, deq; Dantisco fuisset, si quid ibi Iesuite potuissent. Non ex triete, aut quin- cunce; sed Regio suo iure, Rex in eos vteretur: Non ex semisse, vel dodrante; sed ex assè, ciuitates illas possideremus.

Quòd tumultus Vilnenses, perturbationumq; procellas, & ciuium atq; nobilium concursum ad prælium commit- tendum, à Iesuitis suscitatas memoras.

Hoc nemo alius, Deum timens, dixit vnquam, præter te. Sed uideo quid velles. Euangelicis in Catholicos grassandi, sœuendiq; liberam potesta- tem; Catholicis ne proprii quidem tuendi capitis facultatem relictam, velles.

Ais deinde: *Conspiratione facta, cuius Iesuite auto- res atq; duces existerunt, magna vi atq; impetu in eam do- mum irruunt (Catholici) quæ vna in tota urbe monumen- tum antiquitatis extat Lutheranis concessa, Rege atq; om- nibus Senatoribus approbantibus.*

Ἄτρεϊδῃ μὴ ψέδῃ, ἐν τῷ μὲν οὐ σάφα εἰπὺν.
Atride (ait Homerus) ne mentiaris cum possis vera dicere.

Profectò huius dicti tui, Orcus videri posset im- manis opifex. O indolem impurissimam, (Mode- stè, non vt meritus es, ago tecum adolescens. Nam si tibi tuiq; similibus Euangelicis irascendum esset,

non

non irascendum, sed insaniendum esset.) Vt animum fartum calumnijs, exonerare cupis? ut mentem mendacijs pregnantem, excutere gestis? Equidem ita proutus, & acutus es, ad omnes calumnias omnibus vestigijs persequendas; ut abs te nil aliud expectemus, quam ut affirmes Iesuitas in paradiso serpenti persuasisse, Euam ut seducerent: aut Pilato authores extitisse, Christum ut in Crucem ageret. Quæ est per Deum hæc tanta calumniandi libido? Quæ lacerandæ famæ cupiditas: quod intorquendarum calumniarum desiderium? Iam vereor, ne & Græcis adfuisse dicas Iesuitas, cùm Helenam raperent. Nimum sapias Monocule. Nimum sapere, nimium malum est. Si bonus patriæ tuæ ciuis es; pacis amans, & quietis; Reipub. vulnera, non refricares. Optima enim ciuilis belli defensio; obliuio est. Nemo catus furorem illum populi, nemo vim illatam; nemo flammam immixtas probauit: legum & Regum vinculis, ac legitimi Magistratus auctoritate, cohiberi illa vestra audacia debuit; qua vobis fas iusq; esse voluistis, ipsius Regni statutis prohibita, conuenticula agere. Templum, contra templum; altare, contra altare; cathedram falsitatis, contra Cathedram veritatis erigere. Quam pœnam, vobis nouatoribus Regni statuta irrogant, iam diximus. Extat illa sancta Confœderatio Corcizensis, in qua sese Rex, & Senatus, & uniuerſa Nobilitas

obstringit, contra talem; siue tales insurgere ad eorum destructionem: qui errores hereticos in Regno fouere aut manu tenere cuperent. Sed hoc iam ante dictum est. Si Rex, si Senatus, si Equites ad istorum destructionem insurrexissent; plebs non insurrexisset. Sed Sacerdotum, est Dei aperire mysteria. Voluit hic quoq; Dominus infirma mundi eligere, vt confundat fortia. Voluit ex ore infantium & lactentium laudem suam perficere. qui si & ipsi tacuissent; lapides locuti fuissent, aut suo se quisq; loco, & ordine mouisset. Sic Dauidi à cede Goliati reuertenti, nō equitum turmæ; sed muliercularum agmina occurrerunt gratulantium & acclamantium; Saul occidit mille, & Dauid decem milia. Sic Hierosolymam ingredienti Christo; non Principes Sacerdotum, non Scribæ & Pharisei; sed pueri Hebræorum occinebant in via; Osanna filio Danid. Benedictus qui venit in nomine Domini. Sed non est huius tempus sermonis, nec tu diuina potes, per ætatis tyrocinium, mente & animo percipere mysteria. Non proijciam Margaritas ante porcos. tua hæc esse, aio, non veritatis verba; istiusmodi fulmina à Iesuitico esse numine profecta. Sed in eo quoq; vehementer erras. quòd nulla vnquam ante aduentum Iesuitarum talia pericula, ciuibus nostris acciderint. Infantem te dixi; nunc in patria hospitem, & peregrinum affirmo.

Nam

Nam si ætates, & tempora, diligenti studio perſecutus fuiſſes; quod dicis, non diceres. Vbi gentium fuerunt Ieſuite, cum Academiæ Cracouiensis ſtudioſi, in Luteranorum cuneos in Ducali domo, ut uocant, Deum blaſphemantes, irruerant: cum extincti Heretici cadauer ad ſepulturam deportati, excuſſerant: cum Arrianorum Synagogam vexauerant; libros impios diripuerant: cum Euangelicorum cadauera exhumata, eſcam uolatilibus cœli obiecerant. Hic proſectò effugium inuenies nullum; quàm, ut ipſos Academiæ Cracouiensis Profeſſores flabella ſeditionũ appelles; & earum quas ego commemoro, tu ignorabas, turbarum & ſeditionum incentores. Sed ego te docebo adoleſcens. Neminem eſſe tibi putes amicum, cui tu non es. Vos autem Euangelici cum ſitis omnibus erroribus amici: non poteſtis non eſſe, niſi ſolis non errantibus, inimici. Miror proſectò, ne etiam ungues à natura Leoni datos gaudeatis, ut offendant: manũs homini attributas doleatis; ut defendant. Sed nouum non eſt Euangelicis, rerum & naturarum ordinem peruertere.

Arma ad extremũ irritas, clafiicũq; canis, cum aiſ; *Erant quoq; maiores noſtri Catholici. et tamen, arma contra illos Jeſuitas Cruciferos ſumpſerant; et eos omni ratione perſequendos exiſtimabant, ſũmo Pontifice repugnante, & eius Legatis reſiſtentibus.*

Iam

Iam te, uideò Veritas. iam, uox & ratio, & ipsa deficit oratio. Arma expedis; quando desunt argumenta. Pacem suades; bellum moliris. Altera manu, panem; altera, tenes lapidem. Quid si scuta ferres, quos proflares Spiritus? Id scilicet solenne est Euangelicis Hypocentauris, cum ratione destituuntur, acre ferum stringere. uel potius omis-
sa ratione; manum armis admouere. At tu *μυρμηκίας δὲ κί περὶ τοῦ λέωνος βρυχῶν*. Formica sanè es; rugias licet ut leo. Obtusum telum uiri imbecillis, nullius precij. Narro tibi. non fore uobis difficile, non repugnantes uincere: Arma Iesuitarum spiritualia sunt; non carnalia. Hoc tamen monco. Faciliùs fore Iesuitas perdere, quàm uincere. Sed quam tantam acerbitatis causam præbuerunt?

Quia, inquis, maiores nostri arma in Cruciferos sumpserant. & exiguum sit discrimen, inter Cruciferos et Iesuitas: inter Crucem, et Iesum. Crux enim, et Iesus eandem propemodum vim habent pietatis, & modeste religionis.

Sanulnè es? Vigilasnè? Miminè, an oratoris personam sustines? Ludibundus ut video de sanguine ciuium decernis: plane Syllano more. Vel sicut olim Herodias, in conuiuio petens caput Ioannis Baptistæ. Arma in Cruciferos maiores nostri sumpserunt: Quia scilicet Cruciferi maiores nostros armis appetiuerunt: castris oppugnarunt: vrbes exciderunt; agros depopulati sunt: nec ipsos vnquam

Reges nostros, pace & ocio frui permiserunt. Id si faciunt Iesuitæ, ad belli me societatem, pro patriæ salutē adiungam: signa si uoles præferam: calonis etiam munere & officio fungi non dubitabo; dum à ciuium ceruicibus extrema pericula depellantur.

De Hispanica Monarchia, de Religionis custodia, de Regis Catholici crudelitate (sic enim tibi libet blaterare) de misera hominum illorum conditione, quæ ais.

Scapularum, ut video, agis confidentia. Nescio utrum tibi tonsor iamdudū ungues dēpserit. Moneo te, ut caueas, ne Cantaber aliquis audiat, & per tīcam quatrat. Postquam tuę scapulæ virgarum vim virtutēq; contēpserunt, Libēter illi relinquam refutandi, corrigēdiq; tui, negotium. Iniquum puto alijs vacare bellis, cū patria vastatur. Te verò valde miserum statuo, cū re, tum hoc ipso; quòd non sentis, quā miser sis. Bellum difficile suscepiſti. Aut animo demas, O bone, aut viribus addas. Si Catholicus esses; & Regis Catholici zelum probares, & Inquisitionis necessitatem intelligeres, & subditorum obedientiam, foelicitatem potius quā miseram vitę conditionem, vocares. Felix (ait Augustinus) necessitas, quę compellit ad meliora. Quomodo autem, Reges seruirent Domino in timore; nisi ea; quę contra iussū Domini fiunt, religiosa seueritate prohibendo, atq; plectendo? Ali-
ter enim Deo seruit, quia homo est; aliter quia &
Rex

Rex est. Quia homo est; ei seruit, viuendo fideliter. Quia verò etiam Rex est, seruit, leges, iusta precipientes, & contraria prohibentes, conuenienti vigore faciendo. Sicut seruiuit Ezechiaz, lucos & templa Idolorum, destruendo. Sicut seruiuit Iosias, talia & ipse, faciendo. Sicut seruiuit Rex Niuiitarum, vniuersam ciuitatem ad placadum Domini compellendo. Sicut seruiuit Darius, Idolum frangendum, Danieli in potestatem dando; & inimicos eius leonibus ingerendo. Sicut seruiuit Nabuchodonozor, à blasphemando Deo, lege terribili prohibendo. In hoc quippe, seruiunt Domino Reges, in quantum sunt Reges, cum ea faciunt ad seruiendum illi; quæ non possunt facere, nisi Reges. Quis autem, addit paulò post, mente sobrius Regibus suis dicat? Nolite curare in regno vestro, à quo propugnetur vel oppugnetur Ecclesia Domini vestri: Nò ad vos ptineat in Regno vestro, quis velit esse, siue religiosus, siue sacrilegus; quibus dici non potest, non ad vos pertineat in Regno vestro, quis velit esse pudicus, quis impudicus? Cur enim, cum datum sit diuinitus homini liberum arbitrium, adulteria legibus puniuntur, & sacrilegia permittuntur? An fidem non seruare leuius est, animam, Deo; quàm fœminam, viro? Aut si ea, quæ non cõtemptu, sed ignorantia religionis committuntur, mitius vindicanda; nunquid ideo negligenda

genda sunt? Nisi, quod tu uicissim hîc clama-
 bis: talem coactionem, non posse non uocari crudeli-
 tem: cum liberum sit unicuiq; credere, uel non cre-
 dere. Cui enim Christus uini intulit? quem coegit?
 & id genus, quæ deblateratis. Ecce habes Paulum
 Apostolum: uel in hoc solo agnosce Christum prius
 cogentem, & postea docentem; prius ferientem, &
 postea consolantem. Cur enim non cogerentur
 perditii filij, ut redirent; si perditii filij coegerunt
 alios, ut perirent? Melius quidem est, doctrina ho-
 mines ad Deum colendum duci, quàm penè timo-
 re uel dolore compelli: Sed cum omnia Rex Ca-
 tholicus fecerit; ut subditi eius prius docerentur
 quàm terrentur; facere quoq; debuit, ut qui do-
 cere noluerunt; cogerentur. Non enim quia me-
 liores sunt; qui docentes audierunt: ideo illi negli-
 gendi sunt; qui non audierunt. Multis, equidem
 in Flandria profuit (quod omnino scimus) prius ti-
 more uel dolore cogi, ut postea possint doceri, aut
 quod iam didicerant, opere sectari. Verbis, (ait
 scriptura) non emendabitur seruus durus; si enim
 & intellexerit; non obediet. Nam tu quidem per-
 cuties eum, uirga; animam uerò, eius liberabis à mor-
 te. Meliores quidem sunt, quos dirigit amor: Sed
 plures sunt; quos corrigit, timor. Hîc, profectò, ue-
 reor, ne & Eliæ crudelitatem obijcias; qui 250.
 Baaliticos prophetas, perdidit. Et Ezechiae qui lu-

N cos,

cos, & altaria dissipauit: Et Petro, qui Ananiam morte mulctauit, & coniugem. Pietas est, ô bone quam tu crudelitatem vocas. Felicitas est eorum populorum, quorum tu miseram conditionē putas. Quæ enim esse furentis maior felicitas potest, quàm si nō permittatur perire? Quod maius a Principe præstari subdito beneficium potest, quam si in pace uiuat temporali; & æternam non permittatur amittere? Quod charitatis officium, cùm ita studiosè, ita ardentè, ita libenter subiectis sibi populis Rex præstet Catholicus; vidè vicissim, quid pro Rege Catholico faciat Deus? Glorificantem me (ait) glorificabo: & confitentem me coram hominibus; confitebor eum coram patre meo, qui in cœlis est. Vide quot Regnis imperat? sed magis etiam vide, quomodo imperat? Ille vitam vitalem nisi cum salute subditorum, non putat: subditi vicissim, nil cupiunt aliud, quàm vt sicut Rex suus; sic eos amet Deus. Rem magnam dico. pacem, non pacem, putat, nisi cum pace, Sanctæ Ecclesiæ periclitantis. Vnam & solam felicitatem arbitrat: Orthodoxis, imperare. Hanc illi Dominus esse summam voluit; qualem ab orbe condito nemini. Europæ, non omninò tertiam partem possederunt Romani; Africæ, vix sextam; Asiæ, ne quæ dragesimam quidè. Americas porro, Occidentales Indias, Oceani meridionalis Insulas, ignorabant.

bant. Ita vt si orbem vniuersum in pàres partes diuidas, Catholici Regis Imperium latius hodie patere viginti partibus comperies; quàm olim Romanum. quippe quod in Septentrione, Rheno & Danubio: Ab Occidente, Oceano: A meridie, Atlante mari, desertisq; locis Africę. Ab Oriente, Tygri fluuio clauditur. Omnes enim oras Africę, quas aluit Oceanus, ipse possidet. In India cis Gangem propè omnes maritimas vrbes, & insulas. Malacę quoq; Regnum nobilissimum, & in conspectu positas Moluchas Insulas innumeras. Ad ostia maris rubri, Zaothoram insulam. In sinu Persico Ormütium. cum plurimis simul in Arabia & Persia nobilissimis portubus. Adde Philippinas, nouę Guineę regiones: Americę loca vastissima, quę Oceanus ambit, interfluitq; ad fretum Magalianis. Vnde Brasilię petuntur, & his finitimi portus. Vnde Hispagnolam, Cubam, Canarias, Terceras, ac deniq; quosuis Hispanię, Lusitanięq; regios portus petas. Inde si in Siciliam, regnũ Neapolitanum, Mediolanum, & Inferiorem Germaniam perrexeris, vastum penè circūdederis orbem; & extra Catholici regis Imperium vix pedem aliquando extuleris. Quę omnia ideo isto loco commemoranda putauī; vt te pudeat, pigeatq; stultitię tuę; quod cum esse Regem inhonoratum cupias, quem Dominus tanti mole imperij honora-

uít; inq; eius potestate, tot esse propterea regna, tot
 imperia voluit; quod ipse in potestate Domini
 mente & animo semper fuerit; semper esse volue-
 rit; & quoscunq; ad suum Imperium pertinere co-
 gnouit, eos Christo Saluatori uel lucrifacere con-
 tendit; uel lucrifectos, conseruauit. Sed sudes est
 in oculis uestris; bonus, pius, iustus, orthodoxus
 Rex. Trabes est in oculis uestris; pius, doctus, ze-
 lans, uigilans Episcopus. Reges, esse uelletis iner-
 mes: Episcopos, elingues: omnes orthodoxos, fun-
 gos: ut in ouile Dei tanto licentiús grassari, flam-
 mas, undis miscere; ima, summis paria facere; ho-
 mines, Deo; fortunas, hominibus eripere; nullo re-
 sistente, possitis. Ita te longè abripit furoris tui &
 iracundiæ impetus; ut cum uerum gloriæ iter non
 teneas; Catholicorum Regum, & Principum, di-
 gnitatem & maiestatem, probris & conuictijs uel
 xare gloriosum putes. At nihil profectò aliud asse-
 queris; quàm ut qui hæc tua legerint, audiuerint,
 cognouerint; hominem te existiment improbum,
 conuitiatorem, maledicum, & ut impurum de-
 tractorem detestentur: non uirtute, & rebus gestis;
 sed sola linguæ petulantia, mentiendo libidine, &
 dicacitate, scurra digna, laudem & nomen queren-
 tem. Sed si Hispanos improbas, quòd Christo &
 Regi fidem feruent; quòd obsequentes, & morige-
 ri uiuant; Gallos certè & Flandros probabis, bella

ex bel-

ex bellis ferentes, quibus semper contentio grata
 πολεμὸν μάχης, bellaq; pugneq; , ut ait Homerus.
 Sed à minis, accedis ad uerbera; machinasq; , muris
 admoues: & uelut ad festorum quandam solenni-
 tatem; sic, accedis ad praelia. Equidem ludere te
 paulò ante dixeram; nunc uideo decretum est om-
 nia adijcere uastitati.

Ais enim: *Video vos, tantis sumptibus, tam firma pà-
 latia, praesidia & propugnacula erigere; quae vos Mona-
 steria appellatis, quae, si uerè, ut sunt, nominari debent; Do-
 micilia scelerum omnium atq; receptacula, appellari possint.*

o Lues nefanda telluris succum omnè, ut uideo,
 maledicentia perbibisti. quæ iram posset, uel ipsis
 mouere cautibus, cæcas habes auresq; , menteq; , &
 oculos. Tu quidem tuam affirmationem, pro fide
 ueritatis haberi uis; ego impotentis animi argumē-
 ta; imò cubilia immortalis odij, statuo. Domakus
 es, (ut patrie nostræ uerbum habet) procastime Ado-
 lescens. Latinam enim, & urbanam appellationem
 barbaram tuam & inurbanam, insolens & inhumana
 actio, non meretur. (nisi quod fortasse dices, Nil
 sapere, non dolens malum est.) Posnaniensem tu
 domum; arcem munitissimam putas. Iaroslauien-
 se, & Lublinense ædificium eiusmodi munitionem,
 tantorumq; praesidiorum arcēs, appellas, ut nō scho-
 lasticos docere; aut muliercularum peccata cogno-
 scere; sed bellum gerere, uelle uideatur. Tu quidem

certamen suscepisse uideris; ut in singulis periodis impudentissimo impudentior uidearis. atq; ita nequitiam, ut uirtutem ostendere contendis. Quid diceres? quæ uerborum fulmina non mitteres? si Olomuccense Collegium, si Augustanum, si Romanum, si Hispanica, si Lusitanica Collegia; si Goanas & Mexicanas domos, inspexisses. Non illi præsidia, non propugnacula erigunt recipiendis hostibus idonea; (proditio enim & dubia fides quorum esse propria consuevit, iam ostensum est) sed domicilia parant ad eas, quas profitentur litteras accommodata; & ijs quos erudiendos suscipiunt, nobilissimis adolescentibus consentanea. ad temporis diuturnitatem firma, & stabilia; & ad ignis & incendiij pericula fugienda, lateritia. Non enim in illis heri, quod aiunt, & nudiustertius natas fides docent, aut eas quæ cum suis autoribus interitum subeunt (ut subiit Luterana, Muntzerana, Patimontana, & id genus perfidia) sed quæ ea promissione nituntur, quam Petro Christus fecisse legitur, cum dixit; Ego rogabo Patrem, ut non deficiat fides tua. Æternæ fidei æterna sunt, aut saltem diuturna domicilia statuenda. qualia statuerunt maiores nostri, optimi, & sapientissimi viri; quoties Tempia, Collegia, Monasteria, Cœnobia, Xenodochia, & id genus pietatis, & necessitatis domicilia à fundamentis erexerunt. quibus tu profecto,

non

non bonam gratiam habes; si piam eorum æmulationem reprehendis, qui maiorum zelum & exemplum imitantur. Te moneo ut memineris, quam sis insolentis dicti tui rationem allaturus, cum te Nobilissimi Equites Lublinensis Collegij autores; Maciejouij, Zebrzydouij, Tenczinij, apud fustitudinas, & ferri crepidinas insulas ad virgas & laqueos postulabunt; aut ad alios ad suspendium.

Quod vero illa ipsa quæ edificant Collegia, & monasteria (tu Palatia & propugnacula vocas) domicilia scelerum omnium atq; flagitiorum receptacula, apellas.

Quid iam faciam tibi; vel quid non faciam? (ait noster Poeta. Leopoliensis Simonides.)

Ægrotem potius quàm egrotos.

Curem? simplicior enim hac labes.

Doleas, si egrotas; si agroto ad sis;

Et menti, dolor; & manibus, labor.

Collegia Iesuitarum scelerum sunt domicilia?

Collegia Iesuitarum sunt flagitiorum receptacula?

Cinæde calamistræ, Frons meretricis facta est tibi.

(Malo crudelis in animaduertendo; quàm in prætermittendo dissolutus videri) ne in tam quidem

aperta & manifesta calumnia potuisti erubescere?

Merito te viperarum progeniem appellabo, ingratam

in parentes, & benefacta malefactis rependentem.

Os impudens, non es mentitus hominibus;

sed

sed Deo ; qui in his domibus & collegijs pie colitur : Possunt ne esse Domicilia scelerum, vbi quotidianis precibus numen diuinum placatur? vbi lachrymæ funduntur? vbi ieiunia exercentur? vbi cilicia? vbi flagella? vbi humi cubationes? vbi meditationes? vbi lectiones? vbi conciones? vbi confessiones? vbi sacre Eucharistiæ quotidianæ fiunt distributiones? Possunt ne esse flagitiorum receptacula, vbi in horas prope singulas fiunt conscientiarum examina? vbi silentij custodia? vbi temporis parsimonia? vbi verbum ociosum exulat? sed omnia pietas, humilitas, & mansuetudo, ac super omnia timor Domini occupat. Si cupiditatum, carnicinam; si flagitiorum, pestem; si frenum, furoris; si iuuentutis, cippus; si mortem cupiditatum & lasciuiarum omnium, Iesuitarum domos dixisses; parum dixisses. Si itaq; calumniarum artifex, si mendaciorum architectus, si conuitorum faber, si totius pietatis & modestiæ hostis teterrimus vocari non vis; ede scelerum & flagitiorum exempla, præfer auctorum nomina; nota loca; signa tempora. Id quidem fat scio tu præstare nunquâ poteris: unde consequens est; vt omnium, ab omnibus, mendaciorum & calumniarum pater, mater, frater, faber, sator, artifex & opifex habearis. Equidem dubito, ne tu fueris illius fabulæ Prothomagister, quæ Poloniâ vniuersâ, & ipsam etiam Germaniam perua-

peruagata est; Captos fuisse Cracouiæ Iesuitas in crimine pessimo, & in medio foro igne emédatos; optimi & sapiētissimi Regis Stephani imperio. At fabula cito in spongiā incubuit; & conficta criminatio apparuit. Extant ea de re impressę Archiepiscopi Moguntini ad Stephanum Regem litterę, & eius responsum.

Quòd ais; *Iesuitas Hispano Regi diuinos cultus tribuere, præsertim si eo accedat Papa autoritas.* Falsum est. neq; tu id à quoquā vnquam vsquam fictum, neq; pictum, neq; scriptum ostendes. Sciunt Iesuitæ & in omnibus scholis suis docent, esse quendam Deo soli debitum cultum; quem latrām Gręci vocant, & aliū qui mortalibus, quoq; sine diuini numinis offensione, tribuitur; quem *εὐλασίαν* appellant. Huius generis cultum Regi suo tamquam præcellentī tribuūt, vt illud quod Apostolus præcipit, impleant. Deum time, Regem honorifica. & cui honorem, honorem: cui tributum, tributum. Sed Ecclesię mysteria, factaq; Dei narrare auribus indignis, horresco. At quā tibi volupe est; Principibus Christianis allatrare, omnes ex omni parte carpere, mordere, suggillare? quod furentis & rabiosi Cerberi esse proprium, diximus. Papa ne suam autoritatem adhibebit; vt diuini cultus Hispaniarum Regi tribuantur? At ille ne sibi quidem illiusmodi honores debitos putat; sed Deo soli tri-

O buen-

buendos iudicat. Augustinus certè proprium ac soli Deo debitum cultū, vocat SACRIFICIUM, adeò vt, qui vnquam Principes sibi sacrificare, iusserunt; per hoc, se Deos haberi voluerunt. Si ostenderis itaq;, quis vnquam non dico Iesuitarum; sed qui vnquam fuerunt mortalium, qui vel Pape vel Regi Hispano sacrificauit? te à veritate, contra falsitatem stare pronuntiabo. Quòd multa in hoc genere prateris, bene facis. Te, labore; me, molestia leuas. Non itaq; crede mihi, scribis, vt timeamus ne desinas? Nil enim aliud agis, quàm loquens, laceras diem.

Admones deinde Senatores, vt meminerint; Hispaniarum Regem non longo à nobis interuallo esse remotum. Antuerpiam à Danisco sex dierum itinere abesse. fisci ex hostico recentes importari; Hispanica poma maioribus nostris incognita, ceterasq; Hispanicas & Italicas delicias, in promptu haberi.

Vide mi lector & iudica, vtrum pumex non eque sit aridus, atq; istius est oratio. Verbum istius, vt balista, iacitur. Non dirigit illud; sed proijcit. Prorsus difficile est diuinare, quas iste choree partes fallitet, schema, dixim, phoram an paraphoram? Ego quidem Bachæ bachanti similiorē facio. Non enim existimauit probare se posse, sui similibus quòd esset hostis Ecclesiæ Catholicæ, nisi Regi quoq; Catholico esset inimicus. Rectè dixit quidā

Euan-

Euangelicorum sectam non odissem: nisi tam turpes animos, in quibus habitaret; eligeret. Amator patriæ, uindex libertatis, custos legum, spes unica Reipub. quàm tibi volupe est, non solum Iesuitas, sed omnes etiam Reges, & Leges, omnia in uniuersum Regna & Prouincias, dente canino lacerare? Tu quidem videri vis, quasi saluam Rempub. cupias. Ego uerò amissam puto: cum vulneribus suis, tum his consilijs & medicamentis; quæ, isto tuo zelo pietateq; parantur. Utinam non maius esset patriæ nostræ periculum à tuis Euangelicis Regum & Legum euersoribus; qui flammæ omnibus imperijs, quoquo se uertunt, inferunt: imma, summis paria faciunt: & tantò nocent efficacius, quantò licentiùs, & liberiùs per omnes Reipub. partes, peruagantur. Scit infelix Gallia; experta est Flandria: tota ab istis euersa iacet Anglia. Sed cur Turcas & Scytas præteris? An ab illorum potentia nullum periculum pertimescendum putas? An vnus ex illis es, qui cum barbarorum illa colluie, fœderis societatem, contra capita Christianorū, inierunt? aut fortè Bizantijs in illius comitatu fuisti; qui Bassæ persuadere conatus est; Euangelicorum fidē non maximo interuallo à Turcico Alcorano dissi- dere; eorumq; esse castris & armis muniēdam. Non te latere potest; Euangelicos fuisse, qui in Comitjs, quæ prætereo, particularibus Contributionem

ad bellum Turcicum conferendam negauerunt; ne quid contra sociorum, & confœderatorum fidem, facerent. Iam autem ostensum à nobis est, quanta sit fidei, religionisq; inter Euangelicos & Alcoranicos, consensio. Verum profectò dixit, qui vos Turcarum præcursores, seu anteambulones appellauit.

Carpis deinde quendam, plenis velis in Suetiam propèrantem. Alium sexaginta milliaria tribus diebus emetientem. Accusas etiam, pacificationem sibi non traditam sumentem. Id quidem tu tanta confidentià exaggeras, vt imperitorum inscitiam tua cauillatione decipias; tibiq; persuades, ex his tuis laqueis nō euasuros Iesuitas, etiamsi pennas fumerent. At non est difficile diuinare, quos intelligas. Virum quippe laceras, cui matellam porrigere dignus non es; doctrina, pietate, prudentia, eloquendi elegantia, rerum pro Ecclesia gestarū gloria admirabilem, Antonium Posseuinum. Sed nil agis, Mastigia, vitrea sphaera non capitur vnguibus. nondum profectò tu videris affecutus, vel Obedientiæ vim: vel quantam in rebus gerendis habeat vtilitatem, celeritas. Tibi enim diei fortasse breuitas, conuiuijs; noctis longitudo stupris, & flagitijs, conteritur. Nescis Bernardum sanctissimum, cæcam obedientiam à religiosiis viris requirere; ne curiosius rimentur cū mittuntur, quæ sint locorum interualla; alterum, an
istum

istum quem nouimus orbem adire sint necesse: Alpes superare, an Oceanum emetiri? syluas an flumina prateruehi? Fideles sint, an infideles? Christiani, an Pagani; Schismatici, an Hæretici, ad quos eundem est populi? Quod vocat periclitatis salus; quod vrget Christiana charitas; quod Reipub. necessitas impellit; quocumque mittit legitime potestatis autoritas; infracto eunt animo. nec piratas, nec prædones, nec vrsos, nec leones occurrentes pertimescunt. Gloriosa crede mihi obedientia, gloriosa res est humilitas, qua sese ipsa etiam palliari appetit superbia, ne uilescat. sicut vicissim accidia, ignauia tempestas est. ut ait ille, rerum omnium maxima. Illa omnibus domibus, illa agris affert grandinem. Illa rebus publicis perturbationem accelerat. Si tibi, scelus si vitium est Obedientia, si diligentia, si celeritas, si robur animi, si periculorum contemptio; non contendam cum tua pertinacia. Bachæ Bachanti, si uelis aduersariet (ait ille) ex infana infanjoem facies. Profecto si tu unquam recte obedire didicisses; si proximi commodis & utilitatibus mouerere; melius nunc posses his cupiditatibus imperare, quæ te transuersum agunt; de quibus statu mentis dimouent, ut virtutem, vitium; obedientiam, infamiam; celeritatem, leuitatem putes.

Illud verò quod addis, quendam sibi non traditam pacificationem sumpsisse. Calumnia est. Extant mittentis &

tis & præcipientis litteræ, possunt codicilli proferri: obsignate tabulæ ostendentur; si pertinax esse perseveraueris. Sed & huius insolentis dicti tui, magnas aliquando poenas dabis. Quas, ais? Maiores nō poteris. Senties quam bono viro nocere cōtenderis, fuerisq; infestus.

De libello contumelijs et maledictis in gentem nostram pleno; Tu ais; Ego nego. Tu te non explicas; ego non assequor, quid repræhendas; nec ex quo te errore, eruam. Scio magnam à Iesuitis adhiberi cautionem in libris edendis, & quicquid in lucē proferendum est, per manus intelligentissimorum hominum, qui iudicii maturitate excellunt, peruagari; omniumq; ponderum examine ad libram reuocari, consueuisse. Sed si patieris me diuinare quid intelligas. Volani tu fortasse Zuingliocaluinisticę succiplenę cœnæ structoris, & pharmacopola: Lituanici libellum, contra Eucharistiam editum, intelligis. quem cū inter Nobites ad bellū Moscoviticum cocuntes spargeret; zelantissimus Rex Stephanus, audaciam Autoris detestatus, in familiari sermone cum eo, quem non nominas, doctissimo zelantissimoq; Sacerdote, cupere se ostendit; vt breui libello, quānam esset eius, de qua agebatur, Cōtrouersię status ostenderet; & antidotum sparso veneno obijceret: id quod sine mora factum. Responsum Rex optimus approbavit; tu contumelijs
& male-

& maledictis plenum afferis. Sed aliā in hoc genere, inferius persequemur.

Quod delicate & suauiter uiuant; magnos sibi deberi honores existimant. Magnifici appellari cupiant: omnibus artibus, multa prædia colligant, & opida exigant: Regni Senatores opibus superent: eosq; non tantum contemnere, verum iam ad cædem quosdam & animo et oculis suis & libellis designare incipiant. Lapidem loqueris, o Calumniator: nec iam deinceps dubitabo, quod scæua te mors squammigerq; protulit Draco. Sed,

*Ne mihi, ne quæso hac in
Turba, ex sensos sermones fere;
Qui te mentis captum infament.*

Magna certè est hæc sermonis tempestas, magna mendaciorum farrago: quam vno hiatu deblaterasti. Ira te infesta pedit. Nimis illi, laxas habenas. Adolescentia tua libidinosa & intemperans, hæc te venena cogit fundere. & certè, qui semel fines modestiæ est prætergressus; eum gnauiter esse oportet impudentem. Ad singula breuissimè respondebo. & ea erit, crede mihi, ex omni æternitate fluens veritas. Si mentes eorum aliquando, si contubernia, si victus rationem oculis ipse tuis inspexisses; aliter sentires. Delicias illi, voluptatesq; , ut maleficia vitant. Corpus abstergere mundicijs, probro ducunt. Amictus cultusq; corporis, omnibus in vniuersum par est: eum vero non mutant; nisi vsu longo

go, vetustateq; consumptum. Ad cœnaculum, tanquam ad templum, conueniunt; vbi gustare quicquam fas cuiquam non est; nisi prius oratione expiatur. Cum silentio autem residentibus, condimenti loco lectio sacra recitatur; edendi verò potandiq; modus; non saturitate, sed necessitate definitur. Alimentis enim vtuntur, vt medicamentis. Binis; ad summum ternis ferculis, famem frangunt. In fine refectionis; vota repetunt. Noctis partē, quam tu Veneri & Libero deberi arbitraris, votis & orationibus tribuunt. Asperiores autem in victu, vestitu, lectuloq; legem ordinariam propterea nullam statuunt; vt omni hominum generi, ætati, naturæ, valetudini, tanquam quædam communis & æquabilis viuendi ratio sit proposita; obseruatione facilis. Iracundiæ moderantur; indignationem cohibent: quod quis inter eos dixerit; iureiurando fortius habent: iusiurandum verò, periurio deterius vitant. Mendacij condemnatum arbitrantur; cui, sine Deo non creditur. Qui cæteris præsumunt; rem indignam Christi seruo arbitrantur; abuti viribus potestatis, ad contumeliam subiectorum. Sed neq; veste, aut ambitioso ornatu reliquis eminent. Deprehensos in peccatis, & spe emendationis destitutos, à sua congregatione repellunt. & qui fuerint ad eum modum reliquorum calculis condemnati; infœlicem vt plurimum vitam agunt; aut indigna

digna morte consumuntur. Id si putas suauiter delicateq; vivere; nescio quo nomine luxum, quo diffuis, appellabis. Velles fortasse, ut sicut Bonij Iaponensium Deorum sacrificuli, papyracea tunica tecti, cum descripta Amida vita, aetatem agerent; aut, vt Syriarum Hoxiones, Chiam calidam haurirent. vel, sicut Brasilienses, carbonibus subiectis in extenso reti, cubarent: vel, vt Deruise Turci, stigmata sibi inurerent; aut acutis nouaculis corpus frustatini discinderent.

Ais: *Quod magnos sibi honores deberi existimant; & Magnifici appellari cupiunt.* Profecto tu cerebrum in calcaneis depresso habes. Nil enim aliud agis, quam concenturias Sycophantias.

Ostende mihi Iesuitam honoribus aut dignitate eminentem, Cardinalem, Episcopum, Abbatem, Canonicum, & id genus. Ego tibi ostendam, leges eorum fixas; quibus sibi scientes & volentes viam intercluserunt ad omnes honorum & dignitatum gradus; etiam sponte oblatos. De Magnifici titulo, apparet te verlatum inter illos non fuisse. Patres & Fratres illi se inuicem, & Socios; non Magnificos appellant. Magnus enim cuiq; honor est, integritas sua.

Ais, *Omnibus artibus multa pradia colligunt, opibus eminent.*

Non quibus tu putas opibus, Momme. Anteit opes

P recti-

rectitudo consilij; solaq; eos seruata fides, pietasq;
 dicitur. Ceterum tu, Codrus omnium egentissimus
 videris; qui decem aut duodecim prædia, in tantâ
 Regni vastitate à pijs attributa, multa vocas: e quo-
 rum redditibus, putô viuunt nō minus persone 3. 50.
 Aut etiam Apostolos non accensas; quod præcia
 possessionū ad pedes proiecitas, accepêrunt? Cur non
 eodem Apostolorum Principem condemnas: cri-
 mine, quod ob fraudatum præciū; maritum mor-
 te multauit, & coniugem? Infirmi animi est, ô ho-
 ne; pati non posse diuitias. Sed vos recte Theolo-
 gus, fures illos appellauit; qui furto facto, fugientes
 æque ac illi, qui insequuntur, clamant: Ecce fur,
 tene furem. Ita vos: cum & sacerdotibus, & pu-
 pillis, & viduis, & quicunq; modò, vestro furorî re-
 sistere nequiuerunt; omnia clepseritis, harpagauer-
 itis: ob tria vel quatuor prædia a pijs oblata, fures &
 raptôres lesuitas vocatis. Quod præterea addis. quos-
 dam Senatores ad cœdē designasse animo & ocu-
 lis; nondum te ita puto effrontem & impudentem,
 vt de cœde corporis intelligas. Si cœdem errorum,
 Schismatum, hæresum, nequitiae & impuritatis in-
 telligis; Herbam trado, tecumq; pronuncio. eos
 ad eiusmodi cœdem non Senatores tantum, sed
 omnes in vniuersum mortales designasse. ut erro-
 ribus omnibus extremam mortiferam plagam im-
 ponant; & omnis impietas sempiternū interitum
 subeat

subeat. Sed in eo quoque, toto, quod aiunt, cœlo
 erras, quod putas nobilissimas Regni familias tur-
 pi ignominia notatas, quod ex illis nonnulli ma-
 lunt inter Monachos, ut ais, quàm inter Nobiles
 Patricios vivere. Quæ quæso te res? quæ spes? qui
 animi motus ad hæc dicenda incitat? nil ut uideo
 prætermittis, ut ineptissimus uideare. Auxerunt
 illi suam familiæque suæ dignitatem, non minuerunt
 cum sese in summi Regis obsequium tradiderunt.
 Quæso te, Matthæus illis suis opibus & illa sua di-
 gnitate relicta, Christo se adiungens, auxit ne an-
 minuit dignitatem? Ioazaphat regno relicto, vllam-
 ne ignominie notam subiit? Vos appello Nobili-
 ssimi Equites Rozrazeuij, vos Varleuicij, uos Vi-
 socij, uos Kbstka, vos Meleciij, uos Radziminij,
 uos Gavvronsciij, qui studia uestra soli Christo des-
 dicastis, qui nomina uestra inter Iesuitas retulistis,
 mentem huic Equiti impetrate, meliorem. Pro-
 fectò is terrenos Reges, & Principes Deo omnipo-
 tenti preferendos putat, ita ut laudes & præmia cõ-
 sequatur & familiam illustret, qui Regi vitupe-
 rium autem ignominiam, turpitudinem subeat
 qui Deo soli, se addixerit. Caue ne tibi infamie ac-
 ctionem, Nobilissimæ familiæ intèrent: aut ad pec-
 nam talionis (penè dixeram Tantali, quàm sat scio
 adolescentiæ tuæ futuram fuisse grauissimam) con-
 demneris. Non erit tibi difficile, ob tua mendacia,



conuitia, maledicta, infamie notā inurere; & ignobilē; si modo is es quem teipsum facis, pronunciare; & ē Regni finibus ad exilium condemnare: nil enim te prorsus delectare uidetur, quod aut per naturā fas sit, aut p̄ leges liceat. Sed spero, ut primū per etatem iudicium facere poteris, saliter senties.

Garris præterea, cum ais; *Sacerdotes etate & morbo confectos, sedibus suis eiectos: villas Parochorum ereptas: Nobiles exterminatos: optimas et fertiles Ruthenia partes inuasas; viduas bona relinquere coactas; heredes patrimonio priuatos: patriam violatam.*

Ad hæc tua tam crassa mendacia, præ dolore oculum, crede mihi, lachryma perpluit: ita me piget pudetq; stultitię, temeritatisq; tuę.

Sed si hec omnia, quę dicis, ita ut dicis, patrant & designant Iesuite; cum ita sis in calumnijs iacendis intemperantissimus; puto non futurū te fuisse temperantiorē, in tam multis & acerbis iniurijs à sociorum capitibus, depellendis: Ferrum primus stringeres, clientellas cogeres, omnia in oppressores Iesuitas armares. Paulo ante libellum editum dolebas; plenum contumeliarum in gentem nostram, ex quo exterarum nationum homines, existimare possint; nullam in Patria nostra esse pietatem, nullam rationem, nullam uirtutem, nullum ordinem. At quid, te teipso, esse potest in tuam patriam contumeliosius: in qua ais, vim uiris, uim

fœmi-

fœminis, vim uiduis, vim pupillis, vim liberis,
 vim heredibus, vim Parochis, vim Sacerdotibus
 sine freno furoris inferri. Aliter res ipsa, aliter per
 Dei gratiam loquitur veritas. Mihi quidē istum
 concursum plorantiū, ac tempestatem publicarum
 querelarum videre, nunquam licuit. Adest Rex Se-
 renissimus Sigismundus Principes, Deum timens:
 (maiores Principis laudem non inuenio) innocē-
 tium omnium, & viduarum & pupillorum tutor,
 & Sacerdotum acerrimus defensor. Adest sa-
 pientissimus Senatus: fixa sunt tribunalia: patent
 subfellia: libera sunt iudicia: neq; tamen in illis
 actiones ullę de vi, & iniuria Iesuitis intentatę au-
 diuntur; non leguntur, non videntur. Quę te res
 purum, putum Calumniatorem, & conuitiatorem
 conuincit; & patriam vniuersam ea, quam illi affin-
 gis, nota liberat. Cur enim secures datę? Cur ex-
 citata tribunalia? cur p̄sudet iudex? cur carcer edi-
 ficatus? cur tot supplicia in raptos & oppressores
 constituta? Aliter viri boni, tibi dissimiles, de statu
 & conditione patrię nostrę, loquuntur *τῆς πατρίδος*, vt
 Homerus loquitur, *ἀλλ' ἀγαθὴ κρηττοτέρα*. Aspera illa
 quidem sed bona iuuenum alitrix: Est in ea (sit Do-
 minus benedictus) iustitię locus: sunt virtuti p̄e-
 mia p̄posita: sunt descriptę sceleribus pœnę: est sui
 Senatus similis. In deliberationibus centum; in
 sententijs vnum videres: stant fixę maiorum no-
 strorum

strorum leges: Iudicij integritas incorrupta: distrahendarum controuersiarum ratio expedita: libertas in dicendis: sententijs impunita: scelerum animaduersio parata: verborum lenocinia suspecta: ambitionis studia languida: pecunię sitis moderata: pactorum, & Conuentorum fides maxima: Amicorum inter amicos consensio fidissima, inimicitia mortales, Amicitia immortales, simultates remissę. bona fide reditur in gratiam: Coniurationis, proditiōis, veneni nomina, prodigij loco ducuntur. Populi in vniuersum, natura fortes armis nati, & simplicis veritatis amici. nec aliam ob rem fortasse infelicitate digni, quā quod Euangelicorum progeniem, qua perturbantur ac modo non euertuntur omnia, in patrię visceribus tolerant. Nisi enim vos essetis Euangelici, qui patrię pacem, Regni Maiestatem, Regis auctoritatem, iudicij integritatem, audacia & impudentia vestra perderetis; integra Deo, salua Ecclesię, tuta Reipub. essent omnia.

Ais deinde; *Stephanus Rex adiurauit se, omni ratione pacem esse conseruaturum inter eos; quorum in religionē sunt discrepantes sententia: quamobrem igitur homines noui & peregrini in regnum nostrum sunt recepti?*

Equidem apparet multas te in Euangelicorum scholis ferulas contriuisse: ita omnes illorum artes perbibisti, vt scurras omnes dicacitate tua superare voluisse

voluisse uidearis. Iam de reliqua nostra cogitatione
 cognosce. Solenne est Euangelicis ex scriptura, non
 scripturam; ex non scriptura, scripturam facere. Tu
 quas uis; quasq; libet, leges in patria fixas esse uis,
 quas non libet augulas. Corezinensem illam Cō-
 fœderationem sanctissimam, qua uos hæretici ad
 cœdem & destructionem postulamini, ut Macedo-
 num castra refugis; & quicquid illud est, quo de
 pace Religionis apud VVarzauiam Interregni tē-
 pore scriptum est, sanctum esse iubes. At nos di-
 cimus, illam quam uos Confœderationem uoca-
 tis, magis iratorum hominum studia; quàm con-
 stans Senatus Concilium fuisse. An non audiuiſti,
 qui contra illam Orthodoxorum strepitus, qui Ec-
 clesiasticorum fremitus, quę Masouiorum Catho-
 licissimorum protestationes, & denunciationes ex-
 titerunt? Vidimus in Comitij Coronationis eius
 qui nobis fœlicissimè imperat, Sigismundi tertij
 Regis potentissimi, multorum Senatorum manus.
 Vidimus eorum Nunciorum, quos terrestres vo-
 camus, ex decem Regni Prouincijs seu Palatinati-
 bus subscriptiones; quibus se pro antiquis patrię
 legibus, contra Confœderationem illam nouam,
 Interregni tempore, sublato metu potestatis, con-
 tra omnes leges, (sic enim dicebant) & quasi capta
 Republica, caltris & armis tentatam, incisam per
 uim, impositam per audaciam, nullo scriptam mo-
 re, sta-

re, stare profitebantur. Sed patiare me hoc tempore in suam sententiam descendere. Si pax esse debet omnibus Lutericolis, & Caluinicolis, & Volanicolis, & Biesagicolis, & Budneicolis, & alijs similibus, quos colitis Idolis: Cur pax esse non debet, Christicolis Iesuitis? Si patet accessus externis non hominibus, sed hominum monstris, Stancaris, Ochinis, Lismaninis, Vigandis, Blandratis, Socinis, Ribaldis; & nescio quibus Caluini & Bezæ Helueticis Synagonistis, quos se in patriâ submisisse glorianatur; quos certè non solum religionis iudices, sed nec socios ad epulas; nec hospites in domo habere quisquam uellet, scelerum magnitudine, & conscientia maleficiorum coopertos; cur non debuit patere uiris optimis & doctissimis, Sónierio Hispano, Arturo Anglo, Campano Italo, Roberto Scoto, Stephano Vngaro Societatis eius quàm dilaudas (uituperari enim Catholicum ab Hæretico laus est) Sacerdotibus? Illi sunt, crede mihi, non enim te fallo; sic Christum mihi in illa die propitium precor, non te fallo: Illi sunt, non Iesuitæ; qui quotidiana serunt discordiarum, bellorum ciuiliū inter nos, & contra nos, semina. ita etiā uiuunt, ut cuticulam suam curent; pecuniam colligant; quicquid est pretiosi in alicuius Equitis domo, illud ad se pertrahant; in fraude, & ex fraude uiuant. Cur inquam istæ in patriam receptæ sunt

sunt pestes? cur Confederationis præsidio, & tutela muniuntur? Iesuite Orthodoxi, Catholici, Papistæ violantur? Nimis tibi sumis adolescens, oblitus es ætatis tuæ; Intemperantiùs hac tua lingua abuteris & calamo: dum ad te putas legum interpretationem pertinere. vt ij, quos tu uoles, legis præsidio gaudeat; quos nolis, & censoria tua virgula miniataq; cerula confixeris, non gaudeant. Nimis etiam ingratus es iniustusq; ciuis; qui cum te scias armorum prænarumq; periculo liberatum, armatum tamen in reliquos ciues animum retines. Scis qui, magnus ille Cromerus, Confederatione hanc similem volebat? D E M S MEHERRVAGEN; sic enim loquebatur. hoc est pici seu cuipiam pinguedini, qua curruum axes inunguntur. Quatuor scilicet rotæ, quatuor sunt huius sæculi præcipue sectæ; Lutheristæ, Caluinistæ, Trideistæ, Anabaptistæ; quæ si Confederationis lenitate inungantur; citò cōperueniunt; ubi fiunt Atheistæ. Accipe exēplum. quo olim hæreticorum vestri similium audacia, ob impunitatem processit. Res horrenda dictu; sed expedit uobis audire; quod auditum, nō possitis non damnare. Narrat Epiphanius, Gnosticos Hæreticos ante suam Synaxim promiscuos concubitus exercere consueuisse; liberorum tamen generationem vehementer auersatos. Sed si præter sententiam accidisset, vt prægnans mulier efficeretur, de-

Q tractum

tractum quacunq; ratione ex vtero foetum, in mortario quodam, pistillo tundeant; & admixto melle & pipere & alijs quibusdam aromatibus & vin-
guentis, ad auertendam nauseam; omnes fiebant
participes coctusi pueri: atq; sic humane carnis esu
peracto, preces deinde fundebant ad Deum; & hoc
perfectum Pasca, dicebant. Hortuisti, sat scio. sed
eadem fuit, & est ubiq; Hæreticorum rabies. con-
stat tibi omnibus in locis illorum impudentia. Si
nihil eiusmodi apud vos adhuc accidit, accidet: ni-
si vestra audacia legum ac pœnarum vinculis, con-
stringatur. O si videri posset oculis corporis hæc im-
manitas, & crudelitas vestra, qua Corpus Christi
mysticum, quod est Ecclesia, in mille minutissi-
mas partes, ausi estis conscindere; ipsi profectò mi-
rarentini, quomodo terra sub pedibus vestris ape-
riens os suum, vos & socios vestros non deuorave-
rit. & eam immanitatem, quam in Christi corpus
exerceris, longe ea maiorem, & immanio-rem cœ-
leretis; quàm in Corpus infantis admissam à Patri-
bus vestris Gnosticis hæreticis, audiuiſtis. Nunc ea
leuiora putatis quæ Dei; grauiora hæc, quæ diximus,
quia mortales oculos offendunt. Sed quid vnquam
nō ausi sūt hæretici? quid vos nō audebitis Euāge-
lici? si modo licebit. verū nō ē huius tēpus querere.

Optas patriæ pacem, Reipublicę tranquillitatem.
Hæretici tibi sunt & Schismatici Ecclesiasticorum

sanguis-

sanguine iam pridem saginati, proscribendi; quocunq; tandem nomine vocentur, qui dum in Regni visceribus harent; cum errorum omnium sunt amici, ut ante dictum est, non possunt esse nisi soli non errantibus, hoc est Catholicis Orthodoxis, & ut uos vocatis, Papistis inimici: Vidit olim idipsum Sigismundus Augustus Rex sapientissimus; Vidit etiam prudentissimus Regni Senatus: viderunt Prouinciarum & Nobilitatis Nuntij, in comitijs Parczotien: Quamobrem etiam Decretum saluberrimum promulgauit, ut omnes externi & peregrini Euangelicorum Superintendentes & Ministri, Regno excedere cogarentur. quod si fuisset executioni demandatum: hæc, quæ vidit mala patria charissima; non vidisset. An tu illam legem mortuam putas? nisi quod valdè vereor, ut esse magna possit eius Senatus authoritas, in quo tanta luxuria adolescens, sententiam capitis audet in viros bonos pronunciare. deq; bello & pace, deq; commodis, & incommodis Reipub. statuere. qui cum Regni statum esse vellent in libertate; quem ceteri vix tolerarent in seruitute.

Progrederis longius, & ais; *Cur nō retinetur Authoritas Concilij illius amplissimi, & sacratissimi Lateranensis, quod vetuit: ne in posterum noua aliqua Monachorum familia, à quoquam instituatur?*

Tu quidem isto loco acutus videri velles; & ali-

quid tandem cum auctoritate agere. Iam non possum, te nil sapere, dicere. Sed interim verum est: quod oculis tuis nil latius possit occurrere, quam Iesuitarum ruine. Omnia colligis; in omnia te vertis; arma ab aduersarijs petere non erubescis; ut Orator magnus videre, qualis si esses, magna cloaca esses. Iane bifrons, Protee leuissime, quas tandem formas induis? Quousq; istū Gygis annulum torques & retorques? Nulla, ut video, tibi parata gutta, certi consilij est. Tu Pontificis Decreta contempsisti; cum Iesuitas, quos ille probat, odisti. Tu maiestatem eius irrisisti; cum illum Regi Catholico Philippo, diuinos honores permisisse iussisti. Tu Concilium Tridentinum neglexisti: cum ab illo Societatem probatam, improbasti. & nunc ad Concilium Lateranense recurris; in eoq; tuę præsidiū libidinis statuis. Ego verò, tibi dico Gabaonita, vetusti sunt isti panni, quos vos primi lacerastis in alijs articulis fidei: cum omnium simul Conciliorum & Decretorum fidem, & auctoritatem eleuastis. Sed tu, quod Euangelicorum proprium esse dixit Vincentius Lirinensis, prima, taces; extrema, ponis; media, præteris; omnia inuolis. de scriptura, ludum; de scriptura, tibi Proteum facis; oblitus quod pulchrè scriptum Tertull. reliquit. Sicut si in tibiam flaueris, non propterea hominem tibiam feceris, quanquam de anima tua flaueris; ita si

verba Concilij, Canonicaq; decreta flaueris; non propterea seruos Dei damnaueris.

Fili Sathanae (nam & ipse è Scripturis, Scripturarum authorem Christum opugnabat) video quòd non intelligis, quàm difficile est Dei seruos expugnare; cum nullum certum habeas Deum: quò nomine nullam tibi pœnam acerbiorẽ deposco; quàm vt aliquando tamẽ intelligas, quàm viris bonis nocere contendas. Si posset hæc tua ætas rerum grauitatem sustinere, audires ex me: quòd non solum Lateranense Concilium sub Innocentio tertio, sed etiam Lugdunense sub Gregorio decimo, repetita constitutione districtiùs inhihet. sic enim legimus. Ne aliquis decetero nouum ordinem aut Religionem adinueniat, vel habitum nouę religionis assumat: ceterum tu, quę sequuntur, hæreticorum more præteris. In eodem enim ipso Gregorij decreto illę Religiones perpetuę prohibitioni subiiciuntur; & quatenus processerant reuocantur; quę nullam approbationem Sedis Apostolicę meruerunt. At Iesv Societas non vnius sed quinq; Pontificum Romanorũ approbationẽ meruit. quod iam antea audiuisti. Sed ipsius etiã Generalis Concilij Tridentini authoritate, firmata est & cõstabilita. Multa tibi vt video sunt dediscenda, omnia discenda.

*Que de dubia Sixti Pontificis in Societatem voluntate
vicaris*

tricaris ; Id facis, non quòd uerum putes, sed quòd impudentia abundes. Iratis animis quodcùq; occurrit, telum est. Gratulor quòd sic habeas omnia explorata. fortè nec illud ignoras, quomodo Iuppiter Iunonem duxerit. Iste quoq; Spiritus non nisi Euangelicorum est : qui sese in Dei consilium admissos, & intimæ voluntatis interpretes & Internuncios arbitrantur. Platoni certè iocari videtur, qui se omnia scire profitetur. Sed hoc tibi persuadeas velim ; ita Iesuitas esse legitimæ potestati obsequentes : ut quod Pontifici, quem Christi vicariû agnoscunt, visum fuerit, ad Societatis conseruationem adiungere ; vocem eius, tanquam Christi loquentis vocem, audiant. tum quod ita Christianos omnes, qui se modo eos esse meminissent, affectos esse oporteat ; tum quòd fidem & obedientiam suam Romano Pontifici non vulgari illo modo, neq; solita ratione ; sed præcipua quadam pietate, & deuotione, quod tu forrasse nesciuiisti, obstringunt. Ego verò existimo etiam si verum esset quod prædicas ; quòd immortale tuum in seruos Dei odium rabiemq; tricipitis Cerberi, ne hoc quidem quod dicis, exlaturaret. Omnium tu vnus cruces spectare in eadem aræ velles : cû puluisculo, quod aiunt, euerlam, extinctam, è rebus humanis sublatam Societatem cuperes : ut gubernatore sublato ; sicut de Romano Pontifice loquitur Hieronymus, facilius

in Ec-

in Ecclesię naufragio, tu & tui Euangelici grassentur. Sed aliter Ecclesię sponsę suę Deus prouidit. dedit militem; qui uidit hostem: dedit custodę, qui uidit furem. Nihil est mali, (ait Cicero) canes ibi quamplurimos esse, ubi permulti fures. multa obseruāda; multaq; seruāda sunt. Non sit fortissimus, & sapientissimus Rex Stephanus, (sed hęc tu quoq; fluctibus abreptū vociferaberis, homo abrepticie) qui tātum pręsidiū constitutū putabat ad Reipub. tranquillitatem, in rectę instituta iuuentute, atq; ad omnem moderationem conformata; ut, quod ante quoq; dictum est, magnis propositis pręmijs, uiros doctissimos ex intima Italia euocaret, Marcum Antonium Muretum, Flamminium Nobiliū, Sigonium, Vrsinum, & Fogletam, Historicos; Gregorium de Valentia, Toletum, Belarminum, Iesuitas; Patrem Aquarium Dominicanum Theologum. Tu ais monachos instituendę iuuentuti incommodos: at Rex magnus aliter. qui laborem ueniendi fortasse suscepissent, nisi istos tuos, & tui similibus, Scyticos fremitus contra alienigenas & externos, cognouissent. Neq; tamen propterea deesse Rex optimus utilitati subditorū uoluit: sed illi ipsi iuuentuti Albense & Claudiopolitanū, & Varadinense in Transyluania; Rigense & Derpatense, in Liuania, Polocense, in Lituania, Collegia crexit; in quibus tenera subditorū ætas ad omne of-

ne officij munus Iesuitarū studio & opera formare-
 tur. Parum est. Vide, quęso te, uim desiderij incre-
 dibilem. cū ceteris omnibus, in iuuanda re Chri-
 stiana satis superq; fecisset, sibi ipsi satis factū non
 putabat; nisi etiam ē sepulchro, ea qua liceret ra-
 tione rei Christianę succurreret. Testamentū con-
 scripsit, plenum in rem Christianam, & in ipsos Ies-
 uitas amicissimę uoluntatis. cuius particulam ex
 me si audieris, saxeum te putabo, nisi nobis diui-
 nam aliquam cecineris Palinodiam. Ait ille. At
 nisi Dominus custodierit ciuitatem, frustra vigi-
 lant qui custodiūt eam. proinde ipsum Principem
 Sigismundum, omnes deniq; Senatores, status &
 ordines Regni Transyluanię oro & obtestor, per
 salutem animarum suarum, Reipub. tranquillita-
 tem; simulates deponant, pietatem colant, auitam
 sanctam Catholicam fidem recolant; aut saltem
 per me fratremq; meū introductam postliminiō,
 a quo animo ferant. Collegium Iesuitarum in Ko-
 lozvar, & Kolosmonostor fundatum; bonisq; do-
 tatum; partim iure Regio, partim pecunia & alio-
 rum bonorū permutatione, bono iure acquisitum;
 tueantur, conseruent, & augeant. Sic etiam Alben-
 se, Varadinense, non solum conseruent; sed auge-
 ant, ad ipsumq; incrementum adijciant. Alioqui
 si violentas iniicient manus, implebūt modios ire
 diuinę, quę retribuit talibus secundum immundi-
 tiam.

tiam cordis eorum. O diuinum diuini Regis testimonium. ô memoriam suę in Societate voluntatis sempiternam. Stabunt hæc, & in arce locabuntur. Tu, & Actio tua prima, & secunda, & tertia, & quotquot voles scribere, in Saturni podice submergentur. Tu tamen, Osce lepidissime, in tanti Regis exemplo & authoritate audes ludere? non miror. Ducebatur olim Athenis ad supplicium Aristides, cui quisquis occurrebat deiiciebat oculos, & ingemiscebat: non tanquam in hominem iustum; sed tanquam in ipsam iustitiam animaduерteretur. inuentus est tamen, qui faciem innocentis conspueret. Deinceps te moneo ne tam improbè oscites. non est hoc promere verba; sed proijcere. Non magis contemni putēs Regem Stephanum mortuū, cum illustria Principis facta dente canino laceras; quàm cum ædium Sacrarū ruinae calcantur. quas, quicunq; sunt religiosi, æquè ac stantes adorant.

Porro illorum qui sceptrum tenent,

Haudquaquam est violanda authoritas.

Si magnus vir cecidit, magnus iacuit. inquit ille.

Nisi quod te iamdudum, spontanea perdidit ira. Quid de reliquis orbis Christiani Regibus & Principibus dicam? quorum tu nunc os, & oculos erubesceres. Quò magis illi Regnorum suorum pacem amabant; quò magis populorum salutem & quietem appetebant; eò magis Iesus Societatem, ac

R alios

alios viros doctissimos omni officio, ac pietate & liberalitate in suas ditiones euocabant, fouebant, ornabant: Aude inuictissimo & sapientissimo Cæsari Carolo Quinto, notam præcipitis consilij inu-rere; qui Panormitanum Collegium exædificauit, in Sicilia: Aude fratri eius Ferdinando; qui Vienne-nse, Pragenſe, & Oenopontanum erexit: Aude Ioanni tertio, Sebastiano & Henrico Lusitanie Re-gibus, exprobrare; qui Conimbricenſe, Vlyssipo-nenſe, Gœnſe, Iaponenſe etiam & Basilienſe in India, excitarunt. Faciliùs profectò efficies, vt te qui audierint, mancipium flagris natum putent; quàm tantos Principes, imprudentes. Non commemorabo Carolum Archiducem Serenissimum, Græcensis Collegij authorem: Nil dicam, de Ma-gdalena Serenissima sorore eius; quæ Hallêſe, erexit: Nil dicam, de Bauarie Principe Catholicissimo; qui Monachienſe, & Ingolſtadienſe: Nil, de Philiberto Sabaudie Duce, qui Taurinenſe & Chiamberenſe: Nil, de Florentinis, Ferrariën, Mantuanis, Parmê-sibus, Lottaringis, Guisijſ, Niuernensibus, Nie-ſuiſenſibus Ducibus, & Collegijs afferam; res ip-sa loquitur. Quæ si non vides, talpa es: si uides, & vituperas, scurra es: si vituperas, & non erubescis: iniquus, impius, & consccleratus detractores. Dies me deficeret, si Principes Ecclesiasticos Socie-taris, & Collegiorum authores & fautores enu-

merarè uellè . Farnesius, nunquā satis laudatus Cardinalis, Collegium in monte Regali in Sicilia; Romę verò magnificētissimū templū Societati, crexit. Otto Truchses, atlas ille Religionis in Germania, Dilingæ: Turnoneñ, Turnoni: Lottaringus, Mossiponti: Boromeus, Mediolani; Corneus, Perusię; Hosius, Braunsbergę. Deinde verò, & ipsi S. R. Imperij Electores, & Archiepiscopi Ecclesiastici, Moguntinus, Moguntia; Treuerensis, Treueris; Toletanus, Toleti; Granatensis, Granatæ: Gneznenfis Kalisij. Hos ponè sequuntur Episcopi & pietate & prudentia cōmemorandi. Noscouius, Pultouię. Valerianus, Vilnę: Konarski, Posnanię: alij alibi. Sed, nec priuati Nobiles defunt. Paciecus, Villaretanum in Hispanijs; Nouellarense, Gonzaga. Lublinense quorum opibus surrexit? non ignoras. Sed, nec matronas Nobiles præteribo. Barchinoneñ, Maria Mariques de Lara: Complutense, Maria Mendozia: Villagarzinum, Magdalena Viloa: Iaroslauieñ, Sophia Palatina Sendomiriensis: Nolanum, Nola comitissa excitauit. Quę, tu me isto loco, duabus ex causis, commemorare putabis; tūm vt intelligas(si modò per animi angustias potes) magnam te & difficilem causam suscepisse reprehendendi eius cōsiliij; quòd summi Consilij Cæsares, fortissimi Reges, sanctissimi Cardinales, intelligentissimi Principes, Deo dilecti Episcopi, cor-

dari Nobiles, Matrone deuotissime, pro subdito-
rum vtilitate susceperunt: & quæ à pietate Societa-
tis expectabant, vera esse exitu probauerunt: & in
eorum potius authoritate, quam in tuo errore cõ-
quiescas; tum vt memineris 5000. Nobilium, ad
tuam perniciẽ in istorum Collegijs educari, quo-
rũ profectò nemo, te poterit sine suspirio aspicere:
& si quisq; semel conspuerit, eris rana Seriphia ve-
nustior. nec cuiusuis, crede mihi, aque aspersione,
hac vnguenta elues. Certum enim est, quòd qui
in vitâ hominis fidem in Deum sanctissimã putat:
non poterit eum æquanimiter tolerare; qui fidem
ex animis hominũ tollere, Ecclesiam Christi scin-
dere, ministros eius oppugnare, opprimere, ob-
truncare, templa spoliare ausus sit. Qui pudorem
& pudicitiam colit; non potest equo animo, quo-
tidiana Euangelicorum adulteria, Sacrilegia, stu-
pra, incestus, meretriciamq; disciplinam aspice-
re; & qui proximorum iniurijs, Rerumpub. vasta-
tionibus doleat; quomodo potest istos Euangeli-
cos, non hominum; sed belli civilis vultus: istas
fauces, per quas non Dominica, quòd mendaciter
iactitant, sed Lapitarũ cœnæ & conuiuia transeunt;
sine motu mentis relinquere? Qui Romani Pon-
tificis, Episcoporum & Sacerdotum iura, dignita-
tem, libertatem, auctoritatẽ sanctam apud omnes
haberi vult; ijs quomodo potest nõ plus etiã quàm
inimi-

inimicus esse, qui ad istum ordinem euertendum,
ad tollendam Ecclesiastici imperij maiestatem, op-
probria, conuitia; maledicta, verbera, cruces, tor-
menta, supplicia, fixa parataq; se habere glorian-
tur. Admurmuret ad ea dicta, qui uolet; laceret
qui uolet. Malo me Ecclesia mortuum, quam uiuū
desideret. Nec est, quod sis de Scriptoris apellatione
solicitus. Si sanitatem desideras? Quere, & inue-
nies. Sanis recta salus. Bonū enim est à verita-
te vinci: cum à quocumq; dicatur, à Spiritu sancto
tibi. Duobus autem in locis impune loqui possu-
mus: uel, cum nobis; uel, cum veritati obest silen-
tium. Vellem tibi contingeret, vt eorum aliquan-
do vultum, & oculos, qui hanc tuam Actionem
legerint, intuerere. Quoties te mendacem? quo-
ties mente captum; quoties inertē, quoties iratum,
quoties furentem; quoties cœcum, & impiū
appellabunt? quoties per illas ipsas fenestras,
quæ legentibus lumen ministrabunt, deiicient? op-
tare vt debeas; eum, quem edidisti libellum sem-
piternis tenebris latere; ne stultitię & impudentię
tuæ extet, apud vniuersam posteritatē tam illustre
monumentum. Certē consideratius consilium su-
scipere debueras. Cum olim Deorū delubra Theo-
philus Alexandria euerteret, & simulachra in le-
betes conflaret, vnā imaginem certi alicuius Dei
omnium turpissimam seruari iussit; eamq; in loco
publi-

publico crexit, vt Gentiles progrediente tempore, ire inficias nō possent; se tam turpes & inanimatos Deos, coluisse. Hoc porro Teophili factum, Ammonius Grammaticus Gentilis, præ ceteris tulit ægerrimè; quòd illa quoq; tam turpis statua conflata cum alijs non esset: sed ad Græcorū Religionis irrisiōnem, reseruata maneret. Sic futurum puto; vt te, & tuos Euāgelicos valdè pœniteat, extare cum hoc libro tuo in oculis vniuersę posteritatis, stulti-
tię & impudentię tuę non uestigia, sed cubilia. Sed non est difficile diuinare, quid metuis. Impendere fortè vides ab hac seruatorum Christi acie, his quos seuis-
tis Euangelicorum Atheismis, interitum. Non enim ita delicatum oculum habere te puto, ut si in eū incurrat Iesuita, statim effluat. Sed hoc agis, hoc conaris; vt pietatem, industriam, diligentiam, literas, quas saluis Iesuitis proscribere nō potes; cum Iesuitis simul eijcias. imò verò hoc agis; (fortassè ne tibi mors molesta accideret) ne quid post te in patria integrum, ne leges, ne litterę, ne pietas vlla relinquatur. Velles ante te Rempub. perire. At ista quę suscipis, Maximiana sunt & Iuliana consilia; quę tantò minus succedent; quanto magis ab illorum abes potestate.

De Maximiano scribit Eusebius, quòd post omnia acerbissima tentata contra Christianos cōsilia; cū non quantum vellet cursum fidei Christianę

stianæ retardaret; librum conscribi iussit, cui no-
 men dedit; Acta Pilati, innumeris mendacijs &
 contumelijs in Christum, abundantem: præcepitq;
 vt Præceptores omnes ac puerorum Magistri disci-
 pulis illum suis explicarent; & ipsi discipuli me-
 moriter addicerent; ac impietatem in Deum à
 prima statim infantia combiberent. De Iuliano
 verò his uerbis scribit Nicephorus. Ne Christia-
 norum pueri Græcis disciplinis erudirentur, aut
 Poetas, scriptoresq; eorum legeret, scholasuè publi-
 cas frequentarent; lege cauit. Ne linguis eorum,
 inquit, acumine perpolitis; facile disputatoribus
 nostris resistere, & sacra quidem sua amplificare,
 Religionem autem nostram refellere facile queât.
 Quæ crudelitatis & impietatis teterrima consilia, si
 quod optatis, tu & tui similes in patriæ uiscera in-
 uexeritis; quasi sphaera ad cætrū; sic ad Atheismum
 deuoluentur omnia. Luteranismi enim perfectio
 Atheismus ē; & Epicureismus. Reliquæ sectæ, quo-
 rum numerus ad ducentas ferè & quinquaginta
 ascendit; uelut gradus quidam sunt, quibus itur
 ad impietatis fastigium; vt dicat impius in corde
 suo; Non est Deus. Nemo enim repente fit sum-
 mus, ait Bernardus; ascendendo, non volâdo apre-
 henditur scalæ summitas. Sed ego non perorandi,
 sed respondendi partes suscepi. Hic itaq; respon-
 dendi finem faciam, vbi tu finem interrogandi fe-
 cisti.

cisti. Veniet, qui tuas calumnias pleno modio verborum refutabit. Ipsi quoque mellisonorum hymnorum fabri, tuas ineptias statim persequentur. Interim hic meus sermo erit tibi correctio, si uelis; testis autem coram Domino, etiamsi nolis. Vasa irę, ait August. ad hoc permittuntur in Ecclesia garrire, ut tanquam de negligentię somno excitentur vasa misericordię: & studio respondendi pestilentibus maledictis, adhibeant curam salubribus dictis. Et alio loco; Sicut habet suam hilaritatem ipsa cantatio, etiamsi ad eam nemo sua membra mouet, cui pleno gaudio cantatur; ita suum pręmium habet admonitio; etiamsi non obtemperat, qui monetur. Hieronymus verò planè rem nostrā loquitur, cum ait: Qui Æthiopem inuitat ad balneum, & si nigredinem non auferat illi, pecuniam tamen accipit sibi; & licet in illius candore non gaudeat; certè vel in suo lucro lætatur.

Sed te ad extremum Patria charissima, vosque sapientissimi Senatores appellabo; ut istiusmodi Euangelica consilia, è patrię finibus in ultimas terras facessere iubeatis. Nil enim isti siue Euangelici, siue Politici consiliarij uolunt; quàm ut iterum ad illam barbariem reuoluamur, quę ante susceptam fidem Christianam, in patria nostra videbatur; ut simus & mente, & religione destituti. idque singulārī Dei prouidentia statutum stabilitumque arbitramur;

mur, vt sanandis nouis morbis; nouum medicorum genus exurgeret: nouas remediorum species; nouam curationis rationem afferret. Non sit nouitas molesta, (ait Cassiodorus) quæ proba est. Patet omnibus veritas: nondum est tota occupata: omnibus proxima est: omnibus sempiterna. non fit minor, in tempore; non distrahitur, à multitudi-
 ne. non excludit venientes: non deserit abeuntes. Multum ex illa, posteris quoq; relictum est. Nullo loco est: nusquam deest: nullæ in ea angustię: nullus in ea defectus. Omnes amatores suos sine inuidia recipit; & omnibus communis est: & singulis casta est. Nemo dicit alteri: recedes, vt accedam & ego, remoue manus; vt & ego amplectar. Omnes illi inhaerent; omnes illam tangunt. Cibus eius, nulla ex parte discerpitur: nihil de ipsa bibit vnus; quod alter non possit: si modò perseuerans adsit fruendi voluntas. Receperunt olim in patria, maiores illi nostri optimi & sapientissimi viri, Robertos Italos, Paulinos Gallos, Adalbertos Bohemos. nec ignominiam duxerunt ab illis discere, quæ nescierunt. Procedente tempore, receperunt & D. Augustini Africani, & D. Francisci Itali, & D. Domini Hispani, & Diui Basilij Gręci, socios, & discipulos; quorum alij nos ab impio idolorum cultu, ad vniuersi Dei, & filij eius Domini nostri IESV CHRISTI cognitionem, verbo & exemplo ad-

S duxerunt

duxerunt, alij pietatis & sanctitatis exemplis, orationumq; præsidij, Regnum hoc florens & incolu-
me, in confessione veræ & indiuiduæ Trinitatis,
cuius hodie memoriam agimus, sine ullius erroris
admixtione, totis ferè septingentis annis ita con-
seruauerunt; vt cum vicina nobis regna & imperia
ab vnitatè Orthodoxæ fidei, vel Hæresi vel Schisma-
te distraherentur; Moschi & Rutheni, Græci; Bohe-
mi & Morauj, Hussici; Traces & Bulgari, Macho-
metico; nostra, per Dei gratiam; Polonia, nullum
vnquam malum ex vicino malo traxerit. sed sicut
rosa inter spinas; sic illa sese, eorum quos dicimus
præsidio, virginem castam exhibuit Christo: &
quàm par erat, Deo vero, constantiam representa-
uit, vsq; ad hæc infœlicia tempora; cum Lutherus
odium illud Dei omnipotentis, (& si homines odist-
sent quos oportet, etiam omnium hominum pe-
stem) è vicina Saxonia, ante annos quinquaginta
afflauit. Si patriam à minimis inijs in hanc quam
videmus amplitudinem & maiestatem excreuisse
gaudetis, vt à palude Meotica, ad mare vsq; Balti-
cū pertingat; & uicissim à Borysthenē vsq; ad Ode-
ræ littora extēdatur; tam sanctis legibus descriptam
tamq; pijs moribus constitutam; cogitare debetis,
hæc omnia cum illis quos diximus, dicerem & per
illos, nisi militis alicuius fremitum timerem (nam
maiora sunt orationum, quàm armorum præsidia)

nobis

nobis à Domino contigisse . Nihil vt esse pertimescendum videatur , ne nouum hoc Religiosorum virorum genus in patria destruat ; quod Robertus , quod Adalbertus , quod Augustinus , quod Basilius , quod Fraciscus , quod Dominicus edificauit . quin potius , huic qui maiorū instituta pturbant , hæreticorū cunco , has Iesuitarū acies obiectas & oppositas , putate : nō castris , & armis , sicut olim Cruciferi , quorum adhuc nomen horretis , instructas ; sed timore Domini , sed amore proximi , sed zelo , sed bonis litteris , sed exacta rerum diuinarum scientia & cognitione , munitas . Non illi vestra vobis eripiunt , vt falsò accusantur ; sed diuina tribuunt . Verumtamen si vobis spiritualia seminant , quid magnum est , vt aliquando vestra carnalia metant ? Si res nouas & maioribus nostris inauditas , si fides , si mores , si ignotas prioribus sæculis sanctitates in patriam inferrent , causam non dicerem . Sed cum veterem illū pietatis & sanctitatis splendore , quasi quodam situ , & squallore coopertū ; cum illis ipsis , quos fertis in oculis , Hosijs , Cromeris , Patricijs , Orichouijs , Gorscijs , Socolouijs , Pouodouijs instaurat ; (Libet hac vti similitudine) dum illi altaria & Diuorū imagines ppoliunt ; isti etiā tēpli pauimentā , & vilissima quęuis peristromata ppurgare non negligunt ; omniaq ; siue parua , siue magna & audēt & agūt , quęcūq ; tandem requirit percuntis salus ;

Quid causę esse possit, vt homines salutis vestre cupidissimos; patria pulsos, & omnib⁹ infortunijs dignos arbitremini? nō vīdeo: idq; iterū atq; iterū affirmo, qui hęc vobis furoris & amentię plena, Scythica planē, barbaricaq; cōsilia suggerūt, eos, nō tā Iesuitarū, quā totius Religionis Christianę odio ardere: quod si verbis negāt, re & veritate pręstant. Quorsū Trinitas venerāda, blasphemijs lacerata? Quorsum maiestātē sua, Iesus Dei viuētis, spoliatus? Quorsum furtā Sacramentorū, quę populo Dei sine fronte & mente Euāgelici clepserūt? Videte, quęso vos, Templorum parietinas, Altariū rudera, Imaginum euerisiones. Videte martyria Episcoporū, exilia Sacerdotum, contemptū Sanctorū: Cur in Germania 20. millia tēplorū, spoliata? Cur in Anglia 10. millia, diruta? Cur in Gallia 300. millia Catholicorū, trucidata? Cur in Flandria in legitimā potestatem armā sumpta; ima summis paria facta? Cur, diuersis in locis, 200. millia Sacerdotum, ex carnificata? Cur in Scotia Reges oppressi? Cur in Gallia ad eēdem postulati? Cur à Turcis perfidia, ad uniuersę Christianitatis perniciem, petita? Dies deficeret; si furōres omnes Euangelicorum, & ab illis suscepta cōsilia recensere vellem. quorum hęc summa, hic solus & vnus scopus est; vt aut Leges, aut Reges pereant. Sed & in patria nostra. quorsum Iurisdictione sua spoliati Episcopi? Quorsum creptę decimę?

cine? Quorsum confœderatio extorta? Quorsum
 Clerus vniuersus, ad bellicas expeditiones postulatus?
 Quorsum Ecclesiastica iura, in exilium acta?
 Non Iesuitarum capita, credite mihi Senatores, nec
 inuisa multis Ecclesiastici ordinis maiestas, istis cõ-
 silijs petitur; sed per Ecclesiasticorum latera, Chri-
 stiana Religionis iugulum, ad necem postulatur.
 quæ si vnâ ceruicem haberet, eam certè Euange-
 licæ præcidere non dubitarent. Nunc autem quos
 violenta non possunt; lenta quasi morte conficere
 cupiunt. vt si fieri posset, sine sensu doloris pereamus.
 atq; ad extremum sine Deo, & sine Christo
 eius maneamus. simusq; sicut habet Esaias; quasi à
 principio; quando Deus non dominabatur nostri;
 neq; inuocabatur nomen eius super nos; Lelicolæ,
 Pölelicolæ; Piorunicolæ; Serpenticolæ; Babicolæ.
 amissaq; luce veritatis, ad baratrum redeamus infidelitatis.
 Idq; vnum prorsus & agunt & faciunt; isti
 malorum turbines, ministri; quamuis aliud ore faciantur.
 Sed rectè eos liber ille Gallicus, Aduertissent,
 religionis pestes, regum carnifices, legum
 euerfores, belli ciuilis vultus, vocauit. qui vitam
 vitalem, nisi in turbata Repub. non putant. quib⁹
 illic febris est; quando reb. Ecclesiasticis ungulas
 iniicere non licet: quos Dei templa; nisi flamma
 conflagrata non delectant: nec, post vinum, quicquã
 magis exhilarat, quàm tosti ædium sacrarum parietes:

fictes: qui pactum, non pactum: non pactum, pactum putant, quodcunq; libet. Gloriosi, ventosi, furiosi, linguas habentes lacteas, corda felle plena, atq; acerbo aceto. Sue negligentes, alienę expugnā pudicitię. Homines (si modo homines) sine spe, sine fide, sine sede; ore, manu, lingua, vii in inquinati, qui, non nisi sanguine ciuium sagittatq; ad omne scelestum facinus, dolos fraudū calumnias, cedes, mortes, ita prompti sunt, & expediti; vt quicunq; aliquem flentem in Galliā viderit, ab illis iniuriam passum putet. Quos Orcus, vt puto, (hęc enim sunt libri verba) ad se recipere propterea omnes nō vult, ne illius quoq; loci pacē & quietē, bellis & motibus infestent. Tales vobis, o Senatores, ministros; tales animarū vestrarū & conscientiarū moderatores obtrudere; eiectionis Iesuistis, cuperet Equiso iste: Eques enim in equitem ita, vt iste, nunquā esse posset iniquus. nec tam dira mala, in charissimę patrię viscera, immittere desideraret. Auertat ab illius capite infaustū omen hoc, Deus! Absit ab hereditate tuā, Christe, quā tuo sanguine redēptam per 600. annos in Ecclesię sponsę tuo gremio fouisti. Credebāt, o Senatores, in Deum maiores illi nostri sine Serueto & Gētili; sine Blaudrata, & Gregorio; habebāt Sacramēta, sine Luthero: Sumebāt corpus Christi sine Caluino: Baptizabātur, sine Pacimontano, & Cechouicio: Iustificabātur si-

tur sine, Osiandro; Matrimonio iungebantur, sine Ochino; Manebant in Ecclesia, sine Fricio. aut si ipsi seducti, nos seduxerunt; (quod absit ut cogitemus) culpa ois tua erit o Christe; qui e sinu summi Patris nimis citò descendisti: nimisq; citò Apostolos tuos ad Euagelij predicatione dimittere, pperasti. Nam si ista Lutheri & Caluini tēpora expectasses; longē, quā Petrū & Paulū, fideiores diuine tuæ voluntatis interpretes & internuncios habuisses. Frustra ergo nos Adalbertus & Stanislaus docuit; frustra sanguine fudit. Frustra Boleslai, Casimiri, frustra Iagellones, frustra Sigismundi, baptisma receperunt; bella pro Christo gesserunt; tēpla crexerunt; Collegia cōstituerunt; seruos Dei auxerunt; xenodochia suscitarunt; redditus attribuerunt; Frustra Sacramēta sumpserunt. Quicunq; hæc de optimis Regibus, deq; maiorum pietate existimāt; eāt, sicut habet Athanasius, & ossa eorum e monumētis eruāt, ut ab omnibus intelligatur: & illos fuisse seductores, & istos parricidas esse. Sed tu Christe da mētem istis hominibus meliorem, ut aliquādo tādē doctrinam ueritatis, in

Cathedra unitatis collocatā, intelligant. Ego

uerò finem facio; si uos adhuc monue-

ro, Senatores. Euangelicos, & reli-

quum orbem Christianum;

stare simul non posse.

L A V S D E O.

Imprimatur.

Ard. Biandrà Vic. Gen. Neap.

F. Cherubinus Theologus Archipiscopatus Neap. vidit.

Ioh. Franciscus Lombardus deputatus vidit.

M. Philocalus Pharaldus Carmelita Dep. vidit

NEAPOLI.

Apud Iosephum Caccium. M. D. XCII.









